



## Acerca de este libro

Esta es una copia digital de un libro que, durante generaciones, se ha conservado en las estanterías de una biblioteca, hasta que Google ha decidido escanearlo como parte de un proyecto que pretende que sea posible descubrir en línea libros de todo el mundo.

Ha sobrevivido tantos años como para que los derechos de autor hayan expirado y el libro pase a ser de dominio público. El que un libro sea de dominio público significa que nunca ha estado protegido por derechos de autor, o bien que el período legal de estos derechos ya ha expirado. Es posible que una misma obra sea de dominio público en unos países y, sin embargo, no lo sea en otros. Los libros de dominio público son nuestras puertas hacia el pasado, suponen un patrimonio histórico, cultural y de conocimientos que, a menudo, resulta difícil de descubrir.

Todas las anotaciones, marcas y otras señales en los márgenes que estén presentes en el volumen original aparecerán también en este archivo como testimonio del largo viaje que el libro ha recorrido desde el editor hasta la biblioteca y, finalmente, hasta usted.

## Normas de uso

Google se enorgullece de poder colaborar con distintas bibliotecas para digitalizar los materiales de dominio público a fin de hacerlos accesibles a todo el mundo. Los libros de dominio público son patrimonio de todos, nosotros somos sus humildes guardianes. No obstante, se trata de un trabajo caro. Por este motivo, y para poder ofrecer este recurso, hemos tomado medidas para evitar que se produzca un abuso por parte de terceros con fines comerciales, y hemos incluido restricciones técnicas sobre las solicitudes automatizadas.

Asimismo, le pedimos que:

- + *Haga un uso exclusivamente no comercial de estos archivos* Hemos diseñado la Búsqueda de libros de Google para el uso de particulares; como tal, le pedimos que utilice estos archivos con fines personales, y no comerciales.
- + *No envíe solicitudes automatizadas* Por favor, no envíe solicitudes automatizadas de ningún tipo al sistema de Google. Si está llevando a cabo una investigación sobre traducción automática, reconocimiento óptico de caracteres u otros campos para los que resulte útil disfrutar de acceso a una gran cantidad de texto, por favor, envíenos un mensaje. Fomentamos el uso de materiales de dominio público con estos propósitos y seguro que podremos ayudarle.
- + *Conserve la atribución* La filigrana de Google que verá en todos los archivos es fundamental para informar a los usuarios sobre este proyecto y ayudarles a encontrar materiales adicionales en la Búsqueda de libros de Google. Por favor, no la elimine.
- + *Manténgase siempre dentro de la legalidad* Sea cual sea el uso que haga de estos materiales, recuerde que es responsable de asegurarse de que todo lo que hace es legal. No dé por sentado que, por el hecho de que una obra se considere de dominio público para los usuarios de los Estados Unidos, lo será también para los usuarios de otros países. La legislación sobre derechos de autor varía de un país a otro, y no podemos facilitar información sobre si está permitido un uso específico de algún libro. Por favor, no suponga que la aparición de un libro en nuestro programa significa que se puede utilizar de igual manera en todo el mundo. La responsabilidad ante la infracción de los derechos de autor puede ser muy grave.

## Acerca de la Búsqueda de libros de Google

El objetivo de Google consiste en organizar información procedente de todo el mundo y hacerla accesible y útil de forma universal. El programa de Búsqueda de libros de Google ayuda a los lectores a descubrir los libros de todo el mundo a la vez que ayuda a autores y editores a llegar a nuevas audiencias. Podrá realizar búsquedas en el texto completo de este libro en la web, en la página <http://books.google.com>















1400

Y 6560

HH 91, 599


SA 94

Ld. 9/97

Rara  
827

HH 94

fr. 1 ent. 1



MDCCLXII

D



Liber

VI. 333

4

DIVIno CVLtVI


saCratVs,

seLeCtIs aLIIs

eX LIbrIs,

PletatIs stVDIo

eXCerptVs.



*VIENNÆ AUSTRIÆ,*

Typis Ignatii Dominici Voigt, Univer-  
sitatis Typographi.

304.799-B.141-Rara



W

Libet

DIVINO CULTU

sacratvs

selectis alijs

ex libris



placitis studijs

ex Corpore



WILHELM MÜLLER

Typographische Anstalt von J. Neumann, Neudamm

2  
Dignetur Dominus oratio mea  
sicut meretur in conspectu tuo.

A Rex Domine os meum ad  
A benedictionem non cessantem  
stunt enim: annua quoque cor  
mum, ab omnibus rebus, per-  
veris, & alienis cogitationibus:  
intellectum illumina, affectum  
infirmum, ut dignis, acerbis ac de-  
votis has preces recitare valeam,  
& exultant in te, ante conspe-  
ctum tuum Majestatis tue.  
in omni Christo in  
in te, laudes Deo  
has tibi preces volo





*Dirigatur Domine oratio mea  
Sicut incensum in conspectu tuo.*

**A** Peri Domine os meum ad  
benedicendum nomen fan-  
ctum tuum: munda quoque cor  
meum, ab omnibus vanis, per-  
versis, & alienis cogitationibus:  
intellectum illumina, affectum  
inflama, ut dignè, attentè, ac de-  
votè has preces recitare valeam,  
& exaudiri merear, ante conspe-  
ctum Divinæ Majestatis tuæ.  
Adeoq; Domine Jesu Christe, in  
unione Divinæ illius intentionis,  
quâ ipse in terris, laudes Deo  
persolvisti, has tibi preces volo  
persolvere.





## PRECES MATUTINÆ.

*In Nomine Patris, & Filii, & Spiritus  
Sancti, Amen.*

**I**llumina Domine oculos meos,  
ne unquam obdormiam in mor-  
te, ne quando dicat inimicus  
meus, prævalui adversus eum,  
in manus tuas Domine commendo spiri-  
tum meum, redemisti me Domine Deus  
veritatis, in id ipsum omnes meas faciam  
actiones. Gloria Patri & Filio, & Spiri-  
tui Sancto, sicut erat in principio & nunc  
& semper, & in Sæcula sæculorum, Am.

In Nomine Domini nostri JESU Chri-  
sti crucifixi surgo, qui me suo pretioso  
sanguine redemit, ipse etiam hodie me

A

be-



benedicat, regat custodiat, protegat, ab omni malo defendat, & post hanc miseram vitam, perducatur ad vitam æternam, Amen.

Clementissime infinitæ misericordiæ Deus, amo te super omnia propter infinitam bonitatem tuam, & malitiam peccati detestor super omnia, in sanctissima tua gratia cupiens vivere, & mori, ideóque summè doleo, quòd te unquam offenderim summum bonum meum, propono feriam emendationem confessionem & satisfactionem.

Famulorum tuorum quæsumus Domine delictis ignosce; ut qui tibi placere de actibus nostris non valemus, Genitricis Filii tui Domini nostri intercessione salvemur. Per eundem Christum Dominum nostrum, Amen.

Ab-



Abrenuncio Sathanæ, omnibus operibus, & instinctui ejus, & adhæreo tibi Domine JESU Christe.

JESUS Nazarenus Rex Judæorum, titulus triumphalis defendat nos ab omnibus malis. Sancte Deus, sancte Fortis, sancte Immortalis, miserere nobis.

Pax Domini nostri JESU Christi, & virtus passionis ejus, & signum sanctæ Crucis, integritas Beatæ Mariæ Virginis, benedictio Sanctorum, custodia Angelorum, nec non suffragia omnium Sanctorum, & Electorum DEI, sint inter me, & inimicos meos, visibiles, & invisibiles, nunc, & in perpetuum, Amen.

Benedicat mihi imperialis Majestas, protegat me regalis Divinitas, custodiat me sempiterna Deitas, defendat me imensa Trinitas, foveat me gloriosa unitas, dirigat me inæstimabilis bonitas, regat me potentia Patris, vivificet me fa-



piencia Filii, illuminet me virtus Spiritûs sancti. Alpha, & Omega, Deus & homo, sit mihi invocatio ista salus, & sempiterna protectio.

Jam lucis orto sydere, Deum precemur supplices, ut nos in diurnis actibus, fervet à nocentibus, linguam refrænans temperet, ne litis horror insonet, visum fovendo contegat, ne vanitates hauriat. sint pura cordis intima, absit mihi væcordia, carnis terat superbiam, cibi potûsque parcitas, ut cum dies recesserit, noctemque fors reduxerit, mundi per abstinentiam, ipsi canamus gloriam. Deo Patri sit gloria, ejûsque soli Filio, cum Spiritu paraclyto, in sempiterna sæcula.

Dignare Domine die isto: sine peccato nos custodire, miserere nostri Domine, miserere nostri, fiat misericordia tua Domine super nos, quemadmodum speravimus in te, in te Domine speravi, non confundar in æternum.

Do-



Domine exaudi orationem meam.

Et clamor meus ad te veniat.

*Oremus.*

**D**omine DEUS omnipotens, qui ad principium hujus diei, nos pervenire fecisti, tuâ nos hodie salva virtute, ut in hac die ad nullum declinemus peccatum, sed semper ad tuam justitiam faciendam, nostra procedant eloquia, dirigantur cogitationes, verba, & opera. Per Christum Dominum nostrum, Amen.

Dirigere, & sanctificare, regere & gubernare, dignare Domine Deus, Rex cœli, & terræ, hodie corda, & corpora nostra, sensus, sermones, & actus nostros, in lege tua, & in operibus mandatorum tuorum, ut hic & in æternum salvi, & liberi esse mereamur, salvator mundi, qui vis, & regnas, in sæcula sæculorum Am.

Actiones nostras quæsumus Domine, aspirando præveni, & adjuvando profe-

A 3

que



quere , ut cuncta nostra oratio , & operatio, à te semper incipiat , & per te cœpta finiatur. Per Christum Dominum, &c.

Nos cum prole pia,

Benedicat Virgo Maria, Amen.

O Maria Mater lucis, quæ ad lumen nos reducis, esto mihi prævia. Mater vitæ salutaris, cœli sydus Stella maris, cinosura cœlica, me in hujus mundi mari, non permittas naufragari, iter tuum explica.

Maria Mater gratiæ, Mater misericordiæ, tu nos ab hoste protege, & horâ mortis suscipe; Jesu tibi sit gloria, qui natus est de Virgine, cum Patre, & almo Spiritu, in sempiterna sæcula, Amen.

Sancti nominis tui Domine, timorem pariter, & amorem, fac nos habere perpetuum, quia nunquam tuâ gubernatione destituis, quos in soliditate tuæ dilectionis instituis. Qui vivis, & regnas cum Deo, &c.

Omni-



Omnipotens sempiterne Deus, fac me prospera mundi despicere, adversa patienter tollerare, & cœlesti consolatione, semper gaudere. Per Christum Dominum nostrum. Amen.

Angele DEI, qui custos es mei, me tibi commissum, pietate supernâ, hodie illumina, custodi, rege, & gubernâ, Am.

Angelus Domini nunciavit Mariæ, & concepit de Spiritu sancto. Ave Maria, &c.

Ecce Ancilla Domini fiat mihi secundum verbum tuum. Ave Maria, &c.

*Et Verbum Caro factum est, & habitavit in nobis. Ave Maria.*

*Oremus.*

**G**Ratiam tuam quæsumus Domine mentibus nostris infunde, ut qui Angelo nuntiante, Christi Filii tui incarnationem cognovimus, per passionem ejus & Cru-



& Crucem, ad resurrectionis gloriam perducamur. Per Christum Dominum nostrum, Amen.

Concede nos famulos tuos quæsumus Domine Deus, perpetuâ mentis, & corporis sanitate gaudere, & gloriosâ beatæ Mariæ semper Virginis intercessione, à præfenti liberari tristitia, & æternâ perfrui lætitiâ. Per Christum Dominum nostrum, Amen.

Ora pro nobis beatissime Joseph.

Ut digni efficiamur promissionibus Christi.

*Oremus.*

**S**ANCTISSIMÆ Genitricis tuæ Sponsi, quæsumus Domine meritis adjuvemur, ut quod possibilitas nostra non obtinet, ejus nobis intercessione donetur. Qui vivis, & regnas cum Deo Patre, in unitate Spiritûs sancti Deus, per omnia sæcula sæculorum. Jesus, Maria, Joseph mei dulcissimi amores, vester sim totus.

Cœ-



Cœlesti benedictione me benedicat  
Deus Pater, qui cuncta creavit ex nihilo,  
Deus Filius, qui hominem perditum re-  
demit suo sanguine proprio, Deus Spiri-  
tus sanctus, cujus me salvet piæ contola-  
tionis infusio.

Domine exaudi orationem meam.

Et clamor meus ad te veniat.

Benedicamus Domino.

Deo gratias.

Et Fidelium Animæ per misericordiam  
Dei requiescant in pace, Amen.

*Sis gratus, Cor offer, opus dispone futurum.*

*Vita peccatum, subsidiumque pete.*

In nomine Patris, & Filii, & Spiritûs  
sancti, omni die surgere volo, Patris,  
qui me creavit, Filii, qui me redemit,  
Spiritûs sancti, qui me sanctificavit.

**C**onfiteor Deo omnipotenti, beatæ  
Mariæ, semper Virgini, beato  
B Micha-




Michaëli Archangelo, beati Joanni Baptistæ, Sanctis Apostolis Petro, & Paulo, & omnibus Sanctis : quia peccavi nimis cogitatione, verbo, & opere : mea culpa, mea culpa, mea maxima culpa : ideò precor beatam Mariam semper Virginem, beatum Michaëlem Archangelum, beatum Joannem Baptistam, Sanctos Apostolos, Petrum, & Paulum, & omnes Sanctos, orare pro me ad Dominum Deum nostrum.

Misereatur nostri omnipotens Deus, & dimissis peccatis nostris, perducatur nos ad vitam æternam, Amen.

Indulgentiam, absolutionem, & remissionem peccatorum nostrorum, tribuat nobis omnipotens, & misericors Dominus, Amen.

Benedicta sit sancta, & individua Trinitas, nunc & semper, & per infinita sæcula sæculorum, Amen.





Gloria Patri, & Filio, & Spiritui  
sancto. &c.

*Sis gratus.*

**A**Doro te sancta, & individua Trinitas, & gratias tibi ago pro universis beneficiis tuis, sed maximè, quòd tu me hâc nocte sine omni peccato, & tribulatione diaboli custodiêris, quòd me ad fidem tuam sanctam Catholicam vocaveris, & innumeris aliis beneficiis ornaveris, & in gratiarum actionem offero tibi Domine Deus meus, hanc diem, totam vitam meam, omnes cogitationes, verba, & opera, omnia mea quæ intrâ, & extra me sunt, corpus & animam meam, ut mei miserrimi peccatoris miseriaris, & largiri digneris mihi propter nomen sanctum tuum, Angelicam puritatem, & castitatem mentis, & corporis, & perpetuam in tuo sancto servitio constantiam.



O Sacrosancta Trinitas Deus meus!  
 & omnia, te Deum Patrem ingenitum, te  
 Deum Filium unigenitum, te Deum Spi-  
 ritum sanctum paraclytum, sanctam, & in-  
 dividuam Trinitatem, corde, & ore con-  
 fiteor, laudo, atque benedico, te unum  
 verum, & omnipotentem Deum, rerum  
 authorem, & conservatorem, â quo, &  
 per quem omnia, supplex adoro, tuam  
 immensam potentiam, tuam æternam  
 sapientiam, tuam incompræhensibilem  
 bonitatem agnosco, & prædico. O!  
 summa Trinitas, virtus una, & indivisa  
 Majestas, Deus noster, Deus omni-  
 tens, tuam mihi gratiam largiri digneris,  
 quâ vires, & operationes meæ omnes,  
 sincere ad tuam gloriam, atque cultum  
 tendant. Per Christum &c.

*Cor offer.*

O Pater æterne, tibi cor meum, &  
 om-



omnes animæ vires, corporisque sensus,  
& quidquid in me est, lubens, volens,  
offero, suscipe me creaturam tuam, om-  
niâque mea, in unionem dilectissimi Filii tui  
Domini nostri JESU Christi; ô Deus  
cordis mei, & pars mea Deus in æter-  
num.

*Opus dispone futurum.*

**O** Dulcissime JESU, qui es via, ve-  
ritas, & vita: en firmissimè statuo,  
viam mandatorum tuorum currere, uni-  
versa denique, & singula in nomine tuo,  
& facere, & pati. Utinam dirigantur  
viæ meæ: ad custodiendas justificationes  
tuas; suscipe ô JESU hanc voluntatem  
meam, tuisque infinitis meritis defectus  
meos supple.

*Vita peccatum.*

**V**eni sancte Spiritus, & ope tuæ gra-  
tiæ assiste mihi, ut valeam cunctis



tentationibus resistere, super aspidem, & Basiliscum ambulare, Leonem, & Draconem conculcare.

*Subsidiūmque pete.*

**O** Sanctissima DEI Genitrix Virgo MARIA, & tu sancte Angele DEI Custos meus fidelis, vósque Patroni mei singulares. N. N. omnesque sancti DEI, precibus vestris dignemini bonis meis propostis favere, auxiliatricem manum mihi porrigere, ut cuncta, quæ ad maiorem DEI gloriam apud me statui, re ipsa ritè exequar. Orate pro me miserrimo peccatore, & cum in extremis ampliùs vestram opem implorare non potero, non me deseratis, sed mihi subveniando succurrite, ut meritis, & intercessionibus vestris, valeam hujus mundi fluctus superare, & ad foelicem æternæ salutis portum pervenire. Per Christum Dominum nostrum, Amen.

Tu



Tu verò Deus meus, & omnia infirmitatem meam propitius respice, atque ad protegendum, & salvandum me, dexteram tuæ Majestatis clementer extende.

Per signum Crucis de inimicis nostris libera nos deus noster. Ecce Crucem Domini nostri JESU Christi, fugite partes adversæ, vicit Leo de tribu Juda, radix David, radix Jesse, miserere nobis. Salvator mundi, salva nos, qui per crucem, & sanguinem tuum redemisti nos, auxiliare nobis te deprecamur deus noster, deus sanctus, deus fortis, deus immortalis miserere nobis; Crux Christi salva me, Crux Christi protege me, Crux Christi defende me, nunc & in hora mortis meæ, Amen.

Hodie impono fronti meæ vexillum fidei, signum Victoriæ, titulum triumph-



phalem; Christi Salvatoris, Regis Glorix, Regis Judæorum; Filius beatæ Mariæ Virginis, triumphator mortis, pro nobis peccatoribus sub Pontio Pilato crucifixus, dignetur me peccatorem hodiernâ die tueri, ab omni perturbatione mentis, & corporis, à vexatione dæmonum, & nequam hominum, à potestate inimicorum visibilium, & invisibilium, nec non ab omnibus maleficiis, ab omni pestifero cibo, & potu, dolore & angustia, à confusione, & scandalis, à periculis ignis, & aquæ, à vitiis, & peccatis, ab omni lapsu, & ruina, læsione, & incommodo, à subitanea, & improvisa morte mala, in virtute Dei omnipotentis, Patris, & Filii, & Spiritûs sancti, Amen.

Omnipotentia Patris conservet me,  
Sapientia Filii erudiat me, Virtus Spiritûs sancti accendat me, ut te Deum meum,  
unum in substantia, & trinum in personis  
hic



hic in terris agnoscam, prædicem, in cæ-  
lis verò æternùm, intuear, & amplectar,  
Amen.

Benedicamus Patrem, & Filium, cum  
sancto Spiritu, laudemus, superexalte-  
mus eum in sæcula, Amen.

Domine exaudi orationem meam,  
Et clamor meus ad te veniat.

*Oremus.*

**O**Mnipotens sempiterne Deus, qui de-  
disti famulis tuis, in confessione ve-  
ræ fidei, æternæ Trinitatis gloriam agno-  
scere, & in Potentia Majestatis, adorare  
unitatem; quæsumus ut ejusdem fidei fir-  
mitate, ab omnibus semper muniamur ad-  
versis, per Dominum nostrum Jesum Chri-  
stum Filium tuum &c.

Da nobis quæsumus omnipotens æ-  
terne DEUS, ut qui te Patrem ingenitum  
Deum verum, Creatorem cœli, & terræ,  
C visi-



visibilibus omnium, & invisibilibus esse credimus, in exequendis quoque mandatis tuis voluntate, & actione, semper tibi placeamus, qui Deus es in sæcula sæculorum, Amen.

Commendo me tibi ô bone Jesu: intra mellifluum cor tuum absconde me, nec permitte me in æternum separari à te. Sis mihi in vita solatium, in morte viaticum, in æternitate præmium, id rogo te pro me, amicis, & inimicis meis, omnibusque aliis, per lachrymas, sanguinem, & sudorem tuum.

Sanguine tuo Christe Jesu, à peccatis omnibus, lava me, & concede: ut anima mea, cum è corpore migraverit, ante tribunal tuum appareat munda, ô bone Jesu, nè deferas me in ultimis angustiis, in suprema mortis lucta, à qua tota pendet æternitas; ô mi Redemptor in manus tuas



tuas spiritum meum jam commendo, tua  
ô mi Deus sanctissima voluntas in me sem-  
per fiat, & in æternum.

Veni sancte Spiritus, reple tuorum  
corda fidelium, & tui amoris in eis ignem  
accende. Emitte Spiritum tuum, & crea-  
buntur, & renovabis faciem terræ.

Domine exaudi orationem meam.

Et clamor meus ad te veniat.

*Oremus.*

**A**Dsit nobis quæsumus domine, virtus  
Spiritus sancti, quæ, & corda nostra  
clementer expurget, & ab omnibus tuea-  
tur adversis, per Dominum in unitate  
ejusdem Spiritus sancti Deus, per &c.

Ego miser peccator animam meam  
Creatori ejusdem, & Redemptori, pro  
nunc etiam, & pro omni tempore in pre-  
tiosissimo sanguine domini nostri Jesu  
Chri-



Christi, in æternum oblatam, commendo: spémque firmissimam in infinita misericordia Dei reponendo, corde contrito, & humiliato, divinam Majestatem exoro, per merita, passionem, & mortem unigeniti Filii sui, eandem suscipere, cœlestis-que gloriæ participem reddere, dignetur. Amen.

Sanctissima Trinitas unus DEUS, miserere mei, nunc & in hora mortis meæ, Amen.

**S**ANCTISSIMA Deiparens Virgo MARIA, per acerbissimæ passionis Jesu Christi Filii tui merita, te supplex oro, ut foelicissimè de hoc mundo transeam, & in gratia Filii tui Domini nostri Jesu Christi moriar, si verò hodie me mori contigerit, me immineris pia mater, tuis Virgineis manibus, animam meam, & corpus meum comendo, obsecro autem, ab omni corporis & animæ infelicitate, me clientem tuum, defendere digneris.

Sub.



Subveni mihi Domina in hora resolutionis meæ, ne Princeps tenebrarum mihi occurrat, nec potestas inferorum, adversum me prævaleat; nec patiaris ô Virgo Dei Genetrix, animam meam gehennalibus pœnis subjacere, sed eam ab æternæ mortis caligine libera, ipso misericorditer concedente, quem tu concipere, parere, & lactare meruisti. Jesu Christo Filio tuo Domino nostro, qui cum Patre, & Spiritu sancto vivit & regnat Deus, per omnia sæcula sæculorum, Amen.

Per Virginem Matrem, concedat nobis Dominus salutem, & pacem.

**B**Eatissimæ, & gloriosæ semper Virginis MARIE, quæsumus Domine, intercessio gloriosa nos protegat, & ad vitam perducatur æternam. Per Dominum nostrum JESUM Christum Filium tuum, qui tecum vivit, & regnat in unitate Spiritus

C 3

tûs



tûs sancti Deus, per omnia sæcula sæculorum, Amen.

Obsecro te angelice Spiritus, custos, ac tutor meus fidelissime, cui ego indignus peccator ad providendum commissus sum, ut in via Pacis, prosperitatis, & salutis, te duce dirigar, atque ab omni Spiritu malo, gravique tentatione defendas, & me ubicunque fuero, vigilantem dormientem, incessanter protegas, defendas, mundes, & munias. Peto etiam: te favente mihi præsidium dari, ut secundum Dei voluntatem, vitia fugiam, & virtutes Christianas exerceam. Repelle à me, per virtutem sanctæ Crucis: omnem tentationem Sathanæ, & quod mea non exigunt merita, tuis precibus obtine apud altissimum Judicem, ut nihil in me loci, hostis noster habeat, cumque per abrupta vitiorum, me deviâsse senseris: per semitas justitiæ tuæ, me reducere satagas, ut te

Du-



Duce & comite, lætus, atque alacer, valeam ad æterna gaudia pervenire, ac unâ tecum, in cœlesti Patria, Deo omnipotenti assistere, & in servire in æternum, Am.

Dominus nos benedicat, & ab omni malo defendat, & ad vitam perducatur æternam. Et fidelium animæ per misericordiam Dei, requiescant in pace, Amen.

Sequitur ter Pater, & Ave, unum Credo, cum Antiphona B. M. V.

*Solve Deo grates pete lumen, discute mentem,  
Delicti veniam posce, recide malum.*



PRE-



# PRECES VESPERTINÆ.

*In Nomine Patris, & Filii, & Spiritûs  
Sancti, Amen.*

**C**Onfiteor Deo omnipotenti, beatæ  
Mariæ semper Virgini, beato  
Michaëli Archangelo, beati Joanni Ba-  
ptistæ, Sanctis Apostolis Petro, & Paulo,  
& omnibus Sanctis : quia peccavi nimis  
cogitatione, verbo, & opere : mea culpa,  
mea culpa, mea maxima culpa : ideo pre-  
cor beatam Mariam semper Virginem,  
beatum Michaëlem Archangelum, bea-  
tum Joannem Baptistam, Sanctos Apo-  
stolos, Petrum, & Paulum, & omnes San-  
ctos, orare pro me ad Dominum Deum  
nostrum.

Misereatur nostri omnipotens Deus,  
& dimissis peccatis nostris, perducatur nos  
ad vitam æternam, Amen,

Indul-



Indulgentiam, absolutionem, & remissionem peccatorum nostrorum, tribuat nobis omnipotens, & misericors Dominus, Amen.

Te lucis ante terminum, rerum Creator poscimus, ut pro tua clementia, sis præsul, & custodia: procul recedant somnia, & noctium phantasmata, hostemque nostrum comprime, ne polluantur corpora: præsta Pater piissime, Patrique compar unice, cum Spiritu paraclyto, regnans per omne sæculum, Amen.

Salva nos Domine vigilantes, custodi nos dormientes, ut vigilemus cum Christo, & requiescamus in pace; Custodi nos Domine, ut pupillam oculi, sub umbra alarum tuarum protege nos. Dignare Domine nocte istâ, sine peccato nos custodire. Miserere nostri Domine miserere nostri: Fiat misericordia tua Domine super nos, quemadmodum speravimus in te, in

D

te



te Domine speravi, non confundar in æ-  
ternum, Amen.

Domine exaudi orationem meam,  
Et clamor meus ad te veniat.

*Oremus.*

**V**isita quæsumus Domine habitatio-  
nem istam, & omnes insidias inimici,  
ab ea longè repelle, Angeli tui sancti ha-  
bitent in ea, qui nos in pace custodiant, &  
benedictio tua, sit super nos semper. Per  
Christum Dominum nostrum, Am.

Nos cum prole pia:

Benedicat Virgo Maria, Amen.

Angele Dei, qui custos es mei, me tibi  
commissum, pietate supernâ, hâc nocte il-  
lumina, custodi, rege, & gubernâ Am.

Angelus Dñi. nunciavit Mariæ, &c.

Gratiam tuam &c. Concede nos Famu-  
los tuos &c. Ora pro nobis beatissime

Jo-



Joseph &c. Sanctissimæ Genetricis tuæ  
 Sponsi &c. Cœlesti benedictione &c.  
 Domine exaudi &c. Et fidelium &c.

De profundis clamavi ad te Domine: Do-  
 mine exaudi vocem meam.

Fiant aures tuæ intendentes: in vocem  
 deprecationis meæ.

Si iniquitates observaveris Domine: Do-  
 mine quis sustinebit.

Quia apud te propitiatio est: & propter  
 legem tuam, sustinui te Domine.

Sustinuit anima mea in verbo ejus: spe-  
 ravit anima mea in Domino.

A custodia matutina usque ad noctem:  
 speret Israël in Domino.

Quia apud Dominum misericordia: &  
 copiosa apud eum redemptio.

Et ipse redimet, Israël, ex omnibus iniqui-  
 tatibus ejus.

Requiem æternam dona eis Domine.

Et lux perpetua luceat eis.



A porta inferi.

Erue Domine animas eorum.

Requiescant in pace. Amen.

*Oremus.*

**D**EUS veniæ largitor, & humanæ salutis amator; quæsumus clementiam tuam, ut nostræ Congregationis fratres, propinquos, & benefactores, qui ex hoc sæculo transiêrunt, Beatâ Mariâ semper Virgine intercedente, cùm omnibus sanctis tuis, ad perpetuæ beatitudinis consortium pervenire concedas.

Fidelium DEUS omnium Conditor, & Redemptor, animabus famulorum, famularumque, tuarum remissionem cunctorum tribue peccatorum: ut indulgentiam, quam semper optaverunt, piis supplicationibus consequantur. Qui vivis, & regnas in sæcula sæculorum, Amen.

*Ora-*



*Oratio pro Patre, & Matre.*

**D**EUS, qui nos Patrem, & Matrem honorare præcepisti : miserere clementer animabus Patris, & Matris meæ, eorúmque peccata dimitte; méque, eos in æternæ claritatis gaudio, fac videre. Per Dominum nostrum.

Requiem æternam dona eis Domine.

Et lux perpetua luceat eis.

Requiescant in pace, Amen.

Miserere mei DEUS : secundùm magnam misericordiam tuam. Et secundùm multitudinem miserationum tuarum : dele iniquitatem meam.

Amplius lava me ab iniquitate mea : & à peccato meo munda me, Quoniam iniquitatem meam ego cognosco : & peccatum meum contra me est semper.



Tibi soli peccavi, & malum coram te feci: ut iustificeris in sermonibus tuis, & vincas, cum judicaris. Ecce enim in iniquitatibus conceptus sum, & in peccatis concepit me Mater mea.

Ecce enim veritatem dilexisti: incerta, & occulta sapientiæ tuæ manifestasti mihi. Asperges me Domine Hyssopo, & mundabor: lavabis me, & super nivem dealbabor.

Auditui meo dabis gaudium, & lætitiā: & exultabunt ossa humiliata. Averte faciem tuam à peccatis meis: & omnes iniquitates meas dele.

Cor mundum crea in me DEUS: & Spiritum rectum innova in visceribus meis. Ne projicias me à facie tua; & Spiritum sanctum tuum, ne auferas à me.

Redde mihi lætitiā salutaris tui: & Spiritu



ritu principali confirma me. Docebo iniquos vias tuas : & impii ad te convertentur.

Libera me de sanguinibus DEUS : DEUS salutis meæ, & exultabit lingua mea iustitiam tuam. Domine labia mea aperies : & os meum annuntiabit laudem tuam.

Quoniam si voluisses sacrificium dedissem utique : holocaustis non delectaberis. Sacrificium DEO Spiritus contritus : cor contritum, & humiliatum DEUS non despicies.

Benignè fac Domine in bona voluntate tua Sion : ut ædificentur Muri Jerusalem. Tunc acceptabis Sacrificium iustitiæ, oblationes, & holocausta : tunc imponent super altare tuum vitulos.

Bene-



Benedicta sit sancta, & individua Trinitas, nunc & semper, & per infinita sæcula sæculorum, Amen.

Gloria Patri, & Filio, & Spiritui sancto. &c.

*Solve Deo grates.*

**O** Clementissime DEUS, Creator, & Conservator, Redemptor, & Protector, meus, te benedico, laudo, & glorifico, cum omnibus Angelis, & Electis Dei, & ex intimis præcordiis, gratias ago pro omnibus, & singulis animæ, & corporis mihi collatis donis, & beneficiis tuis, signanter autem, quòd me indignum famulum tuum, nullis meis meritis, sed solâ sanctissimâ dignatione misericordiæ tuæ, in hac die custodire dignatus es; quid retribuam tibi Domine: pro omnibus quæ tribuisti mihi? cor meum, me denique totum, & omnia quæ dedisti mihi, insuper, & om-



& omnium sanctorum, laudis, amoris, & gratitudinis affectus, tibi offero, in unione passionis, ac meritorum Domini nostri Jesu Christi. Suscipe ô Pater æterne, hanc oblationem meam, per infinitam bonitatem tuam, per vitam, & mortem dilectissimi Filii tui te rogo, mihi que concede, ut in tua gratia semper vivam, & moriar.

Dulcissime Jesu, per charitatem æterni Patris tui, & ultima verba, quibus in Cruce, Patri, tuum Spiritum comendasti, te rogo, suscipe spiritum meum in fine vitæ meæ.

O! Sanctissime Spiritus miserere mei, & sanctâ inspiratione tuâ, me semper, & potissimum in hora mortis meæ corrobora.

*Pete lumen.*

**D**ignare ô Domine Deus illuminare tenebras mentis meæ, gratiamque  
E lar-



largiri, agnoscendi, detestandi, emendandi, & compensandi omnia peccata, negligentias, & ingrattitudines meas, quibus Divinam tuam Majestatem offendi.

Veni ô lux vera, veni sancte Spiritus, & emitte cœlitùs, lucis tuæ radios, ut videam quantas habeo iniquitates, & peccata; scelera mea, & delicta ostende mihi, ut agnoscam, quidquid cogitando, loquendo, vel operando peccavi, idque plenè recogitè, in amaritudine animæ meæ, & peccata commissa, negligentiasque meas agnoscendo, valeam detestari.

*Discute mentem.*

**O** Scrutator cordium Deus, peccavi in cœlum, & coram te: jam non sum dignus vocari filius tuus, iniquitatem meam ego cognosco, & quomodo possum te celare, qui consideras semitas meas, & om-



& omnes gressus meos dinumeras: imperfectum meum vident oculi tui, & si me ipsum bene inspicio, invenio te Deum meum, me graviter offendisse, quid retribuui tibi pro omnibus, quæ tribuisti mihi? nisi peccata, negligentias, & ingratitude.

Confiteor tibi Domine Deus omnipotens, creator cœli, & terræ, omnia peccata mea, quæcunque feci ab infantia mea usque in hanc horam, scienter, vel ignoranter, factis, verbis, cogitationibus, & omissionibus contra tuam divinam voluntatem, tibi Domine soli confiteor ex corde, quia peccata mea innumerabilia sunt, & humillimè supplico, ut obliviscaris omnia peccata mea, quorumcunque me nōsti reum, in omni vita mea.

*Delicti veniam posce.*

**O** Inexhausta misericordia! doleo ex intimo corde, quòd te Deum summum



mum bonum meum peccatis meis unquam offenderim, tibi soli peccavi, & malum coram te feci, erravi, sicut ovis quæ periit, respice in me, & miserere mei. O Pater ignosce: & me prodigum filium tuum, recipe; ignosce per passionem, & mortem dilectissimi Filii tui, Domini nostri Jesu Christi.

Clementissime infinitæ misericordiæ Deus, amo te super omnia, &c. Miserere mei Deus, &c.

Ecce mi JESU, in te posita est omnis spes mea, te supplex oro, ut omnia scelera, & delicta mea sacratissimo sanguini tuo immergas, tuisque infinitis meritis compenses, quidquid meæ satisfactioni deest, tu enim es propitiatio pro peccatis nostris. Te itaque deprecor amantissime Jesu, quidquid cogitando, loquendo, operando, videndo, fallente mundo, carne, diabolo, peccavi; ut illud mihi homini

pec-



peccatori clementer indulgere , & ab omni animæ , & corporis periculo me custodire digneris. Accende etiam in me ignem tuæ charitatis , & timoris , & concede mihi ferventem emendationem totius vitæ meæ , cum vera fide , spe , & charitate ; ô Clemens , ô pie , ô dulcis Fili Mariæ Virginis , miserere mei.

*Recide malum.*

**B**Enignissime JESU , firmissimè propono , nunquam amplius peccare , & omnes peccandi occasiones , quàm diligentissimè vitare , quibus te Deum , & omne bonum meum , maximè offendi , tu verò mihi dexteram quæso præbe , nihil enim possum absque tuo auxilio , à quo manant in nos omnia bona , & arcentur à nobis omnia mala , averte à me omnem vanitatem , mentis elationem , carnis libidinem , oris licentiam , contemptum inopum , avaritiam



ritiæ ardorem, & quidquid demum divi-  
næ Majestati tuæ displicet, ut tibi Deo  
meo in veritate serviam, & corde per-  
fecto te laudem, benedicam, & glorifi-  
cem in sæcula.

Deprecor clementiam tuam miseri-  
cordissime Deus, concedas mihi noctem  
venturam, mundo corde, & casto corpo-  
re sic pertransire, ut manè surgens,  
ad laudandum nomen tuæ Majestatis,  
valeam incolumis, gratum tibi obsequium  
servitutis meæ, exhibere; veraque cordis  
lætitiâ, cum bona voluntate, & gratia-  
rum actione servire.

Dignare Domine JESU, cum Patre,  
& sancto Spiritu, dare mihi tuam bene-  
dictionem uberemque gratiam, tibi in  
somno, & vigilia, vita, & morte perfecte  
placendi, ac semper, & in omnibus nunc,  
& in hora mortis meæ, tuam sanctissimam  
volun-



voluntatem amplectendi , téque pane Angelorum, in vita dignè , & in coëlis beatè fruendi.

O JESU mi dulcissime , Rex amantissime, tu mecum quæso maneat, hâc nocte mecum dormias, ut corpus somnum capiat, & nunquam cor obdormiat, præsentem absens videat, & malum omne caveat, me Angelus custodiat, & signo Crucis muniat, hinc Satan procul fugiat, & Jesus solus maneat; quos amo, tecum colligas, in lecto cordis foveas, nec me, nec ipsos deferat, sed benedicens protegas, & in æternum custodias Amen.

Piissime, dulcissime JESU, fac me requiescere super pectus tuum, da ut singulæ respirationes meæ, hâc nocte tibi laudem, & honorem exhibeant. Jesus in ore sapiat, Jesus in corde dormiat, & Jesus me custodiat, Amen.

Su-



Suscipe me tuendum JESU Christe, præsidium nostrum, & fac: ut sopito corpore, animus meus semper in te vigilet, fœlicemque cœlestem vitam, lætus, atque alacer contempletur, in qua tu Princeps cum Patre, & sancto spiritu vivis, & regnas, per omnia sæcula sæculorum, Amen.

In benedictas manus tuas Domine Deus meus, ego me hodie, & semper commendo, quemadmodum tu moriens in cruce, te in manus Patris commendasti; Dignare me sub alas paternæ protectionis tuæ suscipere, conservare, tuæque sanctissimæ voluntati semper, & in omnibus conformare, ut in te vivere, in te mori, in te æternùm quiescere valeam, útque id mihi, amicis, & inimicis meis, omnibûsque aliis concedas oro, per merita passionis, & mortis tuæ.

O pientissima Mater Virgo Maria, in sinum misericordiæ tuæ, cum filiali fidu-

cia.



cia. O Angeli & sancti Dei, Patronique;  
mei singulares N. N. in vestra quoq; pro-  
tectionem nunc, & semper me commen-  
do, obsecro vos, orate pro me miserrimo  
peccatore, & cum in extremis amplius  
vestram opem implorare non potero, non  
me deseratis, sed mihi subveniendo, suc-  
currite, ut meritis, & intercessionibus ve-  
stris, valeam huius mundi fluctus superare,  
& ad felicem æternæ salutis portum per-  
venire, Amen.

In manus tuas Domine, commendo  
Spiritus meum; Redemisti me Domine  
Deus veritatis, in id ipsum dormiam, &  
requiescam.

Benedicat, & custodiat nos omnipo-  
tens, & misericors Dominus Pater, & Fi-  
lius, & Spiritus sanctus, Amen.

Divinum auxilium maneat semper  
nobiscum, Amen.

F

Ex-



*Exercitium quotidianum Deo  
debitè serviendi.*

**A** Peri Domine os meum ad benedi-  
cendum nomen sanctum tuum: mun-  
da quóque cor meum, ab omnibus vanis,  
perverfis, & alienis cogitationibus, intel-  
lectum illumina, affectum inflamma, ut di-  
gnè, attentè, ac devotè has preces recita-  
re valeam, & exaudiri merear ante con-  
spectum divinæ Majestatis tuæ. Per  
Christum Dominum nostrum, Amen.

Domine Jesu Christe, in unione divi-  
næ illius intentionis, quâ ipse in terris lau-  
des Deo persolvisti, has tibi preces per-  
solvo.

*Meditationes circa Sanctissimum  
Missæ sacrificium.*

**D**Um Sacerdos ad Altare sacrificatu-  
rus egreditur, in eo patientis Chri-  
sti



sti persona repræsentatur : in Tonsura ,  
spinea corona : in amictu , velamen oculis  
Christi , inter ludibria nocturna apud Cai-  
pham obvolutum : in linea tunica , vestis  
alba ab Herode data : in cingulo , manipu-  
lo , & stola , varii funes ; quibus Christus  
variè ligatus : in casula , vestis purpurea , in  
cruce casulæ , crux quam Christus bajula-  
vit : in Calice , calix totius passionis : in  
velo calicis , velum S. Veronicæ : in sacris  
linteis , quæ explicantur in Altari , sindon ,  
& sacra linteamina , quibus sacrum Christi  
corpus involutum : in Altari , Ara Cru-  
cis , sepulchrum.

Repræsentatur per Sacerdotem Sacrifi-  
cio paratum , è Sacrario in Templum  
prodeuntem , Christus veniens post  
Cœnam ad hortum Gethsemani ora-  
turus , & passionem suam inchoaturus.

Per Sacerdotem , ad extremum pedem  
Altaris orantem , & confessionem fa-



cientem, Christus in horto, peccatorum nostrorum pondere incurvatus, & prostratus, orans æternum Patrem.

*Ad ascensum Altaris, & hujus oculum.*

Christus Judæ proditori occurrens, & ejus osculum, excipiens cum salute: Amice ad quid venisti? ubi traditur Judæis, ligatur in Urbem dicitur.

*Ad introitum Missæ.*

Christus ut nefarius, ad Annam Pontificem ductus.

*Ad Kyrie.*

Christus ductus ad Caipham, à Petro ternegatus, qui exiens foras, flevit amarè, & peccatum deprecatus est.

*Ad Collectam, Epistolam, & Graduale.*

Repræsentantur collectæ populi adversus Christum accusationes in domo Caiphæ, ejusque injuriæ, alapæ, obvelationes, sputa, irrisiones, blasphemix, condemnatio: reus est mortis.

*Ad*



*Ad Evangelium.*

Christus à Caipha ad Pilatum ductus: examinatur ab impiis de doctrina, & discipulis: accusatur ob prædicatum Evangelium; injuriis, contumeliis afficitur.

*Ad Credo.*

Christus professus in judicio se Regem esse, sed non creditur, Barrabæ postponitur; petitur ad mortem: crucifige.

*Ad Offertorium.*

Christus missus ad Herodem, & cum illusione in alba veste remissus, rursúmque ad mortem, & crucem constanter petitus: ad quæ ille tacitè, æterno Patri, pro salute nostrâ se offerebat; mox acerbè flagellatus.

*Ad Lotionem manuum.*

Pilatus lavans manus judicansque Christum innocentem tradi.



*Ad Præfationem, & Sanctus.*

Christus flagellis mirè deformatus, & spinis coronatus, gestans arundinem, purpurâ indutus, & in populi conspectum productus,

*Ad Canonem.*

Christus bajulans crucem ad montem Calvariæ, eidemque affixus

*Ad Elevationem.*

Christus Cruci affixus, elevatus, & populo ad ignominiam, veluti latro expositus: variis usque ad horam nonam ludibriis, blasphemis, tum à Judæis, tum etiam à malo latrone, affectus.

*Ad Pater noster.*

Septem verba à Christo in Cruce prolata.

1. Pater ignosce illis. 2. Ad pium Latronem: Hodie mecum eris in paradiso. 3. Ad Matrem, & Discipulum: Mulier ecce Filius tuus, ecce Mater



tertua. 4. Deus meus, Deus meus,  
ut quid dereliquisti me. 5. Sitio. 6.  
Consummatum est, 7. Pater! in manus  
tuas commendo Spiritum meum: &  
cum clamore valido expiravit.

*Ad fractionem Hostiæ.*

Christus in Cruce moritur, anima à cor-  
pore dividitur, velum Templi scindi-  
tur; finduntur petræ; monumenta a-  
periuntur, lanceâ latus Christi ape-  
ritur.

*Ad Agnus Dei,*

Christo mortuo, qui aderant, percutien-  
tes pectora sua revertebantur, & dice-  
bant: verè Filius DEI erat iste.

*Hostia patenæ superposita.*

Repræsentat Christum, è Cruce in sinu B.  
Virginis depositum,

*Ad Communionem.*

Christus in Sepulchrum defertur.

*Post*



*Post Communionem ad Collectas.*

Christus resurgens à mortuis, multis apparet, & Pacem dat : Pax vobis.

*Ad Benedictionem.*

Christus ascendens ad Cœlum, benedicit Discipulis : & sedens ad dexteram Patris, orat pro nobis.

Sub Sacrificio Missæ orando, vel Rosarium B. V. vel alias devotas Preces dic

*Oratio ante Missam.*

**D**omine DEUS ad cujus imaginem creatus sum, da mihi gratiam tuam, ut sacrificio missæ, quâ par est reverentiâ, & devotione interfim, illudque divinæ Majestati tuæ, gratiosè offeram. 1. Ad majorem nominis tui honorem, & gloriam. 2. In memoriam passionis, & mortis tuæ. 3. In gratiarum actionem pro omnibus mihi collatis beneficiis. 4. In  
fatis-



satisfactionem omniū mearum culparum,  
& pænarū, quas sacratissimo sanguini tuo,  
in sacratissimo sacrificio Missæ, imergo. 5.  
Ad impetrandam mihi gratiam tuam. 6.  
Pro parentibus, amicis, & benefactori-  
bus meis, próque fidelibus defunctis. Pla-  
ceat tibi Domine hæc intentio, & oblatio  
mea, & exaudi me. Per Christum Do-  
minum nostrum, Amen.

*Ad Gloria.*

**G**Loria in excelsis Deo, & in terra pax  
hominibus bonæ voluntatis, lauda-  
mus te, benedicimus te, adoramus te,  
glorificamus te, gratias agimus tibi, pro-  
pter magnam gloriam tuam, Domine De-  
us Rex cœlestis, Deus Pater omnipotens,  
Domine Fili unigenite, Jesu Christe, Do-  
mine Deus, agnus Dei, Filius Patris, qui  
tollis peccata mundi, miserere nobis, qui  
tollis peccata mundi, suscipe deprecatio-  
nem



nem nostram, qui sedes ad dexteram Patris : miserere nobis, quoniam, tu solus sanctus, tu solus Dominus, tu solus altissimus, Jesu Christe, cum sancto Spiritu, in gloria Dei Patris, Amen.

*Ad Credo.*

**C**redo in unum Deum Patrem omnipotentem factorem coeli, & terræ visibilium omnium, & invisibilium, & in unum Dominum, Jesum Christum, Filium Dei unigenitum, & ex Patre natum ante omnia sæcula, Deum de Deo, lumen de lumine, Deum verum, de Deo vero, genitum non factum, consubstantialem Patri, per quem omnia facta sunt, qui propter nos homines, & propter nostram salutem, descendit de cœlis. Et incarnatus est de Spiritu sancto, ex MARIA Virgine, & homo factus est. Crucifixus etiam pro nobis, sub Pontio Pilato, passus, & sepultus est,



est, & resurrexit tertiâ die secundum scripturas, & ascendit in cœlum, sedet ad dexteram Patris, & iterum venturus est cum gloria, judicare vivos, & mortuos: cujus Regni non erit finis. Et in Spiritum sanctum Dominum, & vivificantem, qui ex Patre, Filioque procedit, qui cum Patre & Filio simul adoratur, & conglorificatur, qui locutus est per Prophetas, & unam sanctam catholicam, & Apostolicam Ecclesiam, confiteor unum baptisma in remissionem peccatorum, & exspecto resurrectionem mortuorum, & vitam venturi sæculi, Amen.

*Ad Credo.*

**C**Redo Domine sed credam firmitus!  
 Spero Domine; sed sperem securius!  
 amo Domine; sed amem ardentius! do-  
 leo Domine; sed doleo vehementius!  
 Adoro te, ut primum principium; deside-



ro te, ut finem ultimum; laudo ut benefactorem perpetuum, invoco, ut defensorem propitium. Tua me sapientiâ dirige, justitiâ contine; clementiâ solare; potentiâ protege. Offero tibi DEUS meus cogitanda, ut sint ad te dicenda, ut sint de te: facienda, ut sint secundum te; ferenda, ut sint propter te. Volo quidquid vis; volo quia vis; volo quomodo vis; volo quamdiu vis. Oro Domine: intellectum illumines; voluntatem inflammes; corpus emundes; animam sanctifices. Defleam præteritas iniquitates; repellem futuras tentationes; corrigam vitiosas propensiones; excolam idoneas virtutes. Tribue mihi bone DEUS amorem tui; odium mei; zelum proximi; contemptum mundi. Studeam superioribus obedire; inferioribus subvenire; amicis consulere; inimicis parcere. Vincam voluptatem austeritate; avaritiam lar-



largitate; iracundiam lenitate; tepiditatem pietate. Redde me prudentem in consiliis; constantem in periculis; patientem in adversis; humilem in prosperis. Fac Domine, si in oratione attentus; in epulo sobrius; in munere sedulus; in proposito firmus. Curem habere innocentiam interiorem; modestiam exteriorem conversationem exemplarem; vitam regularem, assidue invigilem naturæ demandæ; gratiæ fovendæ; legi servandæ; salutis promovendæ. Discam ad te, quàm tenue sit, quod terrenum, quàm grande, quod divinum; quàm breve, quod temporaneum; quam durabile, quod æternum. Da mortem præveniam; iudicium pertimeam: infernum effugiam; Paradisum obtineam; per Christum Dominum nostrum, Amen.



*Ad Offertorium.*

**S**uscipe sancte Pater omnipotens æterne Deus, hanc immaculatam hostiam, quam tibi offero per manus Sacerdotis tui, pro me peccatore, & pro innumerabilibus peccatis, quibus contra te peccavi, rogans, ut præterita peccata mea dimittas, & à futuris me custodias, meque totum, omnes preces, & vota, & desideria mea, in unione unigeniti Filii tui, per hoc sanctissimum sacrificium offero, respice in me, & miserere mei, Amen.

*Ad Elevationem Hostiæ.*

**A**Ve verū corpus natū de Maria Virgine, verè passum, immolatum in cruce pro homine, cujus latus perforatum, undā fluxit, & sanguine, esto nobis prægustatum, mortis in examine. O clemens, ô piè, ô dulcis Jesu, Fili Mariæ Virginis  
mise-



miserere mei, & da, ut sicut te videre merui in forma panis, ita cum ad judicandum veneris, securus, & gaudens, te videre merear, in gloria tuæ Majestatis.

*Ad Elevationem Calicis.*

**S**Alve nobilissime sanguis, de latere Domini nostri Jesu Christi profluens, & totius veteris, & novæ culpæ maculas diluens: ablue, sanctifica, & custodi animam meam, in vitam æternam. Sit mihi ô Jesu, sanguis tuus in remissionem omnium peccatorum meorum, in robur, augmentum, & conservationem fidei, spei, & charitatis, gratiarum, & virtutum, in cautelam vitæ, in adeptionem gloriæ æternæ, in profectum animarum omnium, & vel maximè, pro quibus orare teneor.

Amantissime Jesu, lava me à maculis omnibus, in tuo pretioso sanguine, & fac per ejusdem effusionem, ut universo mundo



do, cum omnibus peccatis, vitiis, & concupiscentiis moriar, & per incendium amoris tui, à me ipso deficiam: tibi que soli, & in te solo vivam, Amen.

Anima Christi sanctifica me, Corpus Christi salva me, Sanguis Christi inebria me, aqua lateris Christi lava me, passio Christi conforta me, ô bone Jesu exaudi me, intrâ vulnera tua absconde me, & ne permittas me separari à te, ab hoste maligno defende me, in hora mortis meæ voca me, & jube me venire ad te, ut cum sanctis, & electis tuis laudem te: in sæcula sæculorum, Amen.

*Ad communionem Spiritualem.*

**I**esu mi dulcissime, licet in medelam animæ, & ad majorem nominis tui gloriam, te sacramentaliter, nunc re ipsâ summere nequeam, vellem tamen tantâ puritate, & charitate, ita ardenti omni amore, fervore,



vore, humilitate, omni denique gratitudine te suscipere, sicut omnes sancti in sacra communione te sumpserunt, accipe igitur grato animo meum desiderium, mihi que foelicem mortem largiri, digneris, Amen.

*Ante benedictionem.*

**P**Laceat tibi sanctissima Trinitas obsequium servitutis nostræ, & præsta, ut sacrificium, quod oculis tuæ Majestatis oblatum est, tibi acceptabile, mihi que, & omnibus, pro quibus oblatum est, sit te miserante propitiabile, per Christum Dominum nostrum, Amen.

O dulcissime, atque amantissime Domine Jesu, rogo te per hanc pii Sacerdotis benedictionē, noli me in peccata mortalia labi permittere, in peccatis mortalibus esse, in peccatis mortalibus mori, sed dignos prius facere fructus pœnitentiæ Am.

H

O san-



O Sanctissima Virgo, & Martyr Christi Barbara, impetra mihi Sacrosanctam Eucharistiam, & veram confessionem, semper, & in hora mortis meæ, Amen.

Dignare Domine JESU, cum Patre, & sancto Spiritu, mihi dare tuam sanctam benedictionem, uberemque gratiam, te semper amandi, tuumque beneplacitum amplectendi, & exequendi, ut te pane Angelorum dignè fruar in vita, in agone, inque cœlesti patria, Amen.

Bone JESU, propitius esto mihi peccatori. Ego tepidum, distractum, & imperfectum, omnium orationum, & actionum, servitium meum comendo, mellifluo cordi tuo emendandum, & perficiendum, tibi que ipsum offero ad salutem omnium, in unione illius attentissimæ orationis, quâ tu Patrem orâsti, & laudâsti in terris. Responde quæso, satis fac, & supple pro me plenissimè, Amen.

Sufci-



Suscipe clementissime Deus, precibus, & meritis beatæ MARIÆ semper Virginis, & omnium sanctorum, & sanctarum officium servitutis nostræ, & si quid dignum laude egimus, propitius respice, quod autem negligenter actum est, clementer ignosce, qui in Trinitate perfectus, vivis & regnas, Deus, in sæcula sæculorum Amen.

*Orationes ad Beatam Virginem.*

**M**emorare piissima, & gloriosissima Virgo MARIA, Mater misericordiarum, & totius consolationis, à sæculo non esse auditum, ad tua præsidia currentem, aut tua implorantem auxilia, aut tua petentem suffragia, à te Virgo Maria derelictum. Idcirco tali animatus fiduciâ, ad te Virgo Virginum, Regina cœlorum, & Domina Angelorum, ô Maria, Mater Domini nostri Jesu Christi, confugio ad



te, ad te Stella maris curro, corā te miser,  
gemens, & tremens assisto, noli ô Domina  
mundi, noli æterni Verbi Mater, verba  
mea despiciere, sed audi propitia, & ex-  
audi me miserum, ad te in hac lachryma-  
rum valle clamantem, nunc, & semper,  
maximè in hora mortis meæ, ô clemens,  
ô pia, ô dulcis Virgo Maria! Amen.

Quot maris sunt guttæ, quot stellæ  
cœli, quot beatorum Spirituum agmina,  
quot arborum folia, quot humi gramina,  
quot aëris atomi, quot puncta cœlorum,  
quot ignium flammulæ, quot terræ are-  
nulæ, quot universi individua, quot æter-  
nitatis instantia, quot rerum possibilia,  
toties ex intimo cordis mei, saluto te ô  
dulcissima Virgo MARIA, saluto autem  
te, in unione amoris dilectissimi Filii tui  
JESU, atque omnium te amantium, mé-  
que tibi commendo, ac in proprium filium,  
mancipiūque tuum assigno. Oro etiam

ut



ut me suscipias, & apud Deum impetres,  
ut totus post Deum sim tuus, & tu tota  
mea Domina, refugium meum, adjutrix  
mea, Mater mea dulcissima, & foelicissi-  
ma corona mea, Amen.

O! Domina mea sancta MARIA, me  
in tuam benedictā fidem, ac in singularem  
custodiam, & in sinum misericordiæ tuæ,  
hodie, & quotidie, & in hora exitūs mei,  
animam meam, & corpus meum tibi com-  
mitto; omnem spem meam, & consola-  
tionem meā, omnes angustias, & misérias  
meas, vitam, & finem vitæ meæ tibi com-  
mitto: ut per tuam sanctissimam interces-  
sionem, & per tua merita, omnia mea di-  
rigantur, & disponantur opera, secundum  
tuam, Filiique tui voluntatem, Amen.

O Maria Dei Genitrix, & Virgo glo-  
riosa, omnium desolatorum ad te claman-  
tium consolatrix vera, per illud magnum

H 3

gau-



gaudium, quo consolata es, quando cognovisti Dominum Jesum, die tertiâ à mortuis impassibilem resurrexisse; sis consolatrix animæ meæ, & apud eundem tuum, & Dei natum unigenitum, in die novissimo, quando cum anima, & corpore ero resurrecturus, & de singulis meis factis rationem redditurus, me digneris juvare, ut perpetuæ damnationis sententiam, per te pia Mater, & Virgo valeam evadere, & cum Electis Dei omnibus, ad æterna gaudia feliciter pervenire, Amen.

O dulcissima Virgo Maria, succurre mihi miserrimo peccatori, antequam mors subitanea, & improvisa superveniat, ne subitò, & imparatus de hoc mundo transeam. Ora pro me Virgo benedicta, ob unigeniti Filii tui, Domini nostri Jesu Christi mortem amarissimam, ut peccatorum detestatione, diaboli, & operum ejus abrenunciatione, verâ contri-

tio-



tione, purâ, & humili confessione, dignâ  
sacrosanctæ Eucharistiæ, & extremæ  
unctionis susceptione, Filio tuo reconciliatus, de hoc mundo transeam. Fac mecum misericordiam tuam, ô! dulcissima Virgo MARIA, Mater DEI, in illa tremenda hora, quando Spiritus mei vitales deficient, & mortua lingua non poterit moveri ad invocandum te, neque oculi mei lucem capere poterunt, aurésque meæ, nulli voci patefcent. Memore esto tuæ pietatis, ô dulcissima Virgo Maria, & subvenias mihi in hora ultimæ necessitatis meæ, ut liberer à ministris diaboli, & collocer cum Christi fidelibus, Filii tui servis, & amicis, Amen.

*Ave Maria.*

**O** Domina mea sancta Maria, sicut Deus Pater, per omnipotentiam suam, te potentissimam effecit, ita mihi quæ-



quæso ad sis in hora mortis, omnemque mihi contrariam potestatem, à me potenter averte.

*Ave Maria.*

**O** Domina mea sancta Maria, sicut Filius Dei, divinâ suâ scientiâ, & sapientiâ te replevit: ita quæso animam meam, lumine fidei in hora mortis illustra, & corrobora, ut nullo errore, aut ignorantia pervertatur, & in seditionem perducatur.

*Ave Maria.*

**O** Domina mea sancta Maria, sicut Spiritus sanctus, suum amorem tibi plenè infudit: ita tu, in morte, divini amoris dulcedinem mihi instilla, per quem omnis angor, & amaritudo tollatur, & cor meum, cœlesti consolatione recreetur.

**O** Excellentissima, gloriosissima, atque sanctissima, semper intemerata Virgo Ma-



Maria, noli me despiciere propter innumerabilia, & gravissima peccata mea, noli me derelinquere, propter nimias iniquitates meas, nec etiam propter duriciem, & immundiciem cordis mei, ne abjicias me famulum tuum, à gratia, & amore tuo, exaudi me miserum peccatorem, in tua misericordia, & pietate confidentem.

Succurre mihi piissima Virgo Mater, in omnibus tribulationibus, angustiis, necessitatibus, & in cunctis operibus meis, & da mihi dulcissima Virgo Maria, virtutem contra omnes tentationes hujus mundi, carnis, & diaboli, impetra mihi à dilecto Filio tuo Domino nostro Jesu Christo, indulgentiam, & remissionem omnium peccatorum meorum, emendationem vitæ, spatium veræ pœnitentiæ, augmentum virtutum, & gratiam timoris sui, sanitatem quoque, & castitatem



corporis. In extremis meis, esto mihi pia auxiliatrix, & animam meam, ac animas parentum meorum, fratrum, sororum, consanguineorum, & aliorum amicorum meorum, benefactorum, omniumque fidelium vivorum, & defunctorum, ab æterna caligine, & ab omni malo libera, illo misericorditer concedente, quem tu in sanctissimo utero tuo novem mensibus portasti, & in præsepe, tuis sanctissimis virgineis manibus reclinasti, Domino nostro Jesu Christo, qui est benedictus in sæculorum sæcula, Amen.

Saluto te humillimè laudo, & glorifico, ô sancta Maria, Domina mea clementissima, tu nôsti misérias meas, infirmitatem, & vulnera, paupertatem, & nuditatem. Ecce gemitus meus, & languor desiderii mei corã te est, ecce pedibus tuis advolutus, humillimè rogo, & obtestor maternum pectus tuum, per eum amorem, quo



quo Jesum Filium tuum diligis, per eam  
 charitatem, quâ nos in servos, clientes, &  
 indignissimos filios tuos adscivisti, impe-  
 tra mihi plenam remissionem peccato-  
 rum meorum, verrissimam eorum dete-  
 ctationem, & dignos in hac vita pœniten-  
 tiæ fructus, generosam item mortificatio-  
 nem sensuum, & passionum mearum, &  
 plenissimam tentationum victoriam. Ex-  
 ora mihi augmentum fidei, certam spem,  
 perfectam charitatem, integram in vo-  
 luntatem Dei resignationem, puritatem  
 intentionis, affectum devotionis, erga Je-  
 sum crucifixum, venerabile Sacramen-  
 tum, & erga te Dominam, ac Matrem  
 meam. Impetra mihi obedientiam erga  
 superiores; affabilitatem, & mansuetudi-  
 nem erga omnes; profundam humilita-  
 tem, magnanimitatem, & in adversis pa-  
 tientiam, ac denique perseverantiæ do-  
 num, sanctam, & felicem mortem, Am.



Serenissima Imperatrix cœli, Mater unigeniti; Filia Patris æterni, sacrarium Spiritus sancti, Maria Virgo purissima, plena gratiâ, & benedicta super mulieres; humiliter veneror beatissima tua viscera, quæ portârunt fructum vitæ, per quam venit salus, & benedictio toti mundo, ad te recurrunt peccatores, tanquam ad mediatricem, te requirunt miseri, tanquam Matrem misericordiæ, ô felicissima Mater, exaltata super omnes sanctos, & super omnes choros Angelorum, quæ post dilectissimum Filium tuum, Dominum nostrum, possides altissimum thronum cœlestis curiæ. O luna fulgentissima, quæ illuminas tenebras obscuræ noctis nostræ, ô pia Mater, consolatrix nostra! quis unquam te invocavit, & à te repulsam tulit? quis unquam in te speravit, & confusus est? converte ergo ad nos, illos tuos misericordes oculos, assimilatos piscinis He-  
febon;



sebon; quia sicut in illis nunquam defuit aqua, ita in piissimis oculis tuis, nunquam deest misericordia, & compassio miserationum nostrarum. Inclina ô benignissima Mater aures tuæ pietatis, ad ferventes preces nostras: recordare, ô gloriosa Mater Dei, gloriosa quæ dicta sunt de te, & facta per te, tu es illa speciosa, & pia Virgo, figurata per Rebeccam, quæ dedit aquam, non solum servo Abraham, qui eam rogaverat, sed & camelis ipsius. Tu virgo benedicta, fave non solum justis, qui sunt ii, qui secundum rationem vivunt, sed & camelis fave (id est peccatoribus) qui ad instar camelorū gibbosi, vinci se sinunt à concupiscentiis suis, quibus mediante te communicantur aquæ gratiarum, tu es illa dilecta Regina, figurata per pulcherimam Esther, per cujus intercessionem, magnus Rex Assuerus vitam concessit iis, quos ad mortem condemnaverat,



verat, quia tu similiter pulchra, & chara in oculis altissimi Regis Dei, obtines vitam æternam multis, qui meruerunt peccatis suis damnationem. Tu es illa prudens Abigail, quæ impedis vindictam, quam David intentabat ingrato ipsius marito Nabal. Tu, sicut Judith es gloria Jerusalem, lætitia Israël, & honorificentia totius populi Christiani. Tu excellentissima Domina, tu sancta, tu gloriosa, tu lætitia Angelorum, glorioso tuo vultu conforta, & vivifica mentes nostras, ut in vita nostra, contra omnia tela inimici nostri, sis robur nostrum, & in mortis hora lætitia, & vita in sæcula sæculorum, Amen.

Obsecro te Domina sancta Maria, Mater Dei pietate plenissima, summi Regis Filia, Mater gloriosissima, Mater orphanorum, consolatio desolatorum, via errantium, salus omnium in te sperantium,  
vir.



virgo ante partum, virgo in partu, & virgo post partum, fons misericordiæ, fons salutis, & gratiæ, fons pietatis, & lætitiæ, fons vitæ, & veniæ: per illam sanctam, & ineffabilem lætitiā, quā exultavit Spiritus tuus, in illa hora, in qua tibi per Gabrielem Archangelum annuntiatus, & conceptus Filius DEI fuit: & per illam sanctam, & inæstabilem humilitatem, in qua respondisti Archangelo Gabrieli, ecce Ancilla Domini fiat mihi secundum verbum tuum: & per illud divinum mysterium, quod tunc operatus est in te Spiritus sanctus, & per ineffabilem gratiam, pietatem, misericordiam, amorem, & humilitatem, per quas Filius tuus, Dominus noster Jesus Christus, descendit accipere humanam carnem in venerabilissimo utero tuo: & per gloriosissima quindecim gaudia, quæ habuisti de Filio tuo Domino nostro Jesu Christo, & per illam sanctam,

&



& maximam compassionem, & per acerbissimum cordis dolorem, quem habuisti, quando Filium tuum Dominum nostrum Jesum Christum ante crucem nudatum, & in ipsa levatum, pendentem, crucifixum, vulneratum, sitientem, amarissimum potum, fel, & acetum ori ejus apponi vidisti, Eli clamantem audisti, & morientem vidisti; & per quinque vulnera ejusdem Filii tui, & per contractionem viscerum tuorum, præ nimio dolore vulnerum suorum; & per dolorem, quem habuisti, quando vidisti eum vulnerari, & per fontem sanguinis sui, & per omnem passionem ejus, & dolorem cordis tui, & per fontem lachrymarum tuarum, ut cum omnibus sanctis, & Electis Dei, venias, & festines in auxilium & consilium, meum, in omnibus orationibus, & petitionibus meis, in omnibus angustiis, & necessitatibus meis, & in omnibus illis rebus, in quibus



bus ego sum aliquid facturus, & locuturus, aut cogitaturus, omnibus diebus, ac noctibus, horis atque momentis vitæ meæ. Et mihi famulo tuo N. impetres à dilecto Filio tuo Domino nostro Jesu Christo, virtutum omnium complementum, cum omni misericordia, & consolatione, omni consilio, & adjutorio, omni benedictione, & Sanctificatione, omni salvatione, pace, & prosperitate, omni gaudio, & alacritate: etiam abundantiam omnium bonorum spiritualium, & corporalium, & gratiam sancti Spiritûs, qui me bene per omnia disponat, animam meam custodiat, corpus meum regat, & protegat, & à peccatis mortalibus me semper liberet, & defendat, usque in finem meum, hanc orationem suppliciter exaudiat, & suscipiat, & vitam æternam mihi tribuat. Audi, & intercede pro me dulcissima Virgo Maria Mater Dei, & misericordiæ, Amen.



O intemerata, & in æternum benedicta, singularis, atque incomparabilis Virgo, Dei genitrix Maria, gratissimum Dei templum, Spiritûs sancti sacrarium, janua Regni cœlorum, per quam post Deum totus vivit orbis terrarum. Inclina Mater misericordiæ aures tuæ pietatis, indignis supplicationibus meis: & esto mihi maximo peccatori pia, & propitia in omnibus auxiliatrix. O Joannes beatissime, Christi familiaris, & amice, qui ab eodem Domino nostro Jesu Christo virgo es electus, & inter cæteros magis dilectus, atque in mysteriis cœlestibus, ultra omnes imbutus: Apostolus enim, & Evangelista factus es præclarissimus: Te etiam invoco cum Maria matre ejusdem Domini nostri Jesu Christi Salvatoris, ut mihi opem tuam cum ipsa conferre digneris. O duæ gemmæ cœlestes, Maria & Joannes, ô duo luminaria divinitûs ante Deum lu-

cen-



centia ! vestris radiis scelerum meorum  
effugate nubila. Vos enim estis illi duo,  
in quibus unigenitus Dei Filius, ob since-  
rissimum virginitatis meritum, dilectionis  
suæ confirmavit privilegium, in Cruce  
pendens, uni vestrum ita dicens: Mulier  
ecce Filius tuus ; deinde ad alium : Ecce  
Mater tua. In hujus ergo tam sacratissi-  
mi amoris dulcedine, velut Mater, & Fi-  
lius ad invicem conjuncti estis ; vobis duo-  
bus ego miserrimus peccator, commen-  
do hodie corpus, & animam meam : ut in  
omnibus horis atque momentis, interiùs,  
& exteriùs firmi custodes, & pii apud  
Deum intercessores mihi existere digne-  
mini. Poscite mihi quæso corporis, &  
animæ salutem. Agite quæso, agite ve-  
stris gloriosis precibus, ut cor meum invi-  
sere, & inhabitare dignetur Spiritus al-  
mus, gratiarum largitor optimus ; qui  
meam cunctis vitiorum sordibus expur-  
get,



get, virtutibus sacris illustret, & exornet :  
in dilectione Dei, & proximi mei perfectè  
stare, & perseverare me faciat, & post hu-  
jus vitæ cursum, ad gaudia me ducat ele-  
ctorum suorum benignissimus Paraclitus.  
qui cum Patre, & Filio vivit, & regnat in  
sæcula sæculorum, Amen.

Suscipe in te ô Virgo hoc onus prote-  
gendi me, quomodo defigam oculos in  
eum, quem tantopere offendi, nisi tu  
priùs Domina placaveris justissimam ejus  
indignationem: es potentissima, & valdè  
misericors, progredere obviam, & bra-  
chiis apertis excipe accurrentem ad  
tuam pietatem, offendi te, & Filium tu-  
um; Scio tamen, quòd multi alii peccato-  
res, confitendo peccata sua, impetrâ-  
runt te mediatrice honorem, & gratiam,  
quam perdiderant; tu es eadem semper,  
ego sum quod illi fuerunt. O consolatrix  
afflictorum non me despice, respice, la-  
chry-



chrymas meas, confirma proposita mea,  
ô adjutrix mea, & refrigerium meum! tu  
es mihi porta ad misericordiam, per te in-  
grediar, tu es spes mea, tecum, & per te  
sperabo. Amen.

Per te accessum habeamus ad Filium,  
ô benedicta inventrix gratiæ, Genitrix  
vitæ, mater salutis, ut per te nos suscipiat,  
qui per te datus est nobis. Excuset apud  
ipsum integritas tua culpam nostræ cor-  
ruptionis, & humilitas tua Deo tam gra-  
ta, nostræ veniam impetret vanitati, ac  
superbiæ, copiosa charitas tua, nostro-  
rum cooperiat multitudinem peccato-  
rum, & fæcunditas tua gloriosa, fæcundi-  
tatem nobis conferat meritorum. Do-  
mina nostra, mediatrix nostra, advocata  
nostra, tuo Filio nos repræsentata. Fac ô  
benedicta, per gratiam, quam meruisti, per  
misericordiam, quam peperisti, ut qui te  
mediante, fieri dignatus est particeps in-



firmitatis, & miseræ nostræ, te quoque intercedente participes faciat nos beatitudinis, & gloriæ suæ, Jesus Christus Filius tuus Dominus noster, qui est super omnia Deus benedictus in sæcula Am.

O felix MARIA, tu Mater DEI, tu Mater rei, Mater utriusque filii, ne finas filium reum damnari, per Filium Deum; sed maternâ pietate procura, ut filius reus reconcilietur Filio, qui est Deus, & per Filium Judicem, filium exulem recipe in patriam, Amen.

MARIA gustum sentio, quando tui fit mentio, opinor hoc vocabulum, amoris esse pabulum. Lac et mel, est hæc vocula, fluunt amoris pocula, Maria quinque litteris, in cor meum dum mitteris. Per labranectar diditur, cordique vox alliditur, hinc cordis in cavernula, auditur Echo ternula. Meum cor est triangulum:



lum: Maria quemvis angulum, tangit tui dilectio, ubique sit reflexio. Cordis mei pars extera, sinistra pars, & dextera, & summa pars, & infima, pars ipsa cordis intima. Dum te loquuntur singulæ, & sunt amoris lingvulæ, amando te, se dedicant, dicendo se, te prædicant. Maria si te prædico, Maria si me dedico, & si tibi cor præbeo, Maria amare debeo.

Ave mundi spes Maria, ave mitis, ave pia, ave charitate plena, Virgo dulcis, & serena, Sancta Parens Jesu Christi, electa sola fuisti, esse Mater sine Viro, & lactare more miro. Angelorum imperatrix, peccatorum consolatrix, consolare me lugentem, in peccatis jam foetentem. Precor te Regina cœli, corde pio, & fideli, me habeto excusatum, apud Christum, tuum natum. Nam peccavi illi soli, ô Maria Virgo noli, esse mihi aliena, gratiâ cœlesti plena. Esto custos cordis



dis mei, signa me timore Dei, da peccata  
me vitare, & quod justum est amare. Da  
spem firmam, fidem rectam, charitatém-  
que perfectam, da da Virgo finem bo-  
num, quod est super omne donum. Eja  
rosa sine spina, peccatorum medicina, pro  
me natum interpella, ut me salvet à pro-  
cella. Hujus mundi tam imundi, cujus  
fluctus furibundi, omni parte me impin-  
gunt, & peccati zonâ stringunt. miserere,  
miserere, miseratrix nam es verè, misere-  
re miseratrix, orphanorum mediatrix, ut  
dum instat hora mortis, adsis mihi Virgo  
fortis, adsis mihi Virgo Custos, & me lo-  
ces inter justos.

Stella coeli extirpavit,

Quæ lactavit Dominum:

Mortis pestem, quam plantavit,

Primus Parens hominum.

Ipsa



Ipsa stella nunc dignetur,  
Sidera compescere,  
Quorum bella plebem cædunt,  
Diræ mortis ulcere.

Gloriosa Stella maris,  
Summis digna laudibus,  
Nos à peste tuearis,  
Et à mundi fraudibus.

Medicina Christiana,  
Sanos serva, ægros sana,  
Quod non valet vis humana,  
Præstet tua gratia.

O! piissima Stella maris  
A peste succurre nobis  
Audi nos Domina  
Nam Filius tuus nîl negans, te ho-  
norat,  
Salva nos Jesu, pro quibus Virgo Ma-  
ter te orat.

℣. Ora pro nobis sancta Dei genitrix.

℞. Ut digni efficiamur promissionibus Christi.

L

Oremus.



d/

*Oremus.*

**D**EUS misericordiæ, Deus pietatis,  
 Deus indulgentiæ, qui misertus es,  
 super afflictionem populi tui, & dixisti  
 Angelo percutienti populum tuum, con-  
 tine manum tuam, ob amorem stellæ il-  
 lius gloriosæ, cujus ubera pretiosa con-  
 tra venenum nostrorum delictorum, tam  
 dulciter suxisti, præsta auxilium gratiæ  
 tuæ: ut ab omni peste, & improvisa mor-  
 te securè liberemur, & à totius perditio-  
 nis incurſu, misericorditer salvemur. Qui  
 vivis, & regnas in sæcula sæculorum. Am.

*Hymnus de septem gaudiis B. V.*

**G**AUDE Virgo Mater Christi, quia JE-  
 SUM concepisti, Gabriele nuncio. Fac  
 Ô Mater ut salvemur, nam quòd Matrem  
 te fatemur, recta poſcit ratio. Gaude Ma-  
 ter Deo plena, novo gignens sine pœna,  
 foetum puerperio. Eja Virgo peramœna,  
 casto



casto natum mens serena, stringat desiderio. Gaude quòd ab oriente, Magi stellâ prælucente, dona ferunt Filio. Fac done-  
mur pietate, fide, spe, & charitate, pudor-  
isque lilio. Gaude quia dulcis nati, quem  
vidisti mortem pati, fulget resurrectio.  
Fac ab imo vitiorum, surgat mens, & su-  
pernorum, gustum spiret actio. Gaude  
cœlos ascendente, nato vides quem re-  
pente, ferri motu proprio. Viam vitæ  
restitutam, quàm credimus te secutam,  
fac sequamur serió. Gaude quia paracle-  
tus, missus cœlo novos fœtus, igne format  
Entheo, Igne sacri nos amoris, fac accen-  
di, ne laboris capiamur tædio. Gaude  
quæ post Christum scandis, astra cœli,  
nuncque pandis, aditum ad æthera. O  
fac fructu ventris tui, per te nobis detur  
frui, in cœlesti patria. O Maria Virgo  
pia, Mater admirabilis, per te Deus Ju-  
dex meus, mihi sit placabilis. Virgo Ma-



ter sis benigna, nobis peccatoribus: in agone, fer coronæ præmium victoribus.

*Hymnus de septem doloribus B. V.*

**S**eptem tuos dolores, Maria dum confidero, tecum pati labores, tecum mori desidero. Annæ gemit senectus, & Simeon affligitur, doloris ense pectus, quando tibi transfigitur. Fugis Maria, prolis onusta charo pondere, & luminare solis, de nocte vis abscondere. Ægyptus est asyli locus tuis amoribus, juxta fluenta nili, liquefcis in doloribus. In Patris esse rebus, cùm nesciebas Filium, visa es tribus diebus, pallere sicut lilium. Clamas per angiportus, Fili! replebas æthera, dictura plus, obortus dolor premebat cætera. En fert trabale lignum, flagrisque Jesus icitur, ô Mater ecce signum, cui porrò contradicitur, eheu crucem ferenti! corpus pluit cruoribus, & cor tibi Parenti, sub.



submergitur doloribus. Calvaria, est amoris, & est doloris vinea, sunt præla vinitoris, clavi, & corona spinea. Dum fixus est jesus, crucisque calcatur torculum, amor dolore læsus, premit Mariæ corculum. Maria quando petra, sensu doloris finditur, diēsque nocte tetrâ luget, tibi cor scinditur. Divulsa membra ligno, sed membra cassâ lumine, foves sinu benigno, lavas doloris flumine. Cum Filio sepulto, lapis sepulchro advolvitur, tibi Maria, multo dolore, vita solvitur. Sedens ad antra tumbæ, mœsto susurro murmuris, instar gemis columbæ, & plangis instar turturis. O Mater! ut dolorum per hanc amaritudinem, cœlestium bonorum, gustem suavitudinem. Tecum pati labores, tecum mori desidero, septem tuos dolores, dum plango, dum considero.

Stabat mater dolorosa, juxta Crucem  
lachrymosa, dum pendeat Filius. Cu-

L 3

jus



jus animam gementem, contristatam, & dolentem, pertransivit gladius. O quam tristis, & afflicta, fuit illa benedicta, Mater unigeniti. Quæ mœrebat, & dolebat, & tremebat, cùm videbat, nati pœnas inclyti. Quis est homo qui non fleret, Christi Matrem si videret, tanto supplicio? Quis non posset contristari, piam matrem contemplari, dolentem cum Filio? Pro peccatis suæ gentis, vidit Jesum in tormentis, & flagellis subditum. Vidit suum dulcem natum, morientem, desolatum, dum emisit Spiritum. Eja mater fons amoris, me sentire vim doloris fac, ut tecum lugeam. Fac, ut ardeat cor meum, in amando Christum Deum, ut sibi complaceam. Sancta mater istud agas, crucifixi fige plagas, cordi meo validè. Tui nati vulnerati, tam dignati, pro me pati, pœnas mecum divide. Fac me verè, tecum flere, Crucifixo condolere, donec ego



ego vixero. Juxtà crucem tecum stare,  
te libenter fociare, in planctu desidero.  
Virgo virginum præclara, mihi jam non  
sis amara, fac me tecum plangere. Fac,  
ut portem, Christi mortem, passionis fac  
confortem, & plagas recolere. Fac me  
plagis vulnerari, cruce hâc inebriari, ob  
amorem Filii. Inflamatus, & accensus, per  
te Virgo, sim defensus, in die judicii. Fac  
me cruce custodiri, morte Christi præmu-  
niri, confoveri gratiâ. Quando corpus  
moriatur, fac ut animæ donetur, paradisi  
gloria, Amen.

Omni die, dic Mariæ, mea laudes a-  
nima, ejus festa, ejus gesta, cole devotissi-  
ma. Contemplare, & mirare, ejus celsi-  
tudinem, dic scëlicem, genitricem, dic  
beatam Virginem. Ipsam cole, ut de mo-  
le, criminum te liberet. Hanc apella, ne  
procella, vitiorum superet. Hæc perso-  
na, nobis dona, contulit cœlestia. Hæc  
Re-



Regina, nos divinâ, illustravit gratiâ.  
 Lingua mea, dic trophœa, virginis puer-  
 ræ. Quæ inflicturn, maledictum, miro  
 transfert germine. Sinè fine, dic Reginæ,  
 mundi laudum cantica. Ejus bona, sem-  
 per sona, semper illa prædica. Omnes  
 mei sensus, ei personate gloriam, frequen-  
 tate, tam beatæ Virginis memoriam.  
 Nullus certè, tam disertæ, extat eloquen-  
 tiæ, qui condignos, promat hymnos, ejus  
 excellentiæ. Omnes laudent, unde gau-  
 dent, Matrem Dei Virginem, nullus fin-  
 gat, quod attingat, ejus celsitudinem. Sed  
 necesse, quod prodesse, piis constat menti-  
 bus, ut intendã, quòd impendã, me ipsius  
 laudibus. Quamvis sciam, quòd Mariam,  
 nemo dignè prædicet, tamen vanus, &  
 insanus est, qui illam reticet. Cujus vita  
 erudita, disciplinâ coelicâ, argumenta, &  
 figmenta, destruxit hæretica. Hujus  
 mores, tanquam flores, exornant Eccle-  
 siam:



fiam: Actiones, & sermones, miram præstant gratiam. Evæ crimen, nobis limen, paradisi clauferat, hæc dum credit, & obedit, cœli claustra referat. Propter Evam, homo sævam, accepit sententiam: per Mariam, habet viam, quæ ducit ad patriam. Hæc amanda, & laudanda, cunctis specialiter: venerari, prædicari, illam decet jugiter. Ipsa donet, ut quod monet, natus ejus faciam, ut finitâ, carnis vitâ, lætus hunc aspiciam. O cunctarum fæminarum, decus, atque gloria; quam electam, & evectam, scimus super omnia. Clemens audi, tuæ laudi, quos instantes conspicias: munda reos, & face eos, donis dignos cœlicis. Virga Jesse, spes oppressæ mentis, & refugium; decus mundi, lux profundi, Domini sacrarium. Vitæ forma, morum norma, plenitudo gratiæ: Dei templum, & exemplū, totius justitiæ. Virgo salve, per quam valvæ, cœli patent miseris: quam non flexit, nec allexit, fraus

M

fer-



serpentis veteris. Generosa, & formosa,  
David Regis Filia : quam elegit Rex, qui  
regit, & creavit omnia. Gemma decens,  
rosa recens, castitatis lilium : castum cho-  
rum, ad polorum, quæ perducis gaudium.  
Actionis, & sermonis, facultatem tribue :  
ut tuorum, meritorum, laudes promam  
strenuè. Opto nimis, ut imprimis, des  
mihi memoriam : ut decenter, & frequen-  
ter, tuam cantē gloriam. Quamvis muta,  
& polluta, mea sciam labia : Præsumendū,  
nec silendum est, de tua gloria. Virgo gau-  
de, omni laude digna, & præconio : quæ  
damnatis, libertatis, facta es occasio.  
Semper munda, & foecunda, Virgo tu pu-  
erpera, Mater alma, velut palma, florens  
& fructifera. Ejus flore, & decore, recre-  
ria cupimus, cujus fructu, nos à luctu, libe-  
rari credimus. Pulchra tota, sine nota,  
cujuscunque maculæ, fac nos mundos, &  
jucundos, te laudare sedulè. O beata, per  
quam data, nova mundo gaudia : Et aper-

ta,

Hosted by

Google



ta, fide certâ, regna sunt cœlestia, Per  
te mundus lætabundus, novo fulget lu-  
mine; antiquarum tenebrarum, exutus  
caligine. Nunc potentes, sunt egentes,  
sicut olim dixeras : & egeni, fiunt pleni, ut  
tu prophetaveras; per te morum, nunc  
pravorum, relinquuntur devia: doctrina-  
rum perversarum, pulsa sunt præstigia.  
Mundi luxus, atque fluxus, docuisti sper-  
nere : Deum quæri, carnem teri, vitiis  
resistere. Mentis cursum, tendi fursum,  
pietatis studio: corpus angi, motus fran-  
gi, pro cœlesti præmio. Tu portâsti, in-  
ter casti, ventris claustra Dominum : Re-  
demptorem, ad honorem, nos reformans  
pristinum. Mater facta, sed intacta, ge-  
nuisti Filium; Regem regum, atque re-  
rum Creatorem omnium. Benedicta,  
per quam victa, hostis est versutia;  
destitutis spe salutis, datur indulgen-  
tia. Benedictus, Rex invictus, cujus Ma-



ter crederis : increatus, ex te natus, nostri  
 salus generis. Reparatrix, consolatrix,  
 desperantis animæ: à pressura, quæ ven-  
 tura malis est, nos redime. Pro me pete,  
 ut quiete, sempiternâ perfruar; ne tor-  
 mentis, comburentis, stagni miser obruar.  
 Quod requiro, quod suspiro, mea sana  
 vulnera; & da menti, te poscenti, gratia-  
 rum munera. Ut sim castus, & modestus,  
 dulcis, blandus, sobrius: pius, re-  
 ctus, circumspectus, similitatis nescius.  
 Eruditus, & munitus, divinis eloquiis: ti-  
 moratus, & ornatus, sacris exercitiis.  
 Constans, gravis, & suavis, benignus, a-  
 mabilis: Simplex, purus, & maturus, pa-  
 tiens, & humilis. Corde prudens, ore stu-  
 dens veritatem dicere; malum nolens,  
 Deum colens, pio semper opere. Esto tu-  
 trix, & adjutrix, Christiani populi: pa-  
 cem præsta, ne molesta, nos perturbent  
 sæculi. Salutaris, stella maris, summis di-  
 gna



gna laudibus; quæ præcellis, cunctis stellis, atque luminaribus. Tuâ dulci, prece fulci, supplices, & refove: quidquid gravat, vel depravat mentes nostras, remove. Virgo gaude, quòd de fraude, dæmonum nos liberas: dum in vera, & sincera carne, Deum generas. Illibata, & dotata, cœlesti progenie: gravidata, nec privata, flore pudicitia. Nam quod eras, perseveras, dum intacta generas, illum tractans, atque lactans, per quam facta fueras. Commendare, me dignare, Christo tuo Filio; ut non cadam, sed evadam, de mundi naufragio. Fac me mitem, pelle litem, compesce lasciviam, contra crimen, da munimen, & mentis constantiam. Non me liget, nec fatiget, sæculi cupiditas, quæ indurat, & obscurat, mentes sibi subditas. Nunquam ira, nunquam dira, me vincat elatio; quæ multorum, fit malorum, frequenter occasio. Ora Deum,

M 3

ut



ut cor meum, suâ fervet gratiâ: ne antiquus inimicus, seminet zizania. Da levamen, & juvamen, tuum illis jugiter: tua festa, sive gesta, qui colunt alacriter.

O! Beata MARIA, quamvis tibi nullus valeat jura gratiarum, ac laudum, præconia rependere, suscipe nihilominus quas-  
cunque exiles, tuisque meritis impares gratiarum actiones, & cum susceperis vota, culpas nostras orando, excusa, admitte nostras preces intrâ sacrarium exauditionis, & reporta nobis antidotum reconciliationis, fiat impetrabile, quod fidâ mente poscimus, accipe quod offerimus, redona quod rogamus, excusa quod time-  
mus, quia tu es spes unica peccatorum, per te speramus veniam delictorum, & per te nostrorum est expectatio præmiorum. Sancta MARIA succurre miseris, juva pusillamines, refove flebiles, ora pro populo, interveni pro Clero, intercede  
pro



pro devoto fœmineo sexu, sentiant omnes tuum juvamen, quicunque celebrant tuam sanctam commemorationem, assiste votis poscentium, & repende omnibus optatum effectum, quæ meruisti Redemptorem ferre mundi, qui vivit & regnat in sæcula sæculorum, Amen.

Concede misericors Deus fragilitati nostræ præsidium: ut qui sanctæ DEI genitricis memoriam agimus, intercessionis ejus auxilio, à nostris iniquitatibus resurgamus. Per eundem Christum Dominum nostrum, Amen.

Omnipotens sempiterne Deus, qui nobis de castissima Virgine nasci dignatus es, fac nos quæsumus tibi casto corpore servire, & humili mente placere, Amen.

O Virgo Virginum! summum Trinitatis sacrarium, Angelorum speculum, scala Sanctorum omnium, tutum peccatorum refu-



refugium, in morte placatum nobis ostende Filium, tuum vultum gloriosum. Am.

*Exercitium singularis devotionis  
erga Beatam Virginem.*

Consistens in 7. Orationibus, quæ, vel simul recitari, vel in singulos septimanæ dies, dividi possunt.

**A**Ve Maria, cœli terræque Regina, quæ à Deo in matrem es electa, ante omnia sæcula. Tu es illa beata mulier, de qua Dominus noster Jesus Christus, ut genus humanum redimeret, carnem voluit assumere; per te cœlum terræ jungitur, & summa imis copulantur, tu es Dux vitæ nostræ, tu porta divinæ gratiæ, tu es securus hujus procellosi mundi portus, tu lætitia cœli, tu exultatio terræ, tu peccatorum tutissimum asylum, tu certissimum præsidium omnium te invocantium; Ego tali animatus fiduciâ ad te venio, ne averferis



feris miserum, ô misericordiæ mater, qui misericordia tuâ fretus, de miserorum numero, in filiorum tuorum sortem transire cupio; fateor quidem me sæpè, ac graviter, dilectissimum Filium tuum, peccatis meis offendisse, atque idcirco, & ipsius, & tuâ gratiâ indignum esse, sed ex intimo corde nunc doleo, quòd summum illud bonum, Dominum, ac Redemptorem meum Jesum Christum, quem super omnia amo, unquam offenderim, & coram te ejusdem dilectissima matre, emendationem, & satisfactionem polliceor. Obsecro itaque te Domina, ut mihi veniam peccatorum meorum, gratiâque impetres, tuæ enim est pietatis Virgo benedicta, ipsam, quam apud Deum invenisti gratiam, notam facere mundo, Amen.

**A** Ve Maria, Domina post Deum potentissima, Redemptoris nostri genitrix admiranda, quem virginitate mater-



ternâ , & maternitate virginali , mirabiliter peperisti , totâ obstupefcente naturâ , Ave sacrarium Spiritûs sancti , ave Virgo gloriosa , quæ tanquam aurora corruscans es , pulchra ut luna , electa ut sol , terribilis dæmonibus , & tanquam acies castrorum bene ordinata , Angelorum , hominûmque laudibus dignissima , sanctos omnes supergrediens . Ave post Deum unigenitum Filium tuum , & justitiæ solem , potens auxiliatrix mortalium , certa spes , & firmum solatium miserorum , humani generis gloria , ornamentum totius universitatis , omnia sæcula , omnes generationes tibi benedicant , omnes ô Domina ad te confugimus , tuam imploramus opem ô benignissima mater , oculos misericordiæ tuæ , ad nos miseros , in hâc lachrymarum valle , converte ; monstra ô mater , dilectissimo Filio tuo ubera , quibus eum nutrivisti ; ostende brachia , quibus eum amplexata es , enu-



enumera omnes labores, & dolores, quos pro eo sustinuisti, tuum illi cor totum amoris igne flagrans exhibe; ut his commotus, nostri misereatur, omnibusque malis, quibus undique circumdamur, incolumes eripiat, Amen.

**A** Ve Maria, lætitia cœli, & exultatio terræ, tu es illa serenissima luminis mater, quæ animas, omnium te amantium illuminas, tu es illa dulcissima pietatis mater, quæ fideles tuos famulos, ad gloriosa feliciter perducis habitacula, tu es illa columba formosa, quæ juxta aquarum fluentia sedes, cujus vestimenta incredibilem spirant odoris suavitatem, ad te faciem meam levo, cœli Regina, ad te oculi cordis mei suspiciunt, in te confidit anima mea, tu es arx fortissima, in qua securi sunt omnes ad te confugientes, tu es fidelissima propugnatrix omnium te laudantium, tu es illa clavis, quæ portas pa-





radisi referat, laudo, & glorifico te Virgo gloriosa, colo, & veneror humillimè intemerata illa, & intacta tua viscera, concede mihi obsecro, ut tribulationibus, & miseriis hujus vitæ oppressus, in maternæ pietatis tuæ sinu, locum inveniam, fac ut sim in numero eorum, quos tu amas, inque tuo castissimo pectore adscriptos habes, quos tu doces, dirigis, & defendis in omni necessitate, Amen.

**A** Ve Maria, æterni Regis mater, mil-  
lies felix, & beata, tu post unigeni-  
tum Filium tuum, omnibus rebus domina-  
ris, tibi omnes ætates, & generationes ca-  
put inclinant, tuis pedibus se terrarum  
substernit ambitus, post ineffabilem enim,  
& summam Trinitatem, nihil dignius te,  
nihil pulchrius habet cœleste palatium,  
tu mater, tu Filia, tu sponsa Dei altissimi,  
tota pulchra, tota formosa es, ad tuum  
nomen dæmones contremiscunt, cùm  
splen-



splendor tuus se prodit, tenebræ diffu-  
giunt, portæque cœli, ad nutum tuum ape-  
riuntur, tu es vera spes Christianorum  
post Jesum Christum Filium tuum. Tu es  
Regina misericordiæ, tu vitæ nostræ  
dulcedo, omnes ad te clamant, & tu re-  
spondes omnibus! intercedis pro omni-  
bus, auxilium tuum ne auferas à me, pie-  
tas tua non desit mihi, nec memoria tui, in  
me unquam intermoriatur; si tu me Do-  
mina derelinquas, quis me suscipiet, si tu  
ô Stella maris, peccatorum dux, me non  
illumines, quo tandem vadam? quid de  
me fiet, si à te excludar? audi ergo ô ma-  
ter! audi miserū ad te clamantem, recor-  
dare obsecro, quod propter nos peccato-  
res Dei Filius te in matrem elegit. Idcir-  
cò ad te confugio, ut per te ô mater mea,  
misericordiam inveniam apud Patrem  
misericordiarum, & Deum totius conso-  
lationis, Filium tuum Dominum, ac Re-



demptorem nostrum, & Spiritum sanctum, Amen.

**A**ve Maria, ave inter sanctos post Deum sanctissima, & potentissima Domina ô Mater! ô Virgo! quibus te laudibus efferam nescio, omnia gloriosa sunt in te, beatam meritò te dicunt omnes generationes, Dei genitrix, Domina mundi, Regina cœli, quæ omnibus generationibus vitam, & gloriam genuisti, in te Angeli lætitiā, iusti gloriam, peccatores veniam inveniunt, meritò in te respiciunt oculi totius creaturæ, quia per te, & in te, & de te, benigna manus omnipotentis, quidquid creavit, recreavit; tu verè urbs refugii, portus naufragantium, & solatium omnium in te sperantium, tu ornamentum es totius universitatis, tu Domina es, nos servi tui, tu Regina, nos clientes tui, tu spes universæ terræ es, ad tui memoriam recreantur, & hilarescunt fideles ani-



animæ, tu gloria Jerusalem, tu lætitia Is-  
raël, tu honorificentia populi nostri, mul-  
tæ filiæ congregaverunt divitias, tu su-  
pergressa es universas, tu mater es pul-  
chræ dilectionis, timoris, & agnitionis, &  
sanctæ spei, tu (velut Esther Assuerum)  
Deum Patrem placâsti, & invenisti gra-  
tiam in oculis ejus. Tu (velut Judith Ho-  
lofernem) diabolum superâsti. ô Maria!  
deest mihi vox, & spiritus, quô te condi-  
gnè laudem. Vos ergo ô sancti Angeli, &  
Electi Dei, Mariæ laudes pro me, in æter-  
num decantate. O quando illud tempus  
veniet? quo & mihi vobiscum liceat Dei,  
& Mariæ laudes, sinè fine in cœlesti gloria  
prædicare, hos tuis imprimis, ô potentis-  
sima Domina! vestrisque ô SS. Angeli, &  
Electi Dei precibus, mihi apud Deum im-  
petrate, Amen.

**A**ve Maria, sole clarior, lunâ pulchri-  
or, ave splendidissima Stella, de qua  
na-



natus est sol iustitiæ, Christus Deus noster. Tu es Virgo super omnē pulchritudinem formosa, tu mater, super omnem honestatem gratiosa, quæ benignissimis oculis, sanctissimam Filii tui Ecclesiam, quacūque in mundi parte illa sit, intueris, dulce tuum nomen reficit laborantes, serena lux tua illuminat cæcos, suavis odor virtutum tuarum, exhilarat iustos, & benedictus fructus ventris tui Jesus, beatos exatiat, tu post Deum prima, laudem omnium hominum, & Angelorum mereris, Dominus te creavit virginem sinè macula, Dominus te amavit super omnes creaturas, tu generis humani gloria, tu super omnes choros Angelorum es exaltata, tu pulchritudo, & ornamentum es totius universi, ne avertas faciem tuam à me peccatore, quis enim unquam te invocavit, & exaltatus non est? quis à te quicquam petivit: & non impetravit? quis unquam servivit tibi:



tibi: quem non liberaliter & magnificè remunerasti? fileat misericordiam tuam Virgo beata, si quis est, qui invocatam te in necessitatibus suis meminerit defuisse. Obsecro itaque ô potentissima Domina, impetra mihi à dilecto Filio tuo, veram cordis contritionem, & fac ut spretis omnibus blanditiis, & cupiditatibus, in Christo Jesu, teque benedicta ejus matre, omnis mea sit voluptas, Amen.

**A** Ve Maria, Mater misericordiæ, ave reparatrix gratiæ, & veniæ, quis te non amet? quis te non honoret? quis te tibi non commendet? tu es lux nostra in rebus dubiis, in mœstis consolatio, in angustiis recreatio, in periculis, & tentationibus fidele auxilium, tu es post unigenitum Filium tuum, certa salus, & spes nostra, beati qui te amant, & per sanctitatem vitæ familiares tibi fiunt, & devoti famuli, beati quos tu singulariter tibi

O

com-



commendatos habes. O pientissima mater! suscipe me in clientem tuum, in benedictas manus tuas, & in sinum misericordiae tuæ, animam, & corpus meum cum filiali fiducia nunc, & in hora mortis meæ commendo, rege, doce, dirige, & defende me in omnibus, secundum tuam voluntatem. Respice, ô Domina ad servi tui, licet indignissimi preces, respice ad omnes necessitates meas, ad te ego velut unicum asylum meum, confugio: sub pallio maternæ protectionis tuæ absconde me, noli me à te mater misericordiae repellere, nam sine te vivere non potest anima mea. Amen.

✠. Copiosa charitas tua.

✠. Nostorum cooperiat multitudinem peccatorum.

*Oremus.*

**P**Ræsta quæsumus omnipotens, & misericors Deus, beatâ Mariâ semper Vir-



Virgine intercedente, quam non tantum in conceptione unigeniti Filii tui, Spiritus sanctus obumbravit, sed post ascensionem ejusdem etiam sacro septenario replevit, ut nos quoque cœlestibus repleti desideriiis ? felicem vitæ finem habeamus. Per eundem Christum Dominum.

Ave dulcis mater Christi, quæ cor tuum gladio, transfigendum audis tristi, senis vaticinio: tanti memor fac doloris, mihi sis præsidio: ut post vallem hanc mœroris, cœli reddar gaudio. Ave dulcis mater Christi, quæ præ Regis furia sævi-ente, corde tristi fugis exul patria: O Regina Beatorum, nostri spes exilii, fac infractus vi malorum, fiam confors Filii. Ave dulcis Mater Christi, natum lugens inclytum, ô quam tristis quæsiisti, triduô jam perditum: hujus memor ô doloris, Christum fac inveniam, & inventum per amoris nexum, semper teneam. Ave



dulcis Mater Christi, quæ dilectum Filium, capi, cædi, flens vidisti, manibus crudelium: ô per pœnas patientis, nobis sit impunitas, per amorem condolentis matris, crescat charitas. Ave dulcis Mater Christi, quæ sub crucis arbore, gemens natum, morte tristi vides heu! succumbere: ô per enssem hunc doloris, qui tunc scidit animam, fac me firmet vis amoris, mortis ad victoriam. Ave dulcis Mater Christi, quæ de cruce mortuum, ulnis natum suscepisti, madens undâ fletuum: eja præstet vis doloris, mater plena gratiæ, ut supremis fervet horis gremio clementiæ. Ave dulcis Mater Christi, quæ sepulchro conditum, plangis natum heu! quam tristi mente volvens obitum: in virtute tot dolorum, quos tulisti fortiter, omnem contra vim malorum, stare nos viriliter, demum forte beatorum fac gaudere jugiter,

✠. Tuam



℣. Tuam ipsius animam doloris gladius  
pertransiuit.

℞. Ut reuelentur ex multis cordibus co-  
gitationes.

*Oremus.*

**I**Nterueniat pro nobis quæsumus Domi-  
ne IESU Christe, nunc & in hora mortis  
nostræ apud tuam clementiam, beata Vir-  
go MARIA Mater tua, cujus sacratissi-  
mam animam, in hora tuæ passionis, dolo-  
ris gladius pertransiuit, per te IESU Chri-  
ste Salvator mundi, qui cum Patre, & Spi-  
ritu sancto vivis, & regnas in sæcula sæ-  
culorum, Amen.

Concede nos famulos tuos quæsumus  
Domine Deus, perpetuâ mentis, & cor-  
poris sanitate gaudere, & gloriosâ beatæ  
Mariæ semper Viginis intercessione, â  
præsenti liberari tristitia, & æternâ per-  
frui lætitiâ. Per Dominum nostrum Je-  
sum Christum Filium tuum.

Famu-



Famulorum tuorum quæsumus Domine delictis ignosce, ut qui tibi placere de actibus nostris non valemus, genitricis Filii tui Domini nostri intercessione salvemur. Per eundem Christum Dominum nostrum, Amen.

O Maria, mater lucis, quæ ad lumen nos reducis, esto mihi prævia, mater vitæ salutaris, cœli sidus, stella maris, cinosura cœlica, me in hujus vitæ mari, non permittas naufragari, iter tuum explica.

ψ. Illabatur cordi meo, odor tuus suavissimus.

℞. Et indefinenter curram in odorem unguentorum tuorum.

O purissima Dei mater MARIA! obsecrote per profundissimam humilitatem tuam: per sanctissimam castissimamque puritatem, & per ferventissimam charitatem tuam, perque omnia dona, quibus ornata es à Deo, recipe me in custodiam, & amo-



& amorem piissimi materni cordis tui, tanquam filium licet indignissimum, & impetra mihi, tui amorem sanctissimum, atque castissimum: impetra mihi humilitatem, castitatem, charitatem, omnesque cæteras virtutes, quibus Deo omnipotenti valeam placere: impetra mihi, ut per singularem misericordiam Filii tui, per merita passionis ejus, & per contritionem perfectissimam peccatorum meorum, in hac vita totus purificari merear ab omnibus vitiis, & peccatis meis, ut post hanc vitam, sine dilatione ad vitam recipiar sempiternam, & propterea ô Mater misericordiæ, impetra mihi, ut semper, quæcunque tristitiæ super me venerint, patientissimè, & cum gratiarum actione hic sustineam, & omnes vires corporis, & animæ meæ, omneque tempus vitæ meæ, in laudem, & gloriam Filii tui, secundum ejus beneplacitum expendam, Amen.

San-



Sanctissima Deiparens Virgo MARIA,  
per sacratissima Jesu Christi quinque vul-  
nera, Crucis tormentum, desolatissimum  
agonem, & animæ tuæ septem dolores,  
deprecorte, in hora mortis meæ, fac me  
securum, ô dulcissima Virgo MARIA.  
Amen.

Memento obsecro Deipara Virgo  
MARIA, innocentis animæ tuæ angustia-  
rum, quas tunc habuisti, quando unigeni-  
tus tuus in cruce pendens, imolatus est in  
oculis tuis, & recogita, quod omnia pro  
peccatoribus tolerare voluit, quorum  
ego unus sum, ipse enim morte suâ meruit,  
ut essem frater suus. Ergo ne dedigneris  
piissima mater, quin & ego sim filius tuus.

Ad te confugio plenus fiducia, tibi me  
ipsum, & omnia mea comendo. Noli er-  
go piissima mater spernere me miserum  
peccatorem, propter peccata mea nimia,  
& noli abjicere à misericordia tua me,  
pro-



propter eum, qui amore mei nudus, & dilaceratus, pependit in cruce ante te, sed gratiâ tuâ me respicere digneris, sicut te, cum Joanne respexit Jesus Filius tuus, Dominus, & Redemptor, qui est in sæcula benedictus, Amen.

Beatæ, & gloriosæ semper Virginis **MARIÆ**, quæsumus Domine intercessio gloriosa nos protegat, & ad vitam perducat æternam, Amen.

Nos cum prole pia,  
Benedicat Virgo Maria. Amen.

*Hymnus ad S. Josephum.*

**M**Agne Joseph, fili David, custos date Virgini, quem & Virgo nuncupavit, Patrem Christi Domini: qui fidelis servus Dei, datus es familiæ, precor velis curam mei, tanquam pater gerere. Cùm ferentem castam matrem conspexisses u-

P. terum



terum, & nescires tamen patrem, cor gerebas anxium: sed de cœlo mox instructus, posuisti dubium, fac ut omnis meus luctus transeat in gaudium. Dum in bethlem profecturus, pergeres cum Virgine, Deus nobis par futurus, natus est in tempore: quem in fœno collocatum, coluisti gnaviter, nunc in cœlo elevatum, ora pro me jugiter. Vim Herodis evasisti monitus ab Angelo, in Ægyptum cùm duxisti virginem cum parvulo: per mœrorem, quem tulisti, isto in exilio: cùm gravabor horâ tristi, mihi sis auxilio. Ex Ægypto cùm defessus, Galilæam peteres, es in Nazareth digressus, ut securus degeres: in florentis hortû mentis, amas Jesum ducere, da florescat, & nitescat hortus meæ animæ. Quàm dolebas, cùm quærebas duodennem Jesulum, sed inventus, & retentus, auxit ille gaudium: Jesum lumen oculorum fac me nunquam perdere, semper



per puritate morum , menti adsit integritas. Inter Jesu, & Mariæ manus integerrimas, spiritum emittis piè, hinc ad sedes superas: eja Jesu, & Mariæ te conjunge tertium, quando me supremâ die, mors citabit anxium. Cuius tibi dedicatus solvit hoc officium , ejus votis tu vocatus redde beneficium : ut post hujus vitæ metam tuo patrocínio, tecum vivam vitam lætam, cœli in palatio, Amen.

*Antiph.* Salve Patriarcharum decus, & Ecclesiæ sanctæ Dei œconomus qui panem vitæ, & frumentum electorum conservasti.

ψ. Ora pro nobis beatissime Joseph.

℞. Ut digni efficiamur promissionibus Christi.

*Oremus.*

Sanctissimæ genetricis tuæ Sponsi, quæsumus Domine meritis adjuvemur, ut quod possibilitas nostra non obtinet, ejus nobis intercessione donetur. Qui vivis,

P 2

& re-



& regnas cum Deo Patre, in unitate Spiritus sancti Deus, per omnia sæcula sæculorum, Amen.

℣. Valde honorandus, & amandus est beatus Josephus.

℞. Inter cujus brachia Dominus recubuit.

*Oremus.*

**O**mnipotens sempiterne Deus, qui beatum Josephum, justum filium David, beatissimæ Virgini Mariæ, sponsum providisti, & Filio tuo Jesu Christo, nutritium elegisti, da quæsumus, ut ejus precibus, & meritis, tranquillâ pace lætemur, & ad perpetuæ visionis tuæ consolationem perducamur. Per eundem Dominum nostrum Jesum Christum Filium tuum, qui tecum vivit, & regnat, in unitate Spiritus sancti Deus, per omnia sæcula sæculorum, Amen.

O!



O! Sancte Ioseph, qui tanquam Pater, & manu ductor Christum Jesum in pueritia, & juventute, per omnes peregrinationis humanæ vias fidelissimè deduxisti: & mihi obsecro, in vitæ meæ peregrinatione, tanquam comes, & ductor assiste, nec unquam permitte me à via mandatorum Dei declinare; sis in adversis præsidio, in ærumnis solatio, donec tandem ad terram viventium perveniam, ubi tecum, & sanctissima sponsa tua Virgine MARIA, omnibusque sanctis, æternùm in Deo Jesu meo exultem, Amen.

**V**irginum Custos, & Pater sancte Iosephe, cujus fidei custodiæ ipsa innocentia Christus Jesus, & Virgo Virginum Maria in terris commissa fuit, te per utrumque charissimum pignus tuum, JESUM, & MARIAM, obsecro, & obtestor; ut



me ab omni immunditia præservatum,  
mente intaminatâ, puro corde, & casto  
corpore Jesu, & Mariæ semper facias ca-  
stissime famulari, Amen.

**O** Sancte Joseph, qui in suavissimo Je-  
su clientis tui, & dulcissimæ Sponsæ  
tuæ Mariæ complexu, ex hac vita emi-  
grâsti: succurre mihi ô sancte Pater cum  
Jesu, & Maria, tunc potissimum, quando  
mors, vitæ meæ finem imponet, illudque,  
quod unicè peto, solatium mihi impetra,  
ut in iisdem Jesu, & Mariæ brachiis, expi-  
rem. In manus vestras vivens, & moriens,  
commendo Spiritum meum. JESUS,  
MARIA, JOSEPH.

*Hymnus ad S. Stephanum Pro-  
tomartyrem.*

**S**ummi Dei pretiose, Protomartyr Ste-  
phane, qui virtute charitatis, circum-  
fultus undique, Dominum pro inimico ex-  
oraſti



orasti populo; funde preces, pro devoto  
tibi nunc collegio, ut tuo propitiatus in-  
terventu Dominus, nos purgatos à pecca-  
tis, jungat cœli civibus; ubi chorus beato-  
rum lætatur Spirituum, ubi animæ justo-  
rum claro gaudent lumine, Regem in de-  
core suo cernentes cum jubilo; gloria, &  
honor Deo, usquequaque altissimo, unâ  
Patri, Filióque, inclyto Paraclyto, cui  
laus est, & potestas, per æterna sæcula,  
Amen.

℣. Stephanus vidit cœlos apertos.

℞. Vidit, & introiit, beatus homo, cui cœli  
patebant.

*Oremus.*

**D**A nobis quæsumus Domine imitari  
quod colimus: ut discamus, & inimi-  
cos diligere, quia ejus natalitia celebra-  
mus, qui novit etiam pro persecutoribus  
exorare, Dominum nostrum.

Omni-



Omnipotens sempiterne Deus, qui primitias Martyrum, in beati Levitæ Stephani sanguine dedicâsti; tribue quæsumus, ut pro nobis intercessor existat, qui pro suis etiam persecutoribus exoravit Dominum nostrum Jesum Christum, qui tecum vivit.

*Ad S. Franciscum Seraphicum.*

*Antiph.* Cœlorum candor splenduit, novum fides emicuit, facer Franciscus claruit, cui Seraphim apparuit, signans eum caractere, in volis, plantis, latere, dum formam crucis gerere vult, corde ore, opere.

℣. Signâsti Domine Servum tuum Franciscum.  
℟. Signis redemptionis nostræ.

*Oremus.*

**D**omine Jesu Christe, qui frigescente mundo, ad inflammandum corda nostra, tui amoris igne, in carne sanctissimi



mi Francisci Seraphici, passionis tuæ sacra stigmata renovâsti, concede propitius, ut ejus meritis, & precibus, crucem omnium adversitatum nostrarum, imperturbato corde patienter feramus, & dignos fructus pœnitentiæ faciamus. Qui vivis, & regnas cum Deo Patre, in unitate Spiritus,

℣. Mihi autem absit gloriari.

℟. Nisi in cruce Domini nostri Jesu Christi.

*Oremus.*

**D**Eus, qui Ecclesiam tuam beati Francisci meritis, foetu novæ prolis amplificas: tribue nobis ex ejus imitatione terrena despicere, & cœlestium donorum semper participatione gaudere. Per Dominum nostrum Jesum Christum Filium tuum.

*Q*

*Ad*



*Ad S. Antonium de Padua.*

*Antiph.* Si quæris miracula, mors, error calamitas, dæmon, lepra fugiunt, ægri surgunt sani, cedunt mare, vincula, membra, resque perditas petunt, & accipiunt, Juvenes, & cani, pereunt pericula, cessat & necessitas, narrent hi qui sentiunt, dicant Paduani. Cedunt, &c. Gloria Patri &c. Cedunt, &c.

✠ Ora pro nobis beate Antoni.  
 R. Ut digni efficiamur promissionibus Christi.

*Oremus.*

**E**Cclesiam tuam beati Antonii confessoris tui deprecatio votiva lætificet, ut spiritualibus semper muniatur auxiliis, & gaudiis perfrui mereatur æternis. Per Christum Dominum nostrum. Amen.

✠. Oculi Domini super fideles terræ.  
 R. Et super timentes eum gratia ejus.

*Ore-*



*Oremus.*

**M**ltissime, & clementissime Jesu, qui beatum Antonium de Padua, Confessorem tuum, perpetuis illustras miraculorum splendoribus, concede propitius: ut quæ per ejus merita fideliter petimus, per illius intercessionem efficaciter consequamur. Per Christum Dominum nostrum, Amen.

*Ad Sanctum Ignatium.*

*Antiph.* In fraude circumvenientium illum, adfuit illi, & honestum fecit illum.

ψ. Custodivit illum ab inimicis.

℣. Et à seductoribus tutavit illum.

*Oremus.*

**D**Eus, qui ad majorem nominis tui gloriam propagandam, novo per beatum Ignatium subsidio, militantem Ecclesiam roborasti, concede: ut ejus auxilio, & imitatione certantes in terris,



coronari cum ipso mereamur in cœlis.  
Per Dominum nostrum.

℣. Ora pro nobis S. Ignati.

℞. Ut digni efficiamur promissionibus  
Christi.

*Oremus.*

**D**Eus qui Servum tuum S. Ignatium  
de mundi castris, ad spiritualis mili-  
tiæ triumphos evocâsti, præsta quæsu-  
mus, ut eum sequamur ducem morum, &  
protectorem consequamur. Per Chri-  
stum Dominum nostrum.

*Ad S. Franciscum Xaverium.*

*Antiph.* Tæduit me vitæ meæ, videntem mala  
universa, esse sub sole, & cuncta vanita-  
tem, & afflictionem Spiritûs.

℣. Beatus vir cujus est nomen Domini Spes ejus.

℞. Et non respexit in vanitates, & infanias  
falsas.

*Ore-*



*Oremus.*

**D**Eus qui glorificantes te glorificas,  
& in sanctorum tuorum honoribus  
honoraris, concede propitius: ut qui  
beati Francisci Confessoris tui, gloriosa  
merita colimus, ejus pia patrocinia sen-  
tiamus. Per Dominum &c.

℣. Ora pro nobis S. Francisce Xaveri.  
℟. Ut digni efficiamur promissionibus  
Christi.

*Oremus.*

**D**Eus qui Evangelium regni tui, per  
barbaras gentes, & reconditas na-  
tiones, S. Francisci tui Xaverii prædica-  
tione seminasti, & ejus sanctitatem puris-  
simi corporis incorruptione declaras,  
concede quæsumus: ut qui ejus memo-  
riam agimus, eum morum imitatione se-  
quamur. Per Dominum nostrum.

Q 3

*Hym-*



*Hymnus ad S. Sebastianum.*

**S**ebastiane Martyrum, & gemma Christi militum, cui fuere spicula, pennæ ad beata gaudia. Oculo fidei respice, contagionis tempora, & sanitatis impetra, tibi dicatis munera.

℣. Ora pro nobis beate Martyr Sebastiane.

℞. Ut mereamur pestem evitare, & promissionem Christi obtinere.

*Oremus.*

**P**ræsta quæsumus omnipotens Deus, ut intercedente beato Sebastiano Martyre tuo, & à cunctis adversitatibus liberemur in corpore, & à pravis cogitationibus mundemur in mente.

℣. Beatus quem elegisti, & assumpsisti, inhabitabit in atriis tuis.

℞. Replebimur in bonis domûs tuæ.

*Oremus.*

**D**eus, qui concedis sancti Martyris tui Sebastiani memoriam celebrare,  
da



da nobis ejus meritis, & precibus, ab ipsa peste, & omni morbo contagioso, ab improvisa morte, ab omni adversitate corporis, & animæ liberari, nobisque tantum vitæ spacium, & tantam emendationem peccatorum nostrorum donare digneris, ut ejusdem beati Martyris interventu, post hoc exilium, in cœlesti gloria collætetur in æternum, Amen.

*Hymnus ad S. Catharinam.*

**G**AUDE Virgo Catharina, quam refecit lux divina, ter quaternis noctibus. Gaude quòd tuâ doctrinâ, Philosophos à ruina traxisti, & erroribus. Gaude quia meruisti, confortari voce Christi, per preces divinitus. Gaude quia convertisti, Sponsam Regis, & vidisti, rotas fractas cœlitus. Gaude sertis coronata, & in syna venerata, olei stillamine. Esto nobis advocata, apud Deum Virgo grata, in nostro certamine.

*Antiph.*



*Antiph.* Prudentes Virgines, aptate vestras lampades, ecce Sponsus venit, exite obviam ei.

ψ. Ora pro nobis S. Catharina.

℞. Ut digni efficiamur promissionibus Christi.

*Oremus.*

**D**Eus, qui dedisti legem Moyfi in summitate montis Synai, & in eodem loco, per sanctos Angelos tuos, corpus beatæ Catharinæ Virginis, & Martyris tuæ, mirabiliter collocasti; præsta quæsumus, ut ejus meritis, & intercessione, ad montem qui Christus est, pervenire valeamus. Per eundem &c.

*Hymnus ad eandem.*

**A**ve Virgo Catharina, ave Martyr, & Regina, ave Sponsa Christi vera, ave mitis, & sincera, ave Virgo Deo digna, Christo, prece me consigna, preces audi, juva votum, cor in bono sit immotum. Christus faxit cor contritum, regat visum



visum, & auditum, regat gustum, & olfactum, per te virgo regat tactum, ut in cunctis te petente, vivam Deo, purâ mente. O! beata Catharina Babylonis de sentina, juva rapi me clientem, Christo præsta fervientem, Christum pro me fac apella, salvet mortis de procella. Superare juva mundum, ne demergar in profundum, ne permittar naufragari, in peccatis in hoc mari, Virgo Dei nunc memento, quo labore quo tormento, regnum Dei meruisti, & sic cœlos ascendisti. In conspectu Virgo Dei, memor esto precor mei, memor esto supplicantis, ut de malis lever tantis. In peccatis constitutus, mille malis involutus, per te precor expediri, vellem scelus impediri. Tu me vise tunc infirmum, fac ut Christus faxit firmum, agonista Dei fortis, esto præsens horâ mortis. Decumbentem fove leva, fac de morte salver sæva, ut resurgam novus homo, in cœlesti

R

Civis



civis domo. Cùm postrema venit hora,  
ad sis Virgo tunc decora, non me duplex  
mors infestet, Jesus Christus illud præstet,  
tuâ præce exoratus, voto tuo imploratus,  
idem Pater idem Natus, det Mariæ dul-  
cis Gnatus, idem donet summum Flamen,  
quod cum illis regnat, Amen.

*Hymnus ad S. Barbaram.*

**M**Atutino tempore, Barbara beata,  
in obscuro carcere, fuit illustrata,  
à cœlesti lumine, quod est visitata, & à Rege  
gloriæ secum desponsata. Horâ prima  
Præsidem sævus Rex affatur, ut ad pri-  
mum lapidem Barbara trahatur, si verbo,  
& opere Christus non negatur, natam  
vult occidere Rex, quod perpetratur.  
Virgo ad prætorium horâ tertiarum du-  
cta, testimonium Præses fert amarum, con-  
tra castam filiam, Sponso cœli charam,  
dicens esse omnium, hanc dignam pœna-  
rum.



rum. Horâ sextâ corpore, est virgo nudata, rubro fuso sanguine, nervis flagellata, cilicino tegmine durè confricata, à Christo in carcere, plagis est sanata. Horâ nonâ latera furcis perforantur, ejus membra tenera, lampade cremantur, os, & caput in ea, malè malleantur, mox obtusâ framæâ, mammæ amputantur. Hæc flagellis cæditur vesperarum horâ, per plateas trahitur nuda, sine mora, à patre occiditur, Barbara decora, stolâ Dei tegitur sanè fit decora. Horâ completorii à Rege decollata, filia Dioscori fuit tumultata, & per manus Angeli Deo comportata, anima Dioscori igne devorata. Has preces ad te fufas Barbara beata, fero tibi debitas, ut à repentina, plaga me custodias, atque à rapina dæmonis me protegas, & cœlum propina.

Ÿ. Ora pro nobis sine mora, S. Virgo Barbara.  
 R. Ut fimus digni ex hac hora semper Christi gratiâ.

R 2

Ore-



*Oremus.*

**O**stende nobis Domine quæsumus tuæ pietatis misericordiam, quam in sancta Virgine, & Martyre tua Barbara piè, & misericorditer ostendisti, ut ipsius meritis, & precibus à subitanea, & improvisa morte liberemur, & ante diem, & horam exitûs nostri, tui sacratissimi corporis, & sanguinis, sacræque unctionis Sacramentis, salubriter muniamur; eaque intercedente, ab omni hostium incurfu protegatur, & ad te piâ lætitiâ perducamur, Per Dominum nostrum, Amen.

℣. Ora pro nobis S. Virgo, & Martyr Barbara.  
℟. Ut felix nobis sit mortis hora.

*Oremus.*

**S**upplicio tibi sanctissima Virgo, & Martyr Christi Barbara, ut subvenias mihi famulo tuo in omnibus necessitatibus, & angustiis meis, ad te enim suspiro, & ad  
te



te oculos meos, & cor meum dirigo, te mihi in advocatam eligo, tuæ protectioni animam, & corpus meum committo, tu clementissima Virgo, esto mihi indigno famulo tuo in tribulatione solatium, in omni perturbatione refugium, circumda me tuæ defensionis muro inexpugnabili, contra omnes inimicos meos visibiles, & invisibiles, & contra omnia pericula corporis, & animæ, & esto mihi auxiliatrix specialissima apud misericordem Deum, ut non secundum mea merita sinat me puniri, sed per tuum interventum consequi merear tecum in cœlestibus gaudere, Amen,

✠. Ora pro nobis S. Barbara.

℟. Ut digni efficiamur promissionibus Christi.

*Oremus.*

**O** Sanctissima Virgo Barbara, quodcunque Sponsi tui viribus potes, mihi in mortis articulo obsecro, ut suppedites,

R 3

tes,



tes, adjuva me miserum, ne in peccatis moriar; effectum tunc habeat, tuâ intercessione, primitus à Christo tibi facta promissio, cum fidem ejus, sanguine tuo consecrares, redeat in memoriam sponso tuo, virgineus collo tuo exuberans sanguis, recordetur ardentissimæ tuæ charitatis, nec animam meam à corpore exire permittat nisi confessione expiatam, & Sacrosanctæ Eucharistiæ Sacramento refectam, Am.

*Hymnus ad eandem.*

**F**Atalis ô agonis Patrona Barbara! cœlestibus coronis, gemmisque fulgida, me terret imminente mors certa spiculo, sed virgo te favente, sum par periculo. Tu vincis innocenti candore lilia, per prata quæ nitenti, stant lacte turgida, da candido nitore, ut Virgo fulgeam, castoque fac amore, ut purus ardeam. Dum proprio cruore aspersa, pingeris; vincis rosas rubo-



rubore, quæ stant in hortulis, ô cœlico vi-  
reto plantate floscule, hoc orbis in vepre-  
to, me quæso respice. Ut axe sunt sereno  
nocturna sidera, ut vere sunt amœno, ju-  
cunda flumina, sic Virgo charitatis, es lu-  
ce fulgida, sic virgo puritatis, es rore lim-  
pida. Te sentiunt Patronam, quos mor-  
bus opprimit, te sublevare pronam, quos  
cura deferit, angore cum supremo, me  
morbus opprimit, succurre quando ne-  
mo, levamen adferet. Cùm ferreo so-  
pore, mors membra vinciet, & tartarus  
furore bacchante sæviet, dum judicis fe-  
veri, tribunal horreo: tum virgo me tue-  
ri, ne differ, obsecro. Amabo te, sonabo,  
dum vita manserit, magis que prædicabo,  
cùm vita cefferit, intérque lilieta, cum  
me receperis, queis gaudiis repleta, ô Vir-  
go! pascaris. Admitte nostra vota, ô  
sancta Barbara! profecta mente totâ, Pa-  
tro-



trona maxima, exopto te videre, cum  
cesso vivere, tunc oro me tuere, coeló-  
que suscipe.

*Hymnus ad eandem.*

**C**œperat solis jubar albicare, coepe-  
rat terris radiare lumen, diva cum  
plenū tenebris revisit, Barbara claustrum:  
sed fator lucis Deus, & diei, plenus afflu-  
xit miserationum, fluminis instar: cincta  
nec tantū fuit illa luce, sed voluptates  
etiam beatas inter, & circum penetrale  
cordis, Barbara sensit; Plenus irarum Pa-  
ter, & Deorum, filiam sævum rapit ad tri-  
bunal, urget, ut supplex veneretur aras,  
filia thure; barbaris quanquam cruciata  
pœnis, non tamen jussis gerit obsequelam,  
stat suis verbis, fideiq; leges, Barbara ser-  
vat. Sacra cum virgo venit ad tribunal,  
impius judex tonat inter enses, audet in  
veræ fidei parentem, fundere probra: in  
Jo-



Jovem virgo precibus fatiget, impius judex gladium minatur, virgo sed flocci facit imperatum, judicis ensem. Virgo Divorum sacra cum tuetur, nuda crudeli laceratur ictu, manat è membris cruor, & cruore terra madescit: acriter quamvis laniata virgo, non tamen mentem laniata mutat, carcerem vidit Deus, & medelis vulnera curat. Sit licet virgo satiata poenis, non tamen poenis saturata mens est, judicis ferrum jubet expediri judicis ira: Virginis ferrum venit in mamillas, virginis flammæ veniunt in artus, virginis pugno quatiuntur ora, numinis ergo. Ave Martyr gloriosa, Barbaraque generosa, paradisi vernans rosa, castitatis lilium. Ave Virgo pulchra tota, charitatis fonte lota, dulcis, mitis, & devota, vas virtutum omnium. Ave criminis ignara, sponsum audis voce clara, veni pulchra, veni chara, veni coronaberis.

S

fere-





serena, pulchra quasi luna plena, singulari cantillenâ, sponsum Agnum sequeris. Ave Barbara beata, quæ cum Sponso præparata, nuptiarum ad optata, introîsti gaudia. Ave fulgens margarita! in corona Jesu sita, tam in morte, quàm in vita, sis nobis propitia. Virgo, crudelis Patris, icta ferro, virgo mortali spoliata vitâ, auget astrorum sacra tecta donis, auget, & orbem : membra nam servat tumultata mundus, Spiritus verò nitet inter astra, & serenata sinè fine cernit, numinis ora. Sint tibi grates Pater, atque laudes, nulla te Fili taceat vetustas, Spiritûs sancti penetret per omnes gloria terras, Amen.

*Hymnus ad S. Rosaliam.*

**A** Verosa sine spina, contra pestem medicina, Rosalia Dux inclyta, recens à mundo cognita. Exemplum secuta Christi, mundum relinquens, sprevisti quid-



quidquid Pater offerebat, quidquid aula  
promittebat, ad montana procurristi, spe-  
cum ferro pertudisti, monitorem ut ha-  
beres, propositi quem videres. Angeli  
te docuerunt, modum novum ostende-  
runt, quo Deo preces solveres, rosas fra-  
grantes mitteres. Antrum cœlum habui-  
sti, in quo Christum conspexisti, Apostolis  
comitatū, Angelis, Matre, stipatum. Ab  
hoc coronā donata, ad nuptias invitata,  
terras libens reliquisti, cœlum felix introi-  
sti. Tua sacra posthæc ossa, nulla unquam  
texit fossa, sed rupes, aquam jugiter stil-  
lans, occlusit fortiter. Post tot sæcla re-  
velata, in Patronam orbi data, contra pe-  
stem nobis fave, dum tibi sonamus ave,  
Laus, honor, sit Majestati, uni trinæ Dei-  
tati, Rosaliam exaltanti, pestem per eam  
sedanti, Amen.

✠. Ascendat odor rosæ hujus in conspectum Dei.  
✠. Et placetur ira altissimi.

S 2

Ore-



*Oremus.*

**D**Eus qui corpus famulæ tuæ, beatæ Rosaliæ Virginis, post tot sæcula intrà montes inventum, contra sævientem pestilentiam, sacrum amuletum fidelibus tuis esse voluisti; præsta supplicibus tuis, ut qui ejus commemoratione lætamur, ejus quoque intervenientibus meritis, à præsentibus periculis, & à malo pestilentia liberemur. Per Dominum &c.

*Hymnus ad Sanctum Rochum.*

**A**Ve Roche sanctissime, nobili natus sanguine, crucis signaris schemate, sinistro tuo latere; tu qui profectus peregrè pestifera tactos lue, plusquam arte Angelicâ ope sanâsti coelicâ; numinis in præsentia, nostra nunc serva Corpora, & crucis per subsidia, à peste mundum libera.

ψ. Ora



℣. Ora pro nobis S. Roche.

℞. Ut digni efficiamur promissionibus Christi.

*Oremus.*

**D**Eus, qui per B. Rochum, singulare nobis, contra pestem potentis tuæ dexteræ præsidium promissisti: præsta quæsumus, ut qui ejus memoriam piâ devotione recolimus, ejus quoque intercedentibus meritis, ab omni tum corporis, tum animæ mortifera lue, præservemur. Per Dominum &c.

*Hymnus ad S. Apolloniam.*

**V**irgo Dei egregia, pro nobis Apollonia, funde preces ad Dominum, ut tollat omne noxium. Ne pro reatu criminum, morbo vexemur dentium, sed fanitate capitis gratulemur & corporis.

℣. Ora pro nobis S. Apollonia.

℞. Ut digni efficiamur promissionibus Christi.

*Ore-*



*Oremus.*

**D**Eus, pro cuius sanctissimi nominis honore, beata Apollonia Virgo, & Martyr gloriosa, amaram, & horribilem dentium excussionem sustinuit: præsta quæsumus, ut qui ejus memoriam, piâ devotione frequentamus, à tetro dentium dolore, immunes custodiamur, & post hujus vitæ ærumnas, ad beatæ patriæ gaudia perducamur. Per Dominum &c.

*Hymnus ad S. Luciam.*

**O** Lucia post tormenta, & tot Erebi inventa, contra tenellam Virginem; inter ignes atque picem, cæcam rides mundi vicem, & stygis tyrannidem. Inter fœdos orci Manes, semper casta virgo manes, nec è loco mobilis: tandem guttur perforata, Sponsa coeli præparata, Sponso tuo redderis. Per hæc tua sancta facta, oculorum lux intacta, ut sit nobis im-



impetra, à dilectò tuo Jesu, & à meo dulci Jesu, qui est mundi gloria.

*Antiph.* In tua patientia possedisti animam tuam: Lucia Sponsa Christi, odisti quæ in mundo sunt, & corruscas cum Angelis: sanguine proprio inimicum vicisti.

✠. Ora pro nobis S. Lucia.

✠. Ut digni efficiamur promissionibus Christi.

*Oremus.*

**E**Xaudi nos Deus salutaris noster, ut sicut de beatæ Luciae, Virginis, & Martyris tuæ festivitate gaudemus: ita ipsâ auxiliante, & piæ devotionis erudiamur affectu, & à nocivo oculorum nostrorum præservemur malo. Per Dominum nostrum, &c.

*Hymnus ad S. Margaritam.*

**Æ**Ternitatis annulo, inserta Margarita, dilecti Sponsi digito, portari digna visa. Fac, ut qui terræ luto tenemur  
mise-



miseri, eliberati, tuta possimus consequi,  
& mente illibatâ puri à crimine, luce clari  
beatâ, queamus vivere.

✠. Posuisti Domine super caput ejus.  
✠. Coronam de lapide pretioso.

*Oremus.*

**D**Eus, qui beatam Margaritam Virgi-  
nem, per Martyrii, palmam tui regni  
fecisti consortem; concede nobis quæsu-  
mus, ut per ejus exempla ad te pervenie-  
mereamur. Per Dominum nostrum.

*Hymnus ad S. Elisabetham.*

**O**Felix animus Elisabethæ, terrenis  
omnibus sic expeditæ, ut scepro,  
folio, & ipsâ purpurâ spretis, ceu folio,  
amaret æthera. Quæ qui non diligit: in  
mortem labitur, quæ qui non eligit: æter-  
num perditur, ô sancta anima! Regina vi-  
dua, ô pia Domina! lux serenissima. Assiste  
sup-



supplici, & da contemnere, quod petit fragili, collapsum tempore. Amen.

*Antiph.* Date ei de fructu manuum suarum, & laudent eam in portis opera ejus.

℣. Ora pro nobis S. Elisabetha.

℟. Ut digni efficiamur promissionibus Christi.

*Oremus.*

**T**uorum corda fidelium Deus illustra, & beatæ Elisabeth precibus gloriosis, fac nos prospera mundi despiciere, ad-versa patienter tolerare, & cœlesti semper consolatione gaudere. Per Dominum nostrum Jesum Christum.

*Hymnus ad S. Stephanum, primum Regem Hungariæ.*

**C**olumna sacræ fidei, decus Pannoniæ, Rex sancte Stephane. Per quem purpurei flores Ecclesiæ, & virent animi fecundo germine, ô christiani populi, dul-

T

ces



ces deliciæ, sol serenissime. Qui fœdas erebi, fugâsti tenebras, & sanctas fidei dedisti faculas, tibi coronam cœlitus delatam, singuli, gaudemus subditi. Felices animi, qui parent Stephano, beatum obsequi, est tali Domino, solatium Pannoniæ devotè supplicum, ô patrocinium! Per te confidimus æterna consequi, quæ solùm petimus, trophæa solii, Amen.

✠. Amavit eum Dominus, & ornavit eum.  
 ✠. Stola[m] gloriæ induit eum.

*Oremus.*

**C**Oncede quæsumus Ecclesiæ tuæ Omnipotens Deus: ut beatum Stephanum Confessorem tuum, quem regnantem in terris, propagatorem habuit, propugnatorem habere mereatur gloriosum, in cœlis. Per Dominum nostrum Jesum Christum.

*Hym-*



*Hymnus ad S. Ladislaum.*

**L** Adislai quæso totis, te laudare pos-  
sim votis, quem sublimem terrâ, pias,  
inter preces, coeli vias meditatum, vene-  
ror. Qui in saxa convertisti, aurum spar-  
sum, dum vidisti, illud jaci, ut salvaret fugâ  
se, & inescaret, hostis tuos milites. Quem  
post fata Varadinum, in paratum terræ-  
finum, currus liber à vectore, vi mirandâ  
transtulit: da ut in hac lachrymosa valle,  
tua gloriosa facta, sequar, & post mor-  
tem, tecum paris vitæ sortem, æviter-  
nam consequar.

*Antiph.* Honestum fecit illum Dominus, & cu-  
stodivit eum ab inimicis, & à seducto-  
ribus tutavit illum.

ψ. Justum deduxit Dominus per vias rectas.  
℣. Et ostendit illi Regnum Dei.

*Oremus.*

**D**eus qui beatum Regem Ladislaum,  
Confessorem tuum, diversis decorâ-  
sti



sti miraculis: præsta quæsumus, ut ejus suffragantibus meritis, ab omnibus semper muniamur adversis, & gaudiis perfruamur æternis. Per Dominum, &c.

*Hymnus ad S. Emericum.*

**E**merice, castum lilium, flos illibate Pannonum, qui puritatis vinculo, te liberasti sæculo, & intulisti floridis, Justitiæ areolis, me serva quoque liberum, ab omni forde scelerum, ne mentem meam inquinet, quidcunque Deo displicet.

*Antiph.* Cùm adhuc esset puer, cæpit quærere Deum Patris sui David, & duodecimo anno, mundavit Judam, & Jerusalem.

℣. Posuisti Domine super caput ejus.

℞. Coronam de lapide pretioso.

*Oremus.*

**D**Eus, qui beatum Emericum, juvenili flore nitentem, in sanctorum tuorum consortium sublimasti, præsta quæsumus



sumus, ut quem tibi fecisti esse devotum ,  
ejus apud te perpetuum sentiamus auxi-  
lium. Per Dominum nostrum Jesum  
Christum Filium tuum, qui tecum vivit,  
& regnat, in unitate Spiritûs S. Deus per  
omnia sæcula sæculorum, Amen.

*Memorare novissima tua.*

**D**ies iræ, dies illa,  
Solvat sæclum in favilla:  
Teste David cum Sibilla.  
Quantus tremor est futurus,  
Quando Judex est venturus,  
Cuncta stricte discussurus.  
Tuba mirum spargens sonum,  
Per sepulchra Regionum,  
Coget omnes ante Thronû.  
Mors stupebit, & natura,  
Cum resurget Creatura,  
Judicanti responsura,



Liber scriptus proferetur,  
 In quo totum continetur,  
 Unde Mundus judicetur.  
 Judex ergo cum sedebit,  
 Quidquid latet apparebit,  
 Nil inultum remanebit.  
 Quid sum miser tunc dicturus?  
 Quem Patronum rogaturus?  
 Cum vix justus sit securus.  
 Rex tremendæ Majestatis,  
 Qui salvandos salvas gratis,  
 Salva me fons pietatis.  
 Recordare Jesu pie,  
 Quod sum causa tuæ viæ,  
 Ne me perdas illa die.  
 Quærens me sedisti lassus,  
 Redemisti crucem passus:  
 Tantus labor non sit cassus.  
 Juste Judex ultionis,  
 Donum fac remissionis,  
 Ante diem rationis.

Inge-



Ingemisco, tanquam reus :

Culpâ rubet vultus meus,

Supplici parce DEUS.

Qui MARIAM absolvisti,

Et latronem exaudisti,

Mihi quoque spem dedisti.

Preces meæ non sunt dignæ :

Sed tu bonus, fac benignè,

Ne perrenni cremer igne.

Inter oves locum præsta,

Et ab hædis me sequestra,

Statuens in parte dextra.

Confutatis maledictis,

Flammis acribus addictis,

Voca me cum Benedictis.

Oro supplex & acclinis,

Cor contritum quasi cinis,

Gere curam mei finis.

Lachrymosa dies illa,

Quâ resurget ex favilla,

Judicandus homo reus,

Huic



Huic ergo parce DEUS.

Pie JESU Domine.

Dona eis requiem, Amen.

*Orationes tempore ægrotudinis.*

**O** Pater æterne, quòd me per infirmitatem visitas, hoc tuum est donum, & tua voluntas sancta, beneplacens, ac perfecta. Benedico te, & me resigno ad omnia, quæ tibi, ô sapientia æterna placuerint, in tempore, & æternitate. In manibus tuis sortes meæ; siue vivimus, siue morimur, tui, bone Jesu sumus. Fiat voluntas tua: sana me Domine, & Sanabor, saluum me fac, & salvus ero. Tu enim mortificas, & vivificas. Tu deducis ad inferos, & reducis.

Paratum cor meum Deus, paratum cor meum, finde, & excoque me, si ita tibi visum est, in camino tribulationis, ut  
segni



fiam vas in honorem, & gloriam nominis tui, hic ure, hic seca : modò in æternum parcas.

O Pater, ô Medice animæ meæ! tu nôsti quid expediat, omnia in vero iudicio fecisti, & amore summo, & sapientiâ æternâ. Tu quæso, mecum sis in tribulatione, ut in patientia possideam animam meam: si de manu tua bona suscepimus: mala quare non sustineamus pro gloria æterna? Si oportuit te pati, & ita intrare in gloriam tuam, nonne, & me sinè murmure, querela, oportet pati? cùm tot meis peccatis, infernum sim toties promeritus; cùm tu mihi tanta paraveris; cùm amore mei, ô bonitas immensa, & charitas infinita, dignatus sis mori.



*Conformatio voluntatis nostræ cum Di-  
vina, tempore morbi.*

**O** Dulcissime JESU neque vitam, ne-  
que mortem, sed tuum beneplacitum  
desidero, te expecto, fiat mihi secun-  
dum voluntatem tuam, si vis, ut moriar,  
dulcis JESU! suscipe Spiritum meum, &  
licet ad vesperum veniam novissimus,  
da mihi, ut tecum, & in te requiem acci-  
piam sempiternam: si verò vis, ut diu-  
tiùs vivam dulcis JESU! pro hoc gratiæ  
tuæ suffragio, rogo: da ut reliquum vi-  
tæ tempus corrigam, atque in holocau-  
stum, me tibi totum offeram, in gloriam  
tuam, secundum beneplacitum tuum.  
Amen.

*Affectus egrotantium.*

Justus es Domine, & rectum judicium  
tuum.

Bonum mihi, quia humiliasti me, ut di-  
scam justificationes tuas.

Deus



Deus propitius esto mihi peccatori : da  
veniam, in gratia tua, mori.

O cur unquam te offendi, ô amabilissima  
bonitas ! ô Majestas colendissima.

Doleo jam, sincero amore tui, qui amari  
super omnia, infinitè dignus es.

Agnosco, & amplector charitatem tuam  
erga me, detestor ingratitude me-  
am erga te.

Recordare Jesu pie, quòd sim causa tuæ  
viæ, ne me perdas illâ die.

Qærens me sedisti lassus, redemisti cru-  
cem passus, tantus labor non sit cassus.

*Litanie pro Infirmis.*

**K** Yrie eleison. Christe eleison,  
Kyrie eleison.

Christe audi nos. Christe exaudi nos.

Pater de Cœlis DEUS. Miserere nobis.

Fili Redemptor Mundi DEUS. Miserere  
nobis.



Spiritus Sancte DEUS. Misere nobis.  
 Sancta Trinitas unus DEUS. Misere  
 nobis.

Qui sanas contritos corde.  
 Qui vulneras, & mederis.  
 Qui mortificas, & vivificas.  
 Qui deducis ad inferos, & reducis.  
 Qui orantes in sua infirmitate, curare  
 consuevisti.  
 Qui propter misericordiam tuam Sal-  
 vos facis in te.  
 Qui Job ulcere pessimo percussum, sa-  
 nâsti.  
 Qui Ezechiam ad te clamantem, à mor-  
 bo liberâsti.  
 Qui dæmonium à Sara depulisti.  
 Qui Tobiam, lumen Cœli videre fecisti  
 Qui Chananæam, pro Filia post te cla-  
 mantem, exaudisti.  
 Qui Socrum Petri, à Febri liberâsti.

Misere nobis.

Qui



Qui Mulierem contractam, ad perfectam sanitatem erexisti.

Qui filium Principis, jam mori incipientem, à febris salvasti.

Qui puerum Centurionis, verbo sanasti.

Qui Paraliticos, & leprosos sanasti, & mundasti.

Qui à Spiritibus immundis vexatos, & obseſſos liberaſti.

Qui Mulierem, per tactum fimbriæ tuæ à sanguinis fluxu sanasti.

Qui Surdos audire feciſti.

Qui Claudis gressum reſtituiſti.

Qui Mutorum ora aperuiſti.

Qui Cæcos illuminasti.

Qui omnes infirmos, & ægrotos tangendo sanasti.

Qui omnes oneratos, & laborantes reficis.

Qui omnes languores nostros portasti.

Qui Filium mortuum, Matri viduæ vivum reſtituiſti.

Miserere nobis.

Qui



Qui Filiam Archi-Synagogi ad vitam  
revocâsti.

Qui Lazarum quadriduanum, à mor-  
tuis resuscitâsti.

Qui ægrotos visitâsti, & visitantibus  
præmia æterna promissisti,

Qui per umbram Petri, multos ab infir-  
mitatibus suis liberâsti.

Qui per sudaria, & semicinctia Pauli  
multos infirmos curâsti.

Qui per ossa Elisæi mortuum ad vitam  
revocâsti.

Deus adjutor, & Protector noster:

Susceptor, & liberator noster.

Refugium nostrum, & cornu salutis  
nostræ.

Fortitudo, & patientia nostra.

Salvator, & Redemptor noster.

Propitius esto. Parce nobis Domine.

Propitius esto. Exaudi nos Domine.

Propitius esto. Libera nos Domine.

Miserere nobis.

Ab



Ab omni malo.  
 Ab omni peccato.  
 Ab omni morbo, & languore.  
 A peste, & omni contagione,  
 Ab omni impatientia, & pusillanimitate.

Ab Infidiis diaboli.  
 A Periculis mortis.  
 A Doloribus inferi.  
 A subitanea, & improvsa morte.  
 A damnatione perpetua.  
 Per tentationem tuam.  
 Per Lachrymas, & ærumnas tuas.  
 Per labores, & fatigationes tuas.  
 Per tristitiam, & tœdium tuum.  
 Per pavorem, & mœrorem tuum.  
 Per sitim, & famem tuam.  
 Per agoniam, & sanguineum sudorem  
 tuum.  
 Per sacrosancta vulnera tua.  
 Per pretiosum sanguinem tuum,

Libera nos Domine.

Per



Per Crucem, & Passionem tuam. Libera nos Domine.

Per mortem, & Sepulturam tuam. Libera nos Domine.

Per gloriosam Resurrectionem tuam. Libera nos Domine.

Per admirabilem Ascensionem tuam. Libera nos Domine.

In die iudicii, Libera nos Domine.

Peccatores, Te rogamus audi nos.

Ut nobis parcas.

Ut nobis indulgeas.

Ut spatium veræ penitentiæ, nobis concedere digneris.

Ut compunctionem cordis, & fontem lachrymarum nobis donare digneris.

Ut nos visitare, & consolari digneris.

Ut aërem salubrem, & sanitatem mentis, & corporis, nobis largiri digneris.

Ut indulgentiam, & remissionem omnium peccatorum, nobis concedere digneris.

Te rogamus audi nos.

Ut



Ut gratiam, & consolationem sancti  
Spiritus, cordibus nostris infundere  
digneris.

Ut nos in hora mortis, contra omnes  
diaboli insidias, munire digneris.

Ut nos in tua gratia mori, & ad finem  
usque perseverare concedas.

Ut extrema nostra benedicere, & san-  
ctificare digneris.

Ut Spiritum nostrum in manus tuas su-  
scipere digneris.

Ut post obitum nostrum, Paradisi Januas  
nos gaudenter introire concedas.

Ut nos exaudire digneris.

Fili DEI.

Agnus Dei qui tollis peccata mundi. Par-  
ce nobis Domine.

Agnus Dei, qui tollis peccata mundi. Ex-  
audi nos Domine.

Agnus Dei, qui tollis peccata mundi. Mi-  
serere nobis.

Terogamus audi nos.



Christe audi nos. Christe exaudi nos.

Kyrie eleison. Christe eleison.

Kyrie eleison. Pater noster, &c.

Salvos fac servos tuos.

Deus meus sperantes in te.

Convertere Domine usquequo.

Et deprecabilis esto super servos tuos.

Esto nobis Domine turris fortitudinis.

A facie inimici.

Nihil proficiat inimicus in nobis.

Et filius iniquitatis, non apponat nocere  
nobis.

Adjutor noster esto, ne derelinquas nos.

Neque despicias nos, Deus salutaris  
noster.

Adjuva nos Deus salutaris noster.

Et propter gloriam nominis tui, Domine  
libera nos.

Domine exaudi orationem meam.

Et clamor meus ad te veniat,

Ore-



*Oremus.*

**D**eus infirmitatis humanæ singulare præsidium, auxilii tui virtutem, super infirmos famulos tuos, clementer ostende, ut ope misericordiæ tuæ adjuti Ecclesiæ suæ sanctæ incolumes repræsentari mereantur.

Deus, qui unigeniti tui patientiâ antiqui hostis contrivisti superbiam, da nobis quæsumus, quæ idem pro nobis pertulit dignè recolere, sicque exemplo ejus cuncta nobis adversantia æquanimiter tolerare.

Deus humani generis benignissime conditor, & misericordissime Redemptor, qui hominē invidiâ diaboli, ab æterna felicitate dejectum, unigeniti Filii tui pretioso sanguine redemisti, vivifica nos famulos tuos, gratiæ tuæ vigore, & jacentibus manū porrigè salutarem : reple nos



omni gaudio cordis, & lætitiâ spirituali:  
expelle à nobis omnes hostiles insidias,  
& mitte nobis medium salutis, Angelum  
pacis, qui nos in angustiis positos, conso-  
lationibus tuis attollat, quibus in præsen-  
ti consequamur auxilium, & in futuro  
præmia comprehendamus æterna.

Misericordiam tuam, humiliter depre-  
camur omnipotens Deus, quæ amissam  
nobis gratiam reconciliet, atque munus  
patientiæ in illatis omnibus semper, & u-  
bique protegendo impertiat.

Deus sub cujus nutibus, vitæ nostræ  
momenta decurrunt, suscipe preces hu-  
militer ad te clamantium, ut de omni ad-  
versitate, & ægritudine liberati, perpe-  
tuâ te, gratiarum actione laudemus. Per  
Dominum nostrum, &c.

Quin-



*Quinque Protestationes pro fe-  
lici morte.*

**I**N nomine sanctissimæ Trinitatis, Pa-  
tris, Filii, & Spiritûs sancti. Ego infelix,  
& miser peccator, N. protestor in præsen-  
tia tua, ô Angele Dei, assignate mihi à Di-  
vina Majestate, pro ductore, cùm pri-  
mùm natus sum; velle, & desiderare me-  
mori, in ea sola vera, & Catholica fide,  
quam sancta Romana, & Apostolica te-  
net, & profitetur Ecclesia, & in qua om-  
nes sancti quotquot fuerunt unquam, us-  
piam mortui sunt; nec desidero diutiùs  
vivere, quàm placeat Deo meo, cui om-  
nem meam voluntatem integrè, & ex to-  
to subjicio.

**P**rotestor etiam ô Angele Dei, desi-  
derare, & velle me, sub tua sancta cu-  
stodia, & protectione discedere ex hac  
vita, cum spe divinæ misericordiæ, sinè  
ulla



ulla titubatione in fide, non obstante quacunque multitudine, & gravitate peccatorum meorum, certò sciens, & firmissimè credens, etiam unam solam guttam pretiosissimi sanguinis, Domini nostri Jesu Christi, sufficientem futuram fuisse, non solùm, ut me salvaret, sed universum etiã, genus humanum, quin, & mille mundos, si ita placitum fuisset, divinæ suæ Majestati.

**S**imiliter protestor ô Angele sancte, pesterere me, ex intimo corde participem fieri misericordiæ Redemptoris, & Domini mei Jesu, remissionemque omnium peccatorum meorum consequi; sciens, quod ipse eam nulli peccatori, quantumvis gravi, & abominabili neget, ritè contrito, & confesso, idque propter merita amarissimæ suæ passionis, & mortis, & virtutem pretiosissimi sanguinis sui, pro me indignissimo, in ligno Crucis copiosè



piosè effusi, per merita demum sanctissimæ Matris suæ, Virginisque Mariæ, & omnium sanctorum, & Angelorum,

**I**terum protestor sanctissime mi Custos, supplicare me divinæ pietati, ut dignetur me recipere in numerum eorum, quos ab æterno prædestinavit in suam gloriam, etiam si oporteret me pati ob peccata mea in purgatorio, ad novissimum usque iudicii diem; dummodo tandē, per infinitam ipsius misericordiam, consequar vitam æternam.

**S**anctissime, & vigilantissime Custos, protestor demum constituere me te procuratorem | testamenti, ultimæque voluntatis animæ meæ, ad impetrandum mihi à Domino meo Jesu, tres gratias: Prima est, ut mihi donet unum solum lachrymosum suspirium, ex infinitis illis, quæ habuit ipse, dum per tres horas, vivus fuit



fuit in cruce, quorum efficaciam, & virtute, mitigentur lachrymabiles illi singultus, cordisque pressuræ, & angustia, quibus in hora mortis affligar. Et ut gloriosissima Dei Mater MARIA, dignetur me vel unico etiam aspectu, ex iis, quos ipsa sub cruce stans habuit, defigendi in unicum Filium suum, virgineos oculos, suscipiendo me, in eorum numerum, qui ejus precibus, & meritis, in die judicii obtinebunt salutem, & vitam sempiternam. Altera gratia est, ut tu fidelissime Custos meus, in illa potissimum hora, mihi succurras, quando anima mea separabitur à corpore meo, ut inveniam benignum iudicem, merito flagrantissimæ illius charitatis, quæ paternum ipsius pectus, in cruce fuit inflammatum, pro salute peccatorum. Ultima demum gratia est, ut tu idem piissime custos meus, animam meam tibi habeas commendatam, eamque de ergastulo



lo corporis egressa , dexteræ tuæ potentia, Redemptori meo offeras , ut eum unâ tecum, & sanctis omnibus, in cœli gaudiis videam, perfectè amem, eoque æternaliter fruar , cui sit laus, honor, & gloria, in omnem æternitatem, Amen.

*Testamentum hominis Christiani.*

**I**N nomine sanctissimæ , & individuæ Trinitatis, Patris , & Filii, & Spiritûs sancti, Amen. Ego N.N. animam meam trado, & reddo in manus Creatoris, & Redemptoris sui, corpus verò meum terræ, putredini, & vermibus relinquo, temporalibus bonis, ac deliciis, quæ vanitas sunt vanitatum , prompto animo renuncio, te solo Deo, ac Domino meo frui cupio, de peccatis meis, ex animo doleo id eò solùm, quòd te Deum meum, quem super omnia amo, offenderim: seriam emendationem , & satisfactionem , tuâ ope  
Y præ-



præstandam, promitto. Offensas omnes, omnibus lubens condono, quod idem, ut mihi fiat, humillimè peto; Credo quidquid Ecclesia Catholica mihi credendum proponit. Spero me per infinitam misericordiam tuam, mi Deus, remissionem omnium peccatorum, & vitam æternam, consecuturum. Eundem te, verum Deum meum, trinum in personis, sumum bonum meum, amo ex toto corde meo, ex tota anima mea, & ex omnibus viribus meis, mala perinde, ac bona, de manu tua cum gratiarum actione accepto, & me totum divinæ providentiæ tuæ, sanctissimoque arbitrio committo.

O S. Maria! S. Joseph, S. Barbara, S. Angele Custos, sancti Patroni mei, N.N. & omnes Sancti, adeste obsecro in hora mortis meæ, & me intercessionibus vestris, dignemini juvare.

*Lita-*



*Litaniæ Poenitentiarum, quarum  
excitatur peccatoris animus ad spem in  
tia, & studium poenitentiae.*

**K**Yrie eleison. Christe eleison.  
Kyrie eleison.  
Christe audi nos. Christe exaudi nos.  
Pater de Cœlis DEUS. Miserere nobis.  
Fili Redemptor Mundi DEUS. Miserere  
nobis.  
Spiritus Sancte Deus. Miserere nobis  
Sancta Trinitas unus Deus. Miserere  
nobis.

*Pars prima.*

Deus qui non vis mortem peccatoris,  
sed magis ut convertatur, & vivat.

Qui Angelis peccantibus non peper-  
cisti: sed in tartarum, cruciandos de-  
trusisti.

Qui Adam, post lapsum ad agnitionem  
culpæ, & resipiscentiam vocâsti.

Miserere nobis.



Qui impium Cain, de venia desperan-  
tem, à facie tua projecisti.

Qui Noë, diluvio, & impiorum exitio,  
per arcam clementer eripuisti.

Qui Loth, de medio peccatorum edu-  
xisti.

Qui Pharaonem, fictè poenitentem, &  
induratum, tandem horribiliter pu-  
nivisti,

Qui Populum Israël, de tribulatione  
ad te clamantem, è dura Pharaonis  
servitute, liberasti.

Qui Moyfi, quadraginta diebus jeju-  
nanti, legem in monte dedisti.

Qui precibus Moyfis, populi præva-  
ricantis peccata, dimisisti.

Qui Jonam, ex ventre Ceti ad te cla-  
mantem, salvasti.

Qui Ninivitis, Jejunio, sacco, & cilicio  
poenitentibus, pepercisti.

Miserere nobis.

II. Qui



Qui Davidem, per Nathan, ad agnitionem culpæ, venire fecisti.

Qui Davidis confitentis, & in cilicio pœnitentis peccatum, transtulisti.

Qui eidem ob peccatum numerati populi, trium plagarum optionem, detulisti.

Qui Achab humiliato, & pœniteni, pepercisti.

Qui Judith, in cilicio, & cinere, pro salute populi deprecantem, exaudisti.

Qui Ezechiam, cum populo in sacco, cinere, & Jejunio te invocantem, ab exercitu Assyriorum, liberasti.

Qui Manassem pœnitentem exaudisti, & in regnum suum restituiisti.

Qui Esther jejunantem, in oculis Regis Assueri, gratiam invenire fecisti.

Qui Mardocheum, in sacco, & cinere te invocantem, à patibulo liberasti.

Miserere nobis.



Qui Machabæis jejunantibus, & in sacco, & cinere, te invocantibus, auxilio fuisti.

Qui Sacerdotes pro populo plorare, orare, & sacrificare jussisti.

III.

Qui venisti in hunc mundum, peccatores salvos facere.

Qui redempturus mundum, Joannem pœnitentiæ præconem, præmisisti.

Qui eundem victûs, & vestitûs asperitate mirabilem, speculum pœnitentiæ, dedisti.

Qui quadraginta diebus, & totidem noctibus jejunasti.

Qui dives in misericordia, propter nimiam charitatem, quâ dilexisti nos, cùm essemus mortui peccatis, convivicasti nos in Christo.

Qui Matthæum in telonio sedentem, tuâ gratiâ prævenisti.

Miserere nobis.

Qui



- Qui Publicanum cùm dolore, & humilitate pectus percutientem, justificationis gratiâ donatum, testatus es.
- Qui Paraliticum, dimissis primùm peccatis, à morbo liberâsti.
- Qui Filii prodigi ad patrem revertentis exemplo, peccatoribus spem veniæ, & indulgentiæ præbuiſti.
- Qui Mulieri Samaritanæ, fontem aquæ vivæ, patefecisti.
- Qui Zachæi pœnitentis, & aliena restituentis, domui, salutem attulisti.
- Qui Chananæam, in oratione perseverantem, benignè exaudisti.
- Qui Mulierem in adulterio deprehensam, clementer absolvisti.
- Qui Publicanos, & peccatores recepisti, & cùm eis manducâsti.
- Qui Mariæ Magdalenæ multùm diligenti, peccata multa dimisisti.

Miserere nobis.

Qui



Qui Petrum ter negantem benignè respiciens, ad agnitionem criminis, & lachrymas pœnitentiæ, permovisti.

Qui Latroni pœnitenti, pendens in cruce, paradisum promisisti.

Qui peccatum non fecisti, & peccata nostra in corpore tuo, super lignum pertulisti.

Qui attritus es propter scelera nostra.

IV.

Qui diligis omnia, quæ sunt, & nihil odisti eorum, quæ fecisti.

Qui quasi aurum in fornace, probas Electos tuos.

Qui das locum, & tempus pœnitentiæ, in peccatis.

Qui flagellas omnem Filium, quem, recipis, & diligis.

Qui, quos amas, arguis, & castigas.

Qui non vis aliquos perire, sed omnes ad pœnitentiam reverti.

Miserere nobis.

Qui



Qui venisti quærere, & saluum facere  
quod perierat.

Qui misereris omnium, & dissimulas  
peccata hominum, propter pœni-  
tentiam.

Qui factus es propitiatio pro peccatis  
nostris.

Qui peccatorum, in jejunio, fletu, &  
planctu se ad te convertentium, mi-  
sereris.

Qui misericordiam vis, & non sacri-  
ficiu.

Qui non venisti vocare justos, sed pec-  
catores ad pœnitentiam.

Qui benignitate tuâ, nos ad pœniten-  
tiam adducis.

Qui Paulum persequentem, ac deva-  
stantē Ecclesias, mirabiliter vocâsti.

Qui eundem triduo jejunantem, & o-  
rantem, illuminâsti.

Miserere nobis.

Z

Qui



Qui post pœnitentiam, omnium peccatorum nostrorum non recordaris amplius. Miserere nobis.

Deus benignè, misericors, patiens, & multæ misericordiæ, & præstabilis super malitia. Miserere nobis.

V.

Propitius esto, Parce nobis Domine,

Ab omni malo.

Ab omni peccato.

A subitanea mala morte.

Per Baptismum, & sanctum Jejunium tuum.

Per labores, & dolores tuos.

Per sanguinem tuum, quem in remissionem peccatorum nostrorum effudisti.

In die tribulationis, & angustiae, & tremendi Judicii tui.

Libera nos Domine.

VI.

Peccatores, Te rogamus audi nos.

Ut



Ut ad veram pœnitentiam, nos perdu-  
cere digneris.

Ut nos ipsos, dijudicare, & judicium  
tuum evadere possimus.

Ut dignos pœnitentiæ fructus tempe-  
stivè faciamus.

Ut sicut exhibuimus membra nostra  
servire immunditiei, & iniquitati,  
sic ea nunc exhibeamus servire justi-  
tiæ, ad sanctificationem.

Ut non demus ultra locum diabolo, nec  
sol unquam occidat super iracun-  
diam nostram.

Ut abnegantes impietatem, & sæcula-  
ria desideria, sobriè, justè, & piè  
vivamus.

Ut castigemus corpora nostra, & in ser-  
vitutem redigamus.

Ut non regnet peccatum in mortali no-  
stro corpore.

Te rogamus audi nos.



Ut non exhibeamus membra nostra, arma iniquitatis.

Ut non diligamus mundum, neque ea, quæ in mundo sunt.

VII.

Ut non conformemur huic sæculo, sed reformemur in novitate sensûs nostri.

Ut non plus sapiamus quàm oportet, sed sapiamus ad sobrietatem.

Ut non inebriemur vino, in quo est luxuria.

Ut tanquam vera Christi membra, carnem nostram crucifigamus cum vitiis, & concupiscentiis.

Ut omnis sermo malus, ex ore nostro non procedat, sed si quis, bonus ad ædificationem fidei.

Ut omnis amaritudo, ira, & indignatio tollatur à nobis.

Terogamus audinos.

Ut



Ut non efficiamur inanis gloriæ cupidi.

Ut deponamus veterem hominem cum actibus suis, & novum induamus in iustitia, & sanctitate veritatis.

Ut non secundum carnem vivamus, sed spiritu facta carnis, mortificemus.

Ut divitias bonitatis, patientiæ, & longanimitatis tuæ, nunquam contemnamus.

Ut adeuntes ad thronum gratiæ cum fiducia, misericordiam consequamur, & gratiam inveniamus in auxilio oportuno.

Ut induti armaturam DEI, possimus stare, adversus insidias diaboli.

Ut cum metu, & tremore, salutem nostram operemur.

Ut omnia, detrimentum arbitremur propter Christum.

Te rogamus audi nos.



Ut peccatis mortui, iustitiæ vivamus.  
Te rogamus audi nos.

Ut per multas tribulationes hujus sæculi,  
nos in regnum DEI introire, concedas.  
Te rogamus audi nos.

Ut nos hic urere, & purgare, & in æter-  
num parcere, digneris. Te rogamus  
audi nos.

Ut nos exaudire digneris. Te rogamus  
audi nos.

Fili DEI, Te rogamus audi nos.

Agnus Dei qui tollis peccata mundi. Par-  
ce nobis Domine.

Agnus Dei, qui tollis peccata mundi. Ex-  
audi nos Domine.

Agnus Dei, qui tollis peccata mundi. Mi-  
serere nobis.

Christe audi nos. Christe exaudi nos.

Kyrie eleison, Christe eleison.

Kyrie eleison. Pater noster, &c.

Et



Et ne nos inducas in tentationem.

Sed libera nos à malo.

Domine non secundum peccata nostra,  
facias nobis.

Neque secundum iniquitates nostras, re-  
tribuas nobis.

Domine ne memineris iniquitatum no-  
strarum antiquarum.

Citò anticipent nos misericordiæ, quia  
pauperes facti sumus nimis.

Adjuva nos Deus salutaris noster.

Et propter gloriam nominis tui Domine,  
libera nos, & propitius esto peccatis  
nostris, propter nomen tuum.

Ab occultis meis, munda me Domine.

Et ab alienis, parce servo tuo.

Ne memineris Domine delicta nostra, vel  
parentum nostrorum.

Neq; vindictam sumas de peccatis nostris.

Nè tradas Domine bestiis animas confi-  
tentium tibi.

Et



Et animas pauperum tuorum, ne obliviscaris in finem.

Domine averte faciem tuam à peccatis meis.

Et omnes iniquitates meas dele.

Redde mihi lætitiā salutaris tui.

Et Spiritu principali confirma me.

Domine exaudi orationem meam.

Et clamor meus, ad te veniat.

*Oremus.*

**D**EUS qui nullum respuis, sed quantumvis peccantibus, per pœnitentiā piā miseratione placaris: respice propitius ad preces humilitatis nostræ, ut tua valeamus implere præcepta.

DEUS qui iustificas impium, & non vis mortem peccatoris: Majestatem tuam suppliciter deprecamur; ut nos famulos tuos, de tua misericordia confidentes, cœlesti protegas benignus auxilio, & affi-



assiduâ protectione conserves, ut tibi jugiter famulemur, & nullis tentationibus, à te separemur.

DEUS qui non mortem, sed pœnitentiam desideras peccatorum, fragilitatem cognitionis humanæ, benignissimè respice, conatus nostros, pietate tuâ prosequere, ut per immensam misericordiam tuam, peccatorum nostrorum veniam, in tuo servitio constantiam, & tandem præmia, perseverantibus promissa, feliciter consequamur. Per Dominum nostrum. &c.

Agnosce Domine Creaturam tuam, à te solo Deo vivo, & vero creatam, quia non est alius Deus, præter te: agnosce repeto Domine, Creaturam tuam, & animam servi tui, cujus delicta juventutis, & ignorantias, ne memineris; sed secundum magnam misericordiam tuam, memor esto mei, in gloria charitatis tuæ. Libaret me à cruciatu Christus, qui pro me



mori dignatus est. Christus, verus ille Pastor, inter oves suas me agnoscant, & in sorte electorum suorum constituat. Ita precor, ita spero, in nomine Dei Patris, qui me creavit; in nomine Jesu Christi Filii Dei vivi, qui pro me passus est, in nomine Spiritûs sancti, qui in me gratiâ suâ, sæpius effusus est. Amen.

*Præparatio ad beatam mortem.*

**O**Mi Deus! vitæ, ac mortis mei arbitri, in cujus manu sunt fortes meæ. Supreme, & justissime Judex, tremende Deus, non habeo os loquendi, nisi hoc tantum verbum: justus es Domine, & rectum est judicium tuum; At tu ô infelix, & insensata anima mea, quid pro modica corruptibilis vitæ, & momentaneo quod delectat, elegisti æternum quod cruciat? misericordiam, misericordiam supplico ô infinitæ misericordiæ Deus! qui non lætaris



taris in perditione peccatorum, en habes ante thronum clementiæ tuæ prostratum, supplicem, & confitentem reum, cui unicum hoc prototius vitæ gemitu relictum est, peccavi, & eheu ! petulantissimè irritavi iram tuam, miserere mei, & ne projicias me, à facie tua, sed potiùs hic ure, hic seca, hic flagella, ut saltem in æternum parcas.

Agnosco doleo, detestor, & abhorreo, tot pudendas improbitates, sceleratissimæ vitæ meæ, quia læsæ Majestatis crimina, amantissimi Patris, & summi boni, Dei mei offensa sunt.

Ah ! parce, parce clementissime Domine, per vitam, & mortem Christi Redemptoris mei, & ad satisfaciendum divinæ bonitati tuæ, ad emendationem iniquissimæ vitæ meæ, da spacium veræ poenitentiae, & per omnem, & extremum vi-



tæ meæ halitum rogo te, miserere miserere mei.

Aspice pie Pater, piissimum Filium, pro nobis tam impia passum, respice clementissime Rex, quis patitur, & reminiscere benignus, pro quibus patitur. Nónne hic est mi Domine, innocens ille, quem, ut servum redimeret, Filium tradidisti; nunquid non author vitæ hic est, qui ut ovis ad occisionem, tibi que ad mortem obediens factus, genus atrocissimæ necis, subire non renuit.

Recole totius salutis dispensatorem, quia hic ipse est, quem etsi ex una virtute genuisti, nostræ tamen infirmitatis, participem fieri voluisti; vera hæc est tua Deitas, quæ nostram induit naturam, crucis ascendit patibulum, quæ in assumpta carne, triste tulit supplicium.

Reduc Domine Deus meus oculos tuæ  
Ma-



Majestatis super opus pietatis ineffabilis; intueri dulcem natum, toto corpore extensum, cerne manus innoxias, pro manantes sanguine, & remitte placatus scelera, quæ patrârunt manus nostræ. Considera in me latus, crudeli perfossus cuspide, & renova nos, sacro fonte pretiosissimi sanguinis ejus. Vide immaculata vestigia, quæ non steterunt in peccatorum via, sed semper ambulaverunt in lege tua, clavis adeo diris confixa: sic perfice gressus nostros in semitis tuis, ut ab iis non moveantur vestigia nostra. Quæsumus igitur ô Rex sanctorum, per tuum dilectum omnium electorum per hunc piissimum Redemptorem nostrum, fac nos ita currere viam mandatorum tuorum: ut eidem uniamur, in sæcula sæculorum, Amen.

Respice Domine sancte Pater de sanctuario, & de excelso cœlorum habitaculo; Ecce vox sanguinis Fratris nostri Jesu



clamat ad te de cruce ; respice Domine in faciem Christi tui , qui tibi , usque ad mortem obediens factus est , nec recedant ab oculis tuis cicatrices ejus , in perpetuum , ut memineris ; quantam ab eo pro peccatis nostris satisfactionem , receperis. Gratias tibi æterne Pater referat omnis lingua , pro superabundantia bonitatis tuæ , qui unico Filio cordis tui , non pepercisti , sed pro nobis omnibus illum tradidisti in mortem , ut eum tanquam fidelem advocatum , coram te in cœlis habere-mus. Amen.

Scrutator cordium Deus , miserere peccatricis animæ meæ , ejusque clementer , & vincula solve , & vulnera sana , da cordi meo contritionem , & lachrymarum fontem oculis meis , ut cum humilitate , & puritate cordis , omnes iniquitates , & negligentias meas dignè defleam , fructûque sacra-



sacratissimæ passionis Christi, reviviscat anima mea, in vitam æternam. Amen.

Sanguine tuo Christe Jesu à peccatis omnibus lava me, & concede ut anima mea, cùm è corpore migraverit, ante tribunal tuum appareat munda, O bone Jesu! ne deferas me in ultimis angustiis, in suprema mortis lucta, à qua, tota pendet æternitas. O mi Redemptor! in manus tuas, spiritum meum jam etiam commendo, tua, ô mi Deus sanctissima voluntas, in me semper fiat, & in æternum.

O mi Deus, qui subire pro me voluisti diræ crucis ignominiam. Qui pro me iste peccatis, in hac Ara pietatis, dederas in hostiam. En supplex coram te cado, & me totum tibi trado, ac in servum confesco. Scio quidem me rebellem, sed corrigere me vellẽ, eja juves obsecro. Non finas, ut tot labores, tantus sanguis, tot dolores, in me tui pereant.

Sed



Sed quod haftenùs peccavi, sputa, flaggra,  
spina, clavi, & crux tua deleant. **T**ua  
mors, det mihi vitam, vulnera dent inni-  
nitam, cum beatis gloriam. Amen.

Ego miser peccator animam meam

Creatori, &c.

Clementissime, infinitæ misericordiæ

DEUS, &c.

Non ergo despicias me Domine, néque  
attendas multitudinem peccatorum meo-  
rum: sed secundùm multitudinem miserra-  
tionum tuarum miserere mei, & propiti-  
us esto mihi, maximo peccatori. Dic ani-  
mæ meæ; salus tua ego sum, qui dixisti:  
nolo mortem peccatoris, sed magis, ut  
convertatur, & vivat; converte me Do-  
mine ad te, & noli irasci contra me, de-  
precor te clementissime Pater, propter  
misericordiam tuam, supplico, & exoro,  
ut perducas me ad bonum finem, & ad ve-  
ram poenitentiam, puram confessionem,  
& di-



& dignam satisfactionem, omnium peccatorum meorum. Amen.

Domine Jesu, noverim me, noverim te, nec aliquid cupiam nisi te, oderim me, & amem te, omnia agam propter te, humiliem me, exaltem te, nihil cogitem nisi te, mortificem me, & vivam in te, quæcunque eveniant accipiam à te, persequar me, sequar te, semperque optem sequi te, fugiam me, confugiam ad te, ut merear defendi à te, timeam mihi, timeam te, & sim inter electos à te, diffidam mihi, fidam in te, obedire velim propter te, ad nihil afficiar, nisi ad te, & pauper sim propter te, aspice me, ut diligam te, voca me, ut videam te, & in æternum fruar te. Am.

*Erga Christum crucifixum, & quinque ejus vulnera, Oratio præparatoria.*

**E**N amantissime Jesu, qui sponsus sanguinum mihi esse voluisti, ad pedes tuos prosternor, ut meum in te amorem,

B b

debi-



debitamque gratitudinem contester; sed quid rependam tibi mi Jesu qui usque in finem dilexisti me, manibusque ac pedibus, imò & cordi tuo inscripsisti me, magno fanè, & conspicuo charactere, quis mihi hoc tribuat, ut sicut tu me, ita & ego te, cordi meo inscriptum circumferam, & sicut mei memoria tibi, sic tui mihi nunquam excidat? ô Jesu quàm profuso me charitatis affectu complexus es, qui non tantum manus, ac pedes; verum, & opulentissimum pectus mihi aperiri voluisti, ut in exhaustâ bonorum cœlestium affluentiam, desiderium meum expleas! suscipe hæc mea, quæ colendis tuis sacris quinque vulneribus, vota persolvo; aditum spero, ad optatissimos hos vitæ fontes, misero non intercludes.

Salve ô benedictum vulnus *Sinistri pedis* tui, mi Jesu, quod in spiritu reverenter exosculor, te ex animo rogans: ut hujus  
tui



tui sacratissimi vulneris merito, evellas pedes meos à laqueo, quem statuerunt mihi inimici mei, & à lapsu animam meam præserve, non veniat mihi pes superbiæ, nec ambulem in mirabilibus super me, sed in animo contrito, & spiritu humilitatis, à te suscipiar.

Ad sacrum hoc vulnus tuum depono, & offero omnem afflictionem meam, ut hanc cum cruce, & passione tua jungas, gratiámque largiaris, quâ omnes adversitates, & misérias amore tui superem, tuæque me semper voluntati conformem. Amen. *Pater noster. &c.*

Salve ô benedictum vulnus, *dexteri pedis* tui, mi Jesu, quod in spiritu reverenter exosculor, te ex animo rogans: ut huius tui sacratissimi vulneris merito, dirigas pedes meos ad currendam viam mandatorum tuorum, ut transeam de virtu-



te, in virtutem, donec videam te Deum, ac  
Dominum meum in Sion.

Ad hoc sacrum vulnus tuum depono,  
& offero omnem fortunam, ac felices suc-  
cessus meos, quos mihi divinæ providen-  
tiæ tuæ dispositio, clementer indulgit; ne  
illorum insolentiâ elatus animus, te sum-  
mum bonum meum ad iram unquam pro-  
vocet. Amen. *Pater noster, &c.*

Salve ô benedictum vulnus *Sinistræ*  
*manûs* tuæ mi Jesu, quod in spiritu reve-  
renter exosculor, te ex animo rogans: ut  
hujus tui sacratissimi vulneris merito, mi-  
ferearis fragilitatis, & inconstantiae meæ,  
& in omni bono proposito me confirmes,  
illum tantumque insuper mihi amorem  
præstes, ut dicere queam: læva ejus sub  
capite meo, & dextera illius amplexabi-  
tur me.

Ad sacrum hoc vulnus tuum depono  
om-





passio DoMini  
nostrI  
IESV CHRISII  
Coronat.

**I**Nspice vulnera pendentis ; sanguinem morientis ; pretium redimentis ; caput habet inclinatum ad osculandum ; cor apertum ad diligendum ; brachia extensa ad amplectendum ; totum corpus expositum ad redimendum. Hæc quantas sint cogita : Hæc in statera cordis appende , ut totus tibi figatur in corde , qui totus pro te fixus fuit in cruce.





*Ad Sanctum Vulnus Manis  
Dexteræ.*

**S**Alve ô benedictum Vulnus dexteræ Manus tuæ mi Jesu, quod in Spiritu reverenter exosculor, te ex animo rogans, ut hujus tui Sacratissimi vulneris merito, uberem mihi gratiam & opem contra hostium meorum visibilibus & invisibilibus conatus largiaris, & in novissimo die ad dexteram tuam statuas, ubi lætus audiam: Venite Benedicti.

Ad Sacrum hoc vulnus tuum, depono, & offero tibi omnia, quæ conatus sum facere bona opera mea, imò tua, quia tuæ Gratiae omnia, ut debeo, adscribo: cum humillima obsecratione, ut ea tuis Sanctissimis operibus unita, æterno Patri offerre, meamque inopiam tuis infinitis meritis supplere digneris, Amen.



omnia peccata mea , quæ aut ignorans ,  
aut sciens, volens, unquam commisi. Tu  
mi Jesu pretiosissimo tuo sanguine, illa ab-  
luere digneris , ne coram justissimo tribu-  
nali tuo, æternæ damnationis sententiam  
coram me exposcant. Amen. *Pater no-  
ster, &c.*

Salve ô benedictum vulnus *Lateris* tui,  
mi Jesu, salve ô fons amoris, ô thesaure  
inæstimabilis , ô requies animæ meæ,  
ausimne benignissime J E S U, ad sacram  
hanc aram, ad hoc sanctum sanctorum ac-  
cedere, ardénsque amore cor tuum deo-  
sculari? per infinitam bonitatem oro te,  
mi JESU, ne hoc solatio me privare, nec ab  
hac unici refugii mei domo, arcere velis;  
Eja anima mea, accurre cum fiducia, ad  
thalamum suavissimi sponsi tui , hic te  
omnibus molestiis tuis, ac curis, quibus  
opprimeris exonera : hinc desideria tua,  
& cupiditates exple, hinc in optatissima



pace conquiesce; Videor mihi ô Jesu amore tuo duce, per amabilissimum sacri lateris tui vulnus, ad cor tuum intromitti. Hic te cum profundissima humilitate ô Jesu oro, ut ignoscas, quidquid unquam corde, ore, aut opere in te peccavi, hoc sacro sanguinis tui balneo munda cor meum, & benedicti cordis tui formam, ac speciem imprime, tuique amoris igne accende, ne quicquam impofterum præter te amem, aut desiderem.

Ad sacratissimum hoc cordis tui vulnus mi Jesu, omnia cordis mei vota, ac desideria pono, ita oro, cor meum cordi tuo adstringe, ut nullo unquam tempore, ab invicem avellantur, ut verè cum Apostolo exclamem: quis nos separabit à charitate Christi? tribulatio? an agustia? an fames? an nuditas? an periculum? an persecutio? an gladius? certus sum, quia neque mors, neque vita, neque instantia,

ne-



neque futura, neque ulla creatura, poterit nos separare à charitate Dei, quæ est in Christo Jesu, Domino nostro. Amen. *Pater noster. &c.*

Salve vulnus gratiosum, Christi fluens sanguine, mihi da cor fructuosum, vacans omni crimine: simplex, humile, zelosum; imo gaudens ordine. *Pater. Ave &c.*

Salve stillans pedis vena, hominum solatio; per te fiat in me plena, carnis castigatio: casto tibi mens serena; jungat se consortio. *Pater noster; Ave Maria.*

Salve rubens cruore, Jesu plaga dexteræ; ô fac tuo cum fervore, jussa quarum properè: geram corde, promam ore, præstem promptus opere. *Pater noster: Ave Maria.*

Salve lævæ vulnus Christi, sanguine purpureum; fac me quovis casu tristi, mitem,



tem, & pacificum: cunctis, quos tu redimisti lenem, ac benevolum. *Pater noster: Ave Maria.*

Salve scissum cum tremore, Jesu cor dulcissimum; nobis patens ex amore, præsta cordis gaudium: det virtutum cum splendore, charitas incendium. *Pater noster: Ave Maria.*

Obsecro te Domine Jesu Christe, ut passio tua sit virtus nostra, quâ muniamur, protegatur, & defendamur; vulnera tua sint nobis cibus, & potus, quibus inebriemur, & delectemur. Aspersio sanguinis tui, sit omnium peccatorum nostrorum ablutio: mors tua sit nobis refectio, exultatio, sanitas, studium, gaudium, & desiderium mentis, & corporis, nunc & in perpetuum. Amen.

Ave Jesu qui macularis, sed tortorum deprecaris, Patrem culpæ parcere, prom-



promptè fac nos indulgere, nec vindictam exercere, corde, verbis, opere. Ave Jesu quilatroni, pœnitenti, summi boni, promissisti gratiam, tali nos contritione, nunc, & mortis in agone, fac mere-ri gratiam. Ave Jesu, qui præsentem cruci Matrem, heu dolentem, commendas discipulo, pari nos tuere curâ, per te constat mens secura, quovis in periculo. Ave Jesu, qui dixisti, Pater quid me reliquisti, tantis in suppliciis? ne nos linquas ut ruamus, semper tecum persistamus, fortes in angustiis; Ave Jesu, qui testaris, sitim: felle sed potaris, tu qui pascis omnia, fac æterna nos sitire, mundi carnis fastidire, fugitiva præmia. Ave Jesu, consummasti, jussa Patris, & donasti, tua nobis merita, bene fac nos inchorare, sed & plenè consummare, tua beneplacita. Ave Jesu, qui sermonem, morte claudens, & agonem Patri tradis animam,



Ô mors tua nos emundet, vitam bonis fac  
foecundet, mortem det tutissimam.

**J**ESU dulcis memoria,  
Dans vera cordi gaudia,  
Sed super mel, & omnia,  
Ejus dulcis præsentia.  
Nîl canitur suavius,  
Auditur nîl jucundius,  
Nîl cogitatur dulcius,  
Quàm Iesus Dei Filius.  
**J**ESU spes pœnitentibus,  
Quam pius es petentibus,  
Quàm bonus te quærentib9,  
Sed quid invenientibus?  
**J**ESU dulcedo cordium,  
Fons vivus, lumen mentium,  
Excedens omne gaudium  
Et omne desiderium.  
Nec lingua valet dicere,  
Nec littera exprimere,

Ex-



Expertus potest credere  
 Quid sit Jesum diligere.  
 Jesum quæram in lectulo,  
 Clauso cordis cubiculo,  
 Privatim, & in publico,  
 Quæram amore sedulo.  
 Cum Maria diluculo,  
 Iesum quæram in tumulo,  
 Clamore cordis querulo.  
 Mente quæram non oculo.  
 Tumbam perfundam fletibus,  
 Locum replens gemitibus,  
 Iesu provolvar pedibus,  
 Strictis hærens amplexibus.  
 IESU Rex admirabilis,  
 Et triumphator nobilis,  
 Dulcedo ineffabilis,  
 Totus desiderabilis.  
 Mane nobiscum Domine,  
 Et nos illustra lumine,



Pulsâ mentis caligine,  
 Mundum replens dulcedine  
 Quando cor nostrum visitas.  
 Tunc lucet ei veritas,  
 Mundi vilescit vanitas,  
 Et intus fervet charitas.  
 Amor IESU dulcissimus,  
 Et verè suavissimus,  
 Plus millies gratissimus,  
 Quàm dicere sufficimus.  
 Hoc probat ejus passio,  
 Hoc sanguinis effusio,  
 Per quam nobis redemptio,  
 Datur, & DEI visio.  
 Iesum omnes agnoscite,  
 Amorem ejus poscite,  
 Iesum ardentè quærite,  
 Quærendo inardescite.  
 Sic amantem diligite,  
 Amoris vicem reddite,

In



In hunc odorem currite,  
 Et vota votis reddite.  
 IESUS author clementiæ,  
 Totius spes lætitiæ,  
 Dulcoris fons , & gratiæ,  
 Veræ cordis deliciæ.  
 IESU mi bone sentiam,  
 Amoris tui copiam,  
 Da mihi per præsentiam,  
 Tuam videre gloriam.  
 Cùm dignè loqui nequeam,  
 De te tamen ne fileam,  
 Amor facit , ut audeam,  
 Cùm de te solùm gaudeam.  
 Tua Iesu dilectio,  
 Grata mentis refectio,  
 Replens sinè fastidio,  
 Dans famem desiderio.  
 Qui te gustant esuriunt,  
 Qui bibunt, adhuc sitiunt ,



Desiderare nesciunt,  
 Nisi Iesum, quem diligunt.  
 Quem tuus amor ebriat,  
 Novit, quid Iesus sapiat,  
 Quàm felix est, quem satiat,  
 Non est ultra, quod cupiat.  
 Iesu decus Angelicum,  
 In aure dulce canticum,  
 In ore mel mirificum,  
 In corde nectar coelicum.  
 Desidero te millies,  
 Mi Iesu quando venies?  
 Me lætum quando facies?  
 Me de te quando saties?  
 Amor tuus continuus,  
 Mihi languor assiduus,  
 Mihi fructus mellifluus,  
 Est, & vitæ perpetuus.  
 Iesu, summa benignitas,  
 Mira cordis jucunditas,

In-



Incomprehensa bonitas,  
 Tua me stringat charitas,  
 Bonum mihi diligere,  
 Iesum, nîl ultra quærere,  
 Mihi prorsus deficere,  
 Ut illi queam vivere,  
 O Iesu mi dulcissime,  
 Spes suspirantis animæ;  
 Te quærunt piæ lachrymæ,  
 Et clamor mentis intimæ.  
 Quocunque loco fuero,  
 Mecum Iesum desidero,  
 Quàm lætus, cùm invenero.  
 Quàm felix, cùm tenuero,  
 Tunc amplexus, tunc oscula,  
 Quæ vincunt mellis pocula,  
 Tunc felix Christi copula,  
 Sed in his parva morula.  
 Jam quod quæsi, video,  
 Quod concupivi, teneo,

Amo-



Amore Iesu langueo,  
 Et corde totus ardeo.  
 Iesus cùm sic diligitur,  
 Hic amor non exstinguitur,  
 Non tepescit, nec moritur,  
 Plus crescit, & accenditur.  
 Hic amor ardet jugiter,  
 Dulcescit mirabiliter,  
 Sapit delectabiliter,  
 Delectat & feliciter,  
 Hic amor missus coelitus,  
 Hæret mihi medullitus,  
 Mentem incendit penitus,  
 Hoc delectatur Spiritus.  
 O beatum incendium!  
 Et ardens desiderium!  
 O dulce refrigerium,  
 Amare Dei Filium.  
 Iesu flos Matris Virginis,  
 Amor nostræ dulcedinis,

Tibi



Tibi laus, honor Numinis,  
 Regnum beatitudinis.  
 Veni, veni Rex optime,  
 Pater immensæ gloriæ,  
 Affulgenti clariùs,  
 Jam expectatus sæpius.  
 Iesu sole serenior,  
 Et balsamo suavior,  
 Omni dulcore dulcior,  
 Præ cunctis amabilior.  
 Cujus gustus sic afficit,  
 Cujus odor sic reficit,  
 In quo mens mea deficit,  
 Solus amanti sufficit.  
 Tu mentis delectatio,  
 Amoris consummatio,  
 Tu mea gloriatio,  
 Iesu mea salvatio.  
 Dilecte mi revertere,  
 Consors paternæ dexteræ,



Hostem vicisti prosperè,  
 Jam Cœli Regno fruerè.  
 Sequar te quoquo ieris.  
 Mihi tolli non poteris,  
 Cùm meum cor abstuleris,  
 Iesu laus nostri generis.  
 Cœli Cives occurrite,  
 Portas vestras attollite,  
 Triumphatori dicite,  
 Ave Iesu Rex inclyte,  
 Rex virtutum, Rex gloriæ,  
 Rex insignis victoriæ,  
 Iesu largitor veniæ,  
 Honor cœlestis patriæ.  
 Tu fons misericordiæ,  
 Tu veræ lumen patriæ,  
 Pelle nubem tristitiæ,  
 Dans nobis lucem gloriæ.  
 Te cœli chorus prædicat,  
 Et tuas laudes replicat,

Iesus



Iesus orbem lætificat,  
 Et nos Deo pacificat.  
 Iesus in pace imperat,  
 Qui omnem sensum superat,  
 Hanc mea mens desiderat,  
 Et eâ frui properat.  
 Iesus ad Patrem rediit,  
 Cœleste Regnum subiit,  
 Cor meum à me transiit,  
 Post Iesum simul abiit.  
 Quem prosequemur laudibus,  
 Votis, hymnis, & precibus,  
 Ut nos donet cœlestibus,  
 Secum perfrui sedibus.

**O** Mi JESU vulnerate,  
 Ligno Crucis acclavate,  
 Tradidisti Animam.  
 Puro quidem ex amore,  
 Pro me magno peccatore,  
 Ah! cur te non diligam?



Te mi IESU, non dimittam,  
Nec peccatis plus offendam  
Cordis mei gaudium.

Sed amorem cum amore,  
Et dolorem cum dolore,  
Jungam in solatium.

Plagas, cruces, patienter,  
Ut supportem has libenter,  
Adsit tua gratia.

Des, ut adhuc pro peccatis,  
Luam in hoc Mundo fatis,  
Tua cum Clementia.

Ah! haberem mille vitas,  
Ob amorem darem istas,  
Rogo tamen unicum.

Dum jacebo in agone,  
Recordare IESU bone,  
Non me damnes miserum.

Salve



**S**Alve Iesu, Iesu pie, Fili Dei, & Mariæ, quem de Patre, sinè Matre, & de Matre, sinè Patre natum credo firmiter. Sana me, & sanus ero, & sanabis hìc ut spero, sic in cœlo te videre, cum beatis possidere, gaudeam perenniter, Amen.

*Ad beatam Virginem Mariam.*

**A**Udi gemitus, & dolores ultimos servuli tui, dulcissima Virgo Maria, fons vitæ, & veniæ, salus omnium in te sperantium, audi, & intercede, ut à ministris satanæ liberatus, cum Christi fidelibus, Filii tui servis, & amicis, in regione vivorum collocer.

Maria Mater gratiæ, Mater misericordiæ, tu nos ab hoste protege, & horâ mortis suscipe.

Mater sanctæ spei ô Maria! in manibus tuis sortes meæ, adjuva me, tibi me to-

D d 3

tum,



tum, & iudicium pauperulæ animæ meæ  
committo.

*Suspiria ad Christum crucifixum.*

**A**D te converto me Redemptor; con-  
vertere, & tu ad me, ô spes mea uni-  
ca, Jesu crucifixe. Ne perdat me iniqui-  
tas mea, quem fecit omnipotens bonitas  
tua. Respice innocentes manus, quæ di-  
stillant pretiosum sanguinem, ut dimittas  
iniquitatem meam, & ne requiras opera  
manuum mearum. Intuere illud lanceâ  
perforatum pectus, & amore mei apertum  
cor, huc include peccatricem animam  
meam. Per sacros illos pedes, duris cla-  
vis perforatos, dirige gressus meos, ut  
non recedant hâc horâ à semita lucis, &  
veritatis; respice in faciem Christi tui, ô  
Pater misericordiarum, & copiosa redem-  
ptio, meorum cooperiat multitudinem  
peccatorum. Per supremos animæ, &  
cor-



corporis angores , & tormentum crucis ,  
Iesu Iesu Iesu excipe animam meam.  
Non intres in iudicium cum servo tuo mi  
Iesu. Ne memineris bone Iesu iniquita-  
tum mearum, Citò anticipent me mise-  
ricordiæ tuæ, quia pauper factus sum ni-  
mis. Domine Iesu Christe, Fili Dei vivi,  
pone passionem crucem, & mortem tuam,  
inter iudicium tuum, & animam meam.  
Jube me adscribi in numerum electorum  
tuorum, dulcis Iesu ! junge patientissime  
Iesu dolores meos, doloribus tuis, mortem  
meam morti tuæ.

Succurre Mater misericordiæ, subve-  
nite beatissimi Spiritus, sancti Angeli Dei,  
& vos omnes Patroni mei N. N. ut cum  
in extremis vestram opem amplius implo-  
rare non potero , me tamen non dese-  
ratis.

Te verò dulcissime Iesu pro me cruci-  
fixe , inter amorosa tua bracchia, suscipe  
me



me inter delictuosos tuos, & desideratissimos amplexus, & attrahe tibi dulciter, animam meam. Suscipe me bone Iesum in misericordia tua! suscipe in pace per dolores tuos spiritum meum! ideò enim vulnus lateris tui patens est apertum, ut me vel ferò venientem suscipias, ideò manus tuæ, mei causâ conclavatae fuerunt, ut securam mihi, & certam facerent salutem. In istas ergo manus Domine comendo spiritum meum, nunc & in æternum. Amen.

## LITANIÆ,

*Vitæ, & passionis Domini nostri  
JESU Christi.*

**H**Umiliavit semetipsum Dominus noster Iesus Christus, factus obediens usque ad mortem, mortem autem crucis, propter quod, & Deus exaltavit illum, & dedit illi nomen quod est super omne nomen

men



men, ut in nomine Iesu omne genuflectatur, cœlestium, terrestrium, & infernorum, & omnis lingua confiteatur, quia Dominus noster Iesus Christus, in gloria est Dei Patris,

**K**Yrie eleison. Christe eleison.  
Kyrie eleison.

Christe audi nos. Christe exaudi nos.  
Pater de Cœlis DEUS. Miserere nobis.  
Fili Redemptor Mundi DEUS. Miserere nobis.

Spiritus Sancte Deus. Miserere nobis  
Sancta Trinitas unus Deus. Miserere nobis.

Iesu Verbum Patris.  
Iesu splendor paternæ gloriæ.  
Iesu figura substantiæ Patris.  
Iesu sapientia æterna.  
Iesu candor lucis æternæ.  
Iesu speculum sinè macula.  
Iesu per quem facta sunt omnia.

Miserere nobis.

Iesu

E c





Iesu verbo virtutis tuæ omnia patrans.

Iesu magni consilii Angelus.

Iesu Princeps pacis.

Iesu sanctis Patribus promissus.

Iesu cunctis gentibus desideratus.

Iesu in mundum à Patre missus.

Iesu de Spiritu S. conceptus.

Iesu Verbum caro factum.

Iesu nobiscum Deus.

Iesu in formam servi factus.

Iesu de Maria Virgine natus.

Iesu à tua Genitrice adoratus.

Iesu pannis involutus.

Iesu in præsepio reclinatus.

Iesu ubere Virgineo lactatus.

Iesu à pastoribus in præsepio cognitus.

Iesu per circumcisionem sub lege factus.

Iesu à Magis adoratus.

Iesu in templo præsentatus.

Iesu in ulnis iusti Simeonis exceptus.

Iesu in Ægyptum delatus.

Miserere nobis.

Iesu



Iesu ab Herode ad necem quæsitus.  
 Iesu in Nazareth nutritus.  
 Iesu in templo inventus.  
 Iesu Parentibus subditus.  
 Iesu à Joanne baptizatus.  
 Iesu in deserto tentatus.  
 Iesu cum hominibus conversatus.  
 Iesu pauperibus discipulis sociatus.  
 Iesu lux mundi.  
 Iesu doctor justitiæ.  
 Iesu Via, Veritas, & Vita.  
 Iesu exemplar Virtutum omnium.  
 Iesu omnibus languentibus misericor-  
 diter opitulatus.  
 Iesu à tuis furiosus reputatus.  
 Iesu grati odio habitus.  
 Iesu contumeliis vexatus.  
 Iesu lapidibus impetitus.  
 Iesu in monte coram Patribus transfi-  
 guratus.  
 Iesu Rex mitis Jerusalem ingressus.

Miserere nobis.



Iesu præ compassione lachrymatus.  
 Iesu triginta argenteis appretiatus.  
 Iesu ad Discipulorum pedes inclinatus.  
 Iesu Panis vivus nos confirmans.  
 Iesu potus verus nos lætificans.  
 Iesu in oratione prostratus.  
 Iesu in agonia sanguineo sudore per-  
 fusus.  
 Iesu ab Angelo confortatus.  
 Iesu osculo à Juda traditus.  
 Iesu à ministris ligatus.  
 Iesu à discipulis derelictus.  
 Iesu Annæ & Caiphæ præsentatus.  
 Iesu alapâ à ministro percussus.  
 Iesu à falsis testibus accusatus.  
 Iesu reus mortis judicatus.  
 Iesu in faciem consputus.  
 Iesu oculis velatus.  
 Iesu colaphis cæsus.  
 Iesu cujus corpus percutientibus, & ge-  
 nævellentibus datæ.

Miserere nobis.

Iesu



Iesu à Petro ter negatus.  
 Iesu vinctus à Pilato traditus.  
 Iesu ab Herode, & ejus exercitu spre-  
 tus, & illusus.  
 Ie veste albâ indutus.  
 Iesu Barabbæ postpositus.  
 Iesu flagellis cæsus.  
 Iesu propter scelera attritus.  
 Iesu quasi leprosus reputatus.  
 Iesu veste purpureâ indutus.  
 Iesu spinis coronatus.  
 Iesu arundine percussus.  
 Iesu à Judæis ad crucem postulatus.  
 Iesu morte turpissimâ condemnatus.  
 Iesu voluntati judæorum traditus.  
 Iesu crucis pondere gravatus.  
 Iesu tanquam ovis ad occisionem du-  
 ctus.  
 Iesu vestibis exutus.  
 Iesu clavis in cruce confixus.  
 Iesu propter iniquitates nostras vulne-  
 ratus,

Miserere nobis.





Iesu pro inimicis Patrem deprecatus.

Iesu cum iniquis reputatus.

Iesu opprobrium hominum factus.

Iesu à prætereuntibus blasphematus.

Iesu à judæis derisus.

Iesu à militibus in cruce illusus.

Iesu à latrone convitiis laceffitus.

Iesu opprobriis saturatus.

Iesu latroni pœnitenti paradifum pol-  
licitus.

Iesu qui Joannem Matri tuæ, in filium  
tradidisti.

Iesu te à Patre derelictum attestatus.

Iesu felle & aceto in siti potatus.

Iesu consummata omnia de te scripta,  
testatus.

Iesu cujus Spiritus in manus Patris  
commendatus.

Iesu à Patre pro tua reverentia semper  
exauditus.

Miserere nobis.

Iesu



Iesu usque ad montem crucis obediens  
factus.

Iesu lanceâ transfixus.

Iesu de cujus latere exivit sanguis, &  
aqua.

Iesu cujus livore sanati sumus.

Iesu propitiatio nobis factus.

Iesu de cruce depositus.

Iesu in sindone munda involutus.

Iesu in monumento novo tumulatus.

Iesu victos tuos delacu inferi præ-  
datus.

Iesu ab inferis victor reversus.

Iesu post resurrectionem cum homini-  
bus conversatus.

Iesu in cœlum elevatus.

Iesu in Patris dextera collocatus.

Iesu gloriâ & honore coronatus.

Iesu Rex Regum, & Dominus domi-  
nantium.

Iesu noster apud Patrem advocatus.

Miserere nobis.

Iesu





Iesu Spiritum paraclitum discipulis  
elargitus.

Iesu Matrem tuam super choros Ange-  
lorum exaltans.

Iesu vivos, & mortuos iudicaturus.

Iesu reprobos in ignem æternum mis-  
surus.

Iesu paratum electis regnum colla-  
turus.

Iesu ubertate domus tuæ sanctos om-  
nes inebrians.

Iesu Pater futuri sæculi.

Iesu júbilus Angelorum.

Iesu Rex Patriarcharum.

Iesu inspirator Prophetarum.

Iesu Magister Apostolorum.

Iesu Doctor Evangelistarum.

Iesu fortitudo Martyrum.

Iesu lumen Confessorum.

Iesu puritas Virginum.

Iesu corona sanctorum omnium.

Miserere nobis.

Pro-



Propitius esto. Parce nobis Domine.  
 Propitius esto. Exaudi nos Domine.  
 Ab omni malo.  
 Ab omni peccato.  
 Ab ira tua,  
 à Subitanea est improvisa morte.  
 Ab insidiis diaboli.  
 à Peste, fame, & bello.  
 Ab ira, odio, & omni mala voluntate.  
 à Spiritu fornicationis.  
 à Fulgure, & tempestate.  
 à Morte perpetua.  
 Per mysteriū sanctæ incarnationis tuæ.  
 Per adventum tuum.  
 Per nativitatem tuam.  
 Per circumcisionem tuam.  
 Per impositionem SSmi. nominis tui.  
 Per baptismum, est sanctum jejunium  
 tuum.  
 Per labores, & vigilias tuas.

Libera nos Jesu.



Per agoniam, & sanguineum sudorem  
tuum.

Per alapas, & flagella tua

Per spineam coronam tuam.

Per crucem, & passionem tuam.

Per sitim, lachrymas, & nuditatē tuam.

Per mortem, & sepulturam tuam.

Per S. resurrectionem tuam,

Per admirabilem ascensionem tuam,

Per missionem Spiritūs S. paracliti.

In die Iudicii.

Peccatores. Te rogamus audi nos.

Ut ad veram poenitentiam nos perdu-  
cere digneris.

Ut Ecclesiam tuam sanctam regere, &  
conservare digneris.

Ut domnum Apostolicum, & omnes  
Ecclesiasticos ordines in sancta reli-  
gione conservare digneris.

Ut nosmetipsos in tuo sancto servitio  
confortare, & conservare digneris.

Libera nos Jesu.

Te rogamus audi nos.

Ut



Ut mentes nostras ad cœlestia desideria  
erigas. Te rogamus audi nos.

Ut animas nostras, fratrum, propinquo-  
rum, & benefactorum nostrorum ab æ-  
terna damnatione eripias. Te roga-  
mus audi nos.

Ut omnibus fidelibus defunctis requiem  
æternam donare digneris. Te roga-  
mus audi nos.

Fili DEI. Te rogamus audi nos.

Agnus Dei qui tollis peccata mundi. Par-  
ce nobis Domine.

Agnus Dei, qui tollis peccata mundi. Ex-  
audi nos Domine.

Agnus Dei, qui tollis peccata mundi. Mi-  
serere nobis.

Christe audi nos. Christe exaudi nos.

Kyrie eleison. Christe eleison.

Kyrie eleison. Pater noster, &c.



*Oremus.*

**P**Erpetuâ nos quæsumus Domine pace custodi, quos per lignum sanctæ Crucis redimere dignatus es ; per Christum Dominum nostrum.

Domine Iesu Christe, per quinque illa vulnera, quæ tibi in cruce nostri amor inflixit, tuis famulis subveni, quos pretioso sanguine redemisti.

*Orationes ante confessionem.*

**S**urgam, & ibo ad Patrem meum, & dicam ei : Pater peccavi in cœlum, & coram te, jam non sum dignus vocari filius tuus, verumtamen fac me sicut unum de pœnitentibus tuis, & mitte mihi hodie unicam solummodo micam de mensa infinitæ misericordiæ tuæ, ut peccata mea cognoscere, deflare, & dignam de iis pœnitentiam agere possim ; rogo igitur clementissime Deus, per ipsum æternum judi-



judicem, da mihi cordis contritionem, & lachrymarum fontem ut vulnera animæ meæ indefinenter diebus, ac noctibus, defleam, donec tempus est acceptabile, & donec dies sunt salutis, nec delicta mea innumerabilia, quæ nunc celata sunt, & occulta, in die illo tremendi examinis, appareant coram spectantibus Angelis, & Archangelis, Prophetis, & Apostolis, sanctis, & omnibus justis. Quin potius miserere mei Domine, miserere mei, neque me perdas cum peccatis meis, tu qui non vis mortem peccatoris, sed ut convertatur, & vivat. Miserere mei Domine, & ne reserva mala mea punienda illâ futurâ vitâ, in illis infernalibus suppliciis, sed in præsentî vita detege, & puni ea quo modo, & quantum tibi placet, ecce in manu tua sum: fac de me quod tibi videtur: fac me pro pietate, & bonitate tua plenè, & perfectè, antequam moriar,



pœnitere, & plangere omnia peccata mea, quæcunque egi contra voluntatem tuam à puero, & cunabulis meis, corde, ore, opere, & excoque scoriam peccatorum ad purum, modis quibus tibi videtur, ordine quo tibi placet, scis omnia, potes omnia; ut in hora illa tremenda, inveniam misericordiam in conspectu æterni iudicis, & videam faciem illius cum multa lætitia, & securitate, collocatus ad dexteram cum sanctis omnibus, propter tuam multam misericordiam, & bonitatem.

Suscipe confessionem meam piissime ac clementissime Domine, Jesu Christe, unica spes salutis meæ, & da mihi obsecro contritionem cordis, & lachrymas oculis meis, ut defleam diebus ac noctibus omnes negligentias meas, cum humilitate, & puritate cordis, appropinquet oratio mea in conspectu tuo Domine; si iratus fueris contra me, quem adiutorem quæram?



ram? quis miserebitur iniquitatibus meis?  
 memento mei Domine, qui Cananæam,  
 & Publicanum vocasti ad pœnitentiam,  
 & Petrum lachrymantem suscepisti, Do-  
 mine Deus meus suscipe preces meas, sal-  
 vator mundi Iesu bone, qui te crucis  
 morti dedisti, ut peccatores salvos face-  
 res, respice me miserum peccatorem, in-  
 vocantem nomē tuum; & si commisi  
 unde me damnare potes, tu non amisisti,  
 unde salvare soles. Parce ergo mihi, qui  
 es Salvator meus, & miserere peccatrici  
 animæ meæ, solve vincula ejus, sana vul-  
 nera. Domine Iesu te desidero, & quæ-  
 ro, te volo, ostende mihi faciem tuam, &  
 salvus ero: emitte igitur piissime Domine,  
 meritis purissimæ, & immaculatæ semper  
 Virginis. genitricis tuæ Mariæ, & san-  
 ctorum tuorum, lucem tuam, & veritatem  
 tuam in animam meam, quæ omnes de-  
 fectus in veritate mihi ostendat, quos con-  
 fiteri



fiteri me oportet, atque juvet, & doceat ipsos plenè, & contrito corde explicare, Qui vivis, & regnas Deus, per omnia sæcula sæculorum, Amen.

*Actus contritionis.*

**O** Amabilissime Iesu, amor meus crucifixe, amo te, super omnia toto corde, ob infinitam bonitatem, omnesque divinas perfectiones tuas, & si possem omnium Angelorum, & Sanctorum amore, te amarem; nam omni possibili amore es dignissimus.

Et quia sic te amo, pœnitet me, & toto mentis affectu doleo: quòd ego vilissima creatura tua, contra te optimum Deum meum, cui omne peccatum summè displicet, unquam peccaverim; ô si te non offendissem, ô si non egissem id, quod sanctissimæ voluntati tuæ, & amoris sic contrarium est.

Revo-



Revoco, retracto, detestor, & quantum possum annihilo, quidquid feci, cogitatione, verbo, opere, & omissione contra te, cupioq; ac desidero, totâ animâ meâ, me id non fecisse.

Heu! pœnitet me iterum, ac iterum, & millies, pœnitebitque totâ vitâ meâ, & quamvis nulla pœna, aut infernus esset, nullum cœlum, tuâ tamen amabilissima bonitas, à me heu mihi! sufficit offensa, ut mihi cor dolore disrumpatur, & oculi flumina, ac Maria lachrymarum profundant.

Propono firmissimè cum gratia tua. sanctissimæ tuæ legi posthac in omnibus obedire, peccatum quodvis super omne aliud malum, vitare, integrè confiteri, pœnitentiam injunctam explere, proximo meo, si quid debeo, satisfacere, offendendi te occasiones, quantum possum fugere;

G g

Con-



Con dono omnibus omnes injurias, & offensas mihi factas, sicut meas à te mihi peto condonari.

Offero tibi vitam, & actiones meas bonas, cum gratia tua à me faciendas, & omnes afflictiones (quas juste peccatis meis mereor) à me sustinendas, in aliquam compensationem, tot offensarum, & injuriarum à me tibi illatarum.

Insuper offero tibi, intensissimos compunctionis, contritionis, & detestationis affectus, quos unquam verè poenitentes, & sua, vel aliena peccata deflentes, elicuerunt, & deinceps elicient, quos omnes si ego solus possem, & si tibi placet eos mihi dare, & alios omnes possibiles, elicere desidero. Offero inquam hæc omnia, in unione lachrymarum tuarum, quibus ô amantissime Iesu nostra delicta deflevisti, laborem item, & cruciatum, quibus eadem



dem expiasti, & omnium meritorum tuorum, per quæ spero veniam peccatorum, & uberem gratiam, à misericordissimis visceribus tuis, ut me emendem, & piam, ac bonam vitam institutam, Amen.

*Affectus amantis animæ.*

**O** Deus! ego amo te, nec amo te, ut salves me, aut quia non amantes te, æterno punis igne, tu tu mi Iesu totum me, amplexus es in cruce, tulisti clavos lanceam, multamque ignominiam, innumeros dolores, sudores, & angores, ac mortem, & hæc propter me: ac pro me peccatore, cur igitur non amem te, ô Iesu amantissime! non ut in cœlo salves me; aut nè æternum damnes me, nec præmii illius spe: sed sicut tu amasti me, sic amo, & amabo te, solùm quia Rex meus es, & solùm quia Deus es. Amen.

Eja Iesu respice afflictam Matrem tu-



am; eja Maria respice cruentum filium  
tuum; eja Iesu propter dilectam Matrem  
tuam; eja Maria propter benedictum Fi-  
lium tuum, miseremini mei; eja Iesu tam  
bonus, & obediens Filius Mariæ; eja Ma-  
ria tam amabilis, & bona Mater Iesu, vos  
estis causa salutis meæ, non est opus alibi  
me opem petere, eja Iesu non jam est ne-  
cessum fundere sanguinem; eja Maria  
non est necessum fundere lachrymas! ô  
juste Judex! ad quem ibo, nisi ad advoca-  
tam piissimam, & mundi reconciliatri-  
cem? si illa me deserat, quomodo Judex  
absolvat? ô Mater salutis, pro quo inter-  
cedes, nisi quem ipse redemit? ô Mater  
misericordiæ, quem respicies, nisi mise-  
rum, & miserabilem, sin minùs dic mihi,  
num sit aliud mihi refugium? num sit ali-  
quis magis misericors? aut qui plus me a-  
met, aut apud Deum sit potentior? si ne-  
mo est, uti credo, ô Mater quid potes ob-  
ten-



tendere ? an modicam fidem meam , an affectum exiguum ? an gravissima peccata mea ? illud ipsum est , quod peto in maximum testimonium misericordiæ tuæ , ut exaudias me indignum , ut salves damnandum , ut protegas deferendum , ut qui debebam , & merebar esse filius iræ , per multam , & magnam nimis bonitatem tuam , sim filius misericordiæ , sim frater Filii tui , sim tecum , & cum Filio tuo , in sæcula sæculorum. Amen.

*Pro remissione peccatorum.*

**C**onditor cœli , & terræ , Rex Regum , & Dominus dominantium , qui me de nihilo fecisti , ad imaginem , & similitudinem tuam , & me proprio tuo sanguine redemisti , quem ego peccator non sum dignus nominare , nec invocare , nec corde cogitare ; te suppliciter deprecor , & humiliter exoro , ut clementer respicias



me servum tuum nequam : & miserere  
 mei, qui misertus fuisti mulieri Cananææ,  
 & Mariæ Magdalenæ, qui pepercisti Pu-  
 blicano, & latroni in cruce pendenti; tibi  
 confiteor Pater piissime, peccata mea,  
 quæ si volo abscondere, non possum, tibi  
 Domine; parce mihi Christe, quem ego  
 nuper multum offendi cogitando, loquen-  
 do; operando: & in omnibus modis, in  
 quibus ego fragilis homo, & peccator  
 peccare potui: mea culpa, mea culpa,  
 mea maxima culpa. Ideò Domine pre-  
 cor tuam clementiam, qui de cœlo, pro  
 mea salute descendisti; qui David à pec-  
 cati lapsu erexisti, parce mihi Domine!  
 parce mihi Christe! qui Petro te neganti  
 pepercisti, tu es Creator meus, & Redem-  
 ptor meus, Dominus meus, & Salvator  
 meus, Rex meus, & Deus meus; tu es  
 spes mea, & fiducia mea, gubernatio mea,  
 & auxiliatio mea, consolatio mea, & for-  
 titu-



titudo mea , defensio mea , & liberatio  
mea, vita mea, salus mea , & resurrectio  
mea, lumen meum, & desiderium meum,  
adjutorium meum, & patrocinium me-  
um ; te deprecor, & rogo adjuva me, &  
salvus ero, gubernare me, & defende me,  
conforta me, & consolare me, confirma  
me, & lætifica me , illumina me, & visita  
me, suscita me mortuum, quia factura, &  
opus tuum sum. Domine ne despicias  
me, quia famulus, & servus tuus sum,  
quamvis malus, quamvis indignus, & pec-  
cator; sed qualiscunque sim, siue bonus,  
siue malus, semper tuus sum, ad quem er-  
go fugiam, nisi ad te vadam? si tu me eji-  
cis, quis me recipiet? si tu me despicias,  
quis me aspiciet? recognosce me ergo in-  
dignum, ad te refugientem, quamvis sim  
vilis , & immundus, quia si vilis, & im-  
mundus sum, potes me mundare; si cæ-  
cus sum potes me illuminare; si infirmus  
sum,



sum, potes me sanare, si mortuus, & sepultus sum, potes me resuscitare; quia major est misericordia tua, quàm impietas mea, plus potes dimittere, & plus parcere, quàm ego peccator peccare. Non ergo despicias Domine, neque attendas multitudinem iniquitatum mearum, sed secundùm multitudinem miserationum tuarum, miserere mei, & propitius esto mihi, maximo peccatori, dic animæ meæ, salus tua ego sum, qui dixisti, nolo mortem peccatoris, sed magis, ut convertatur, & vivat. Converte me Domine ad te, & noli irasci contra me, deprecor te clementissime Pater, propter misericordiam tuam supplico, & exoro, ut perducas me, ad bonum finem, & ad veram poenitentiam, puram confessionem, & dignam satisfactionem, omnium peccatorum meorum.

Scur-



Scrutator cordium Deus , misere-  
re nunc peccatricis animæ meæ, ejusque  
clementer, & vincula solve, & vulnera  
sana ; da cordi meo contritionem, & la-  
chrymarum fontem oculis meis, ut cum  
humilitate, & puritate cordis, omnes ini-  
quitates, & negligentias meas dignè de-  
fleam, & integrè aperiā, fructūque sa-  
cratissimæ passionis Christi, reviviscat  
anima mea in vitam æternam. Amen.

O misericordissime DEUS ! gratiā tuæ  
visitationis, mentis meæ tenebras illumi-  
nes, affectum voluntatis inflames, & cor-  
robores, ad cognoscendum quidquid co-  
gitatione, & affectu, verbis prolatis, & au-  
ditis, operibus, & omissionibus contra te,  
proximum, & memetipsum peccavi.

Scrutator cordium Deus, qui consi-  
derasti semitas meas, & omnes gressus  
meos dinumerasti, quid tibi hodiè (vel  
die-



diebus præteritis ) pro infinitis bonis tuis reddidi ?

Heu ! quoties otiosâ, vanâ, superbâ, inordinatâ, impurâ carnalis, & venereâ, gulosâ, invidiosâ iracundâ, suspiciosâ, temerariâ, fraudulentâ scrupulosâ, desperabundâ, &c.

Et vel maximè otiosis, inconsideratis, superbis mordacibus, inverecondis, impudicis, scandalosis, iracundis, vanis, detractoriis, contumeliosis, mendacibus, falsis, simulatis, adulatoriis, affectatis, execratoriis, imprecatoriis dictis, non rectâ, sed tectâ, & falsâ intentione.

Ad nullum bonum finem, directis, vanis; & otiosis: & in gratiam hominum tantùm factis, inordinatis, in finem minùs decentem, nec debito modo, tempore, aut loco prolatis: perfunctoriis, & absque attentione ac devotione, quin potiùs hypo-



hypocriticè perfectis. Immorigeris, contra præcepta Dei, & Ecclesiæ; contra debitum Officii proprii, & remorsum conscientiae.

*Post hæc prout volutus ad genua dic Confiteor, usque ad: Idei precor, ab ultima verò confessione commissi peccata tua, Confessario explicare, humiliter.*

*Finita confessione dic: de his atque aliis mihi ignotis peccatis, me accuso, doleo, propono emendationem, petoque salutarem poenitentiam, & absolutionem.*

## Sequuntur aliæ Orationes.

### I. Juxta exemplum sancti Petri.

**A**D te Domine Iesu denuo supplex revertor, qui peccando à te toties discessi, quo enim ibo nisi ad te? si tu me repellis, quis me suscipiet? si tu condemnas: à quo venian sperabo? firmissimè quidem



antehac statui custodire justificationes tuas, omniâque peccata, potissimum ista vitare, sed eheu! instabilis factus sum, & concupiscentiæ illecebris seductus, te iterum dereliqui: peccavi, quid faciam? quo me convertam miser, nisi ad te, in quo est salus, vita, & resurrectio nostra. Respice in me Domine Iesu, quemadmodum in Petrum respexisti, & miserere mei! utinam dolorem cordis mei, tot lachrymis, quot ille contestari possem! in tua misericordia mi Iesu, quæ major est, quam mea sit iniquitas, spem omnem pono: plus tu potes dimittere, quàm ego committere, ne projicias me à facie tua, dic animæ meæ. Salus tua ego sum.

*II. Juxta exemplum Mariæ  
Magdalene.*

**Q**uis dabit capiti meo aquam, & oculis meis fontem lachrymarum, ut plorem die, ac nocte peccata mea, quibus

te



te amantissime Iesu toties ad iram provocavi, ad pedes tuos cum Magdalena provolvor, eosque ex animo amplector, & exosculor, tuam supplex misericordiam implorans, parce Domine, parce peccatis meis! quæ utinam tam largo lachrymarum imbri, quàm peccatrix illa possem eluere! horum defectum mi Iesu, roseo tuo, quem pro me copiosissimè fudisti sanguine, compensa: à pedibus tuis non discedam, hos firmiter tenebo, tanquam salutis meæ anchoras, nec dimittam te, donec benedixeris mihi, & audiam illa summæ consolationis verba: remittuntur tibi peccata tua.

*III. Juxta exemplum filii prodigi.*

**P**ater peccavi in cœlum, & coram te, jam non sum dignus vocari filius tuus: desideriiis, & concupiscentiis meis obtemperavi, te fidelissimo Patre contempto, fodi mihi cisternas consolationum terrenarum,



narum, cisternas dissipatas, quæ continere non valent aquas, te fonte aquæ vivæ derelicto; gaudium in creaturis quæfivi, quod in te solo inveniri potest, verè non est pax impiis, quare ad te redeo ô benignissime Pater! cujus misericordiæ non est numerus, & bonitatis infinitus est thesaurus, iterum exclamo. Pater peccavi in cœlum, & coram te! redde mihi obsecro, licet filii nomine indigno, gratiæ tuæ vestem, quam peccatis meis perdidi, restitue amoris tui annulum, quem amore creaturarum pessumdedi, ut hoc ornatu in cœna tua eucharistica, gratiofus comparere merear; tibi que æternum congi. Mihi enim adhærere Deo, bonum est.

*IV. Juxta exemplum Zachæi, ad restitutionem famæ, & bonorum ablatorum.*

**C**onfiteor adverſum me injuſtitiam meam tibi Domine, iniquè egi non modò contra divinæ Majestatis tuæ hono-

no-



norem, verum, & proximi mei charitatem, quem ut diligerem sicut me ipsum, præcepisti; sæpè fateor, gravitèrque contra hoc tuum præceptum peccavi, cupidus heu! nimium fui rerum temporalium, aliorum damno, nimis laudis propriè appetens, aliorum contemptu: quid tandem proderit mihi, si universum mundum lucratus fuero, animæ verò meæ detrimentum faciam, quid ex mundi gloria mihi erit, si ad infernum descendam? quid à cœlo, quid à terra sperare possim, te Deo meo offenso? agnosco Deus meus, iniquè me hætenùs egisse, & in multis proximo injuriam intulisse, ignosce culpam agnoscanti, in satisfactionem, & tuæ voluntatis adimpletionem, propono, & statuo te adjuvante, omnium damna à me sive in honore, sive in bonis proximo illata, quantum possum resarcire, & aliquam insuper eleemosynam elargiri, aufer à me



me quod hætenùs fovi, cor lapideum durum, & invidum, & redde cor carneum, cor humanum, cor mite, tuæque benignitati conforme, ut & ego inter filios Abrahæ à te electos, recenferi merear; tu enim venisti salvum facere quod perierat.

*V. Juxta exemplum latronis in  
Cruce.*

**S**Erò ad te venio ô Iesu crucifixe! tempus est, ut me tibi conciliem, quot enim juvenes æquè, ac senes, mors interea abstulit: dum ego peccatis indulgi? annon, & ego unâ cum illis è medio tolli, æternûmque damnari potuissem? quid te mi Iesu movit, ut mihi præ cæteris parceres, nisi bonitas tua infinita, ne ergo me, quæso: nunc à te repellas, nemo unquam seriò poenitens, ad te ferò nimis venit; latroni in cruce ultimo vitæ articulo condonâsti, quicquid omnibus vitæ suæ annis peccavit, eodémque die, in paradisum recepisti; per



per inſigne hoc tuæ miſericordiæ, & clementiæ opus, te ſupplex cum eodem latrone (utinam pari amoris, & doloris affectu) oro ô Ieſu nazarene! miſerere mei, & in tuam, licet indignum me, gratiam recipere. Fateor amariffimæ paſſionis, & crucis cauſam eſſe delicta mea, quæ proinde ex animo nunc deteſtor, cum firmiſſimo propoſito, ea me deinceps cum tua gratia nunquam repetiturum. Miſerere mei, ô Ieſu miſerere mei! qui miſereris omnium propter pœnitentiam.

*VI. Juxta parabolam ovis  
perditæ.*

**E**Ravi ſicut ovis quæ periit, paſtor bone pie Ieſu, quære ſervum tuum, & reduc me in viam mandatorum tuorum, tu enim dixiſti: viſitabo oves meas, quod perierat requiram, & quod abjectum erat reducam, quod confractum alligabo, &

I i

quod



quod infirmum consolidabo, aspice vulnera peccatorum meorum, quorum non est numerus, & sana ea; tuis me humeris licet indignum excipe, & adduc ad gregem electorum tuorum, ibi misericordias Domini in æternum cantabo.

*VII. Juxta parabolam incidentis in latrones.*

**M**E miserum! qui ab Jerusalem in Jericho descendi, qui loco veræ pacis deserto, fallaces mundi, & carnis delectationes sectatus sum, & in manus infernalium latronum incidi, à quibus innocentiae veste spoliatus, & ad mortem animæ miserando spectaculo vulneratus sum, propitios in me oculos converte, ô pie Samaritane, & miserere mei in sanguine peccatorum meorum volutantis, non est qui possit, aut velit misero mihi, in hoc statu salutarem præbere manum, præter te,



te, Domine Iesu, in te solo omnis vitæ spes est posita, tu unicus es animæ meæ medicus, huic obsecro amoris tui vinum, & misericordiæ oleum infunde, & indue in vulnus sacratissimi lateris tui. Hæc requies mea in sæculum sæculi, hîc habitabo quoniam elegi eam.

Domine omnipotens, importabilis est magnificentia gloriæ tuæ, & insustentabilis via comminationis tuæ, super peccatores; immensa verò, & investigabilis misericordia promissionis tuæ: quoniam tu es Dominus altissimus, benignus, longanimis, & multum misericors, & pœnitens super malitias hominum; tu Domine secundum multitudinem bonitatis tuæ, promisti pœnitentiam & remissionem iis, qui peccaverunt tibi, & multitudine miserationum tuarum decrevisti pœnitentiam peccatoribus in salutem, tu igitur Domine Deus justorum, non posuisti pœ-



nitentiam justis, Abraham, & Isaac, & Jacob, iis qui tibi non peccaverunt, sed posuisti poenitentiam propter me peccatorem: quoniam peccavi super numerum arenæ maris; multiplicatæ sunt iniquitates meæ, & non sum dignus intueri, & aspicere altitudinem cœli, præ multitudine iniquitatum mearum, & nunc flecto genu cordis mei, precans à te bonitatem; peccavi Domine peccavi! & iniquitates meas agnosco: quare peto rogans te, remitte mihi Domine, remitte mihi, & ne simul perdas me cum iniquitatibus meis: neque in æternum iratus, reserves mala mihi: neque damnes me in infima terræ loca, quia tu es Deus, Deus inquam poenitentium, & in me ostendes omnem bonitatem tuam, quia indignum salvabis me, propter magnam misericordiam tuam, & laudabo te semper omnibus diebus vitæ meæ, quoniam te laudat omnis virtus cœlo-



coelorum, & tibi est gloria in sæcula sæculorum, Amen.

*Actus contritionis.*

**U**Tinam te Deus meus ex toto corde meo, ex toto anima mea, & ex omnibus viribus meis, super omnia (quod opto) diligam! utinam ipsum Seraphinorum amorem exæquem, in eoque æternum persistam! tu scis Domine quia amo te, magisque amare cupiam, quòd millies malim mori, quam in talia peccata relabi. O quàm doleo, quòd te summum, & amantissimum bonum meum, unquam offenderim. Utinam (quod firmissimè tuâ fretus ope propono) te nunquam vel minimo delicto offendam! tu enim omni amore, honore, & cultu dignus es, cujus sanctissimam voluntatem in omnibus exequi cupio, Amen.



*Orationes post confessionem.*

**S**It tibi Domine obsecro meritis beatæ Mariæ semper Virginis, Genitricis tuæ Mariæ, & omnium sanctorum grata, & accepta ista confessio mea, & quidquid mihi defuit nunc, & alias de sufficientia contritionis, & de puritate, & integritate confessionis, suppleat pietas, & misericordia tua, & secundum illam digneris me habere plenius, & perfectius absolutum in cœlo. Qui vivis & regnas &c.

Semper cantabiles mihi erunt justificationes tuæ Domine Iesu. Tu enim ille es, qui me toties tuo pretioso sanguine, & fonte lachrymarum tuarum abluisti. O bonitas infinita, quomodo tanti fecisti hunc adulteram animam, ut ejus amore dimitteres palatium gloriæ tuæ, & vitam tuam traderes in manus carnificum, & inimicorum? Age Domine, confirma quod ope-



operatus es in me, miserere mei, nec per-  
 mitte, ut extremi vitæ meæ dies infelicio-  
 res sint, & magis culpabiles, quàm primi.  
 Inter dulcissimos amplexus, & suavissi-  
 ma pacis oscula assumpsisti me, ad tuam  
 amicitiam, ornatum gratiâ tuâ, per Sacra-  
 mentum pœnitentiæ. Vivat, & ardeat  
 semper in me amor tuus, quomodo ego  
 esse tepidus possum in te quærendo, cum  
 tu tantoperè ardeas amore mei? O Do-  
 mine Deus meus, fac mihi hanc gratiam,  
 ut gratiâ tuâ adjutus, non sinam irrita fieri  
 tot beneficia, ego sum impius, & piger ser-  
 vus, quid tibi respondere potero, quan-  
 do à me rationem exiges, quando mihi o-  
 stendes tua vulnera, pro me tolerata,  
 cum objicies labores, opprobria, perse-  
 cutiones, itinera, & plurimas alias mole-  
 stias mei amore toleratas, doleo doleo  
 propter peccata vitæ præteritæ! displi-  
 cet mihi quòd te offenderim, perdendo  
 te



te per quodcunque peccatum , perdidi omnia , cœlum, auxilia peculiaria Sancto-  
rum, tuam amicitiam, omnia bona præte-  
rita, & pacem animæ meæ, modò per Sa-  
cramentum pœnitentiæ omnia recepi;  
benedicta sit tua clementia in æternum.

Regressus sum Domine sicut filius  
prodigus ad brachia, & amplexus tuæ bo-  
nitatis; gratias ago tibi pro tam singulari  
beneficio, nunquam amplius in æternum  
amantissimè Pater, recedam à tua amici-  
tia, & gratia: nunquam per ullum pecca-  
tum mortale, à te elongabor: ita propono,  
ita protestor coram divina tua Majesta-  
te, & coram sanctissima Virgine Maria,  
& SS. Angelis, ac beatis Spiritibus: in æ-  
ternum non obliviscar mandata tua, con-  
firma hoc propositum Deus meus sigillò  
gratiæ tuæ. Amen.

Quòd si fortè per imprudentiam quid-  
quam cogitavero, dixero, fecero, quod  
bene-



beneplacito tuo repugnet, coram te Domine totâque curia tua cœlesti protestor: id præter, & contra voluntatem fieri. Si aliter accidat, miserere Domine! & illicò errantem revoca, cadentem subleva, & ne id contingat, propter bonitatem tuam obtestor te misericordissime Pater, ut me prævenire digneris, in benedictionibus tuis, & me tanquam rem tuam possideas, & regas.

Bègnissimè Domine I E S U Christe, suscipe hanc satisfactionem pro peccatis meis, quæ quidem nullatenùs conferri potest, cum multitudine, & magnitudine iniquitatis meæ, quâ te, Dominum ac Deum meum, gravissimè offendi; sed conjicio omnia peccata mea inflagentissimum ignem immensi amoris, ac misericordiæ tuæ, ut in illo igne conflagrent, & accipio mihi ex abundantissimo thesauro meritorum tuorum, quidquid huic meæ satisfactioni.

K k

factio-



factioni deest; non enim in mea, sed in plenissima, & superabundanti satisfactione tuæ sanctissimæ vitæ, passionis, ac mortis confido; succurrant mihi merita tua piissime Salvator, & ex iis supplere digneris quidquid huic meæ pœnitentiæ, heu! nimis parvæ, & frigidæ deest, ut te miserante liberer ab omni pœna, peccatis debita, etiam purgatorii, quatenus divinæ tuæ bonitati placet; & me facias tibi plenè, & perfectè reconciliatum, ut in novitate vitæ meæ tibi vivam, ac serviam secundum tuam sanctissimam voluntatem. Amen.

Ad te ô benignissime Iesu revertor, & gratias ago, quod à fœdissima peccatorum meorum lepra mundare me dignatus fieris, sit nomen tuum ô Iesu benedictum in sæcula! Verè tu Iesus, hoc est Salvator es, qui neminem à te quamlibet flagitiosum repellis, qui omnes seriò pœni-

ten-



tentes in gratiam recipis, & in numerum filiorum tuorum adscribis. Misericordiæ tuæ viscera ô Iesu agnosco, & amplector, meque totum servitio tuo deinceps addico, adjuva obsecro, imbecillitatem meam, ut nunquam hujus tui mihi præstiti beneficii oblitus, amore ullius delectationis, aut præposteræ affectûs impulsu, in priora peccata relabar, meque à te separem, cor & animam meam dilectionis tuæ brachiis ita tecum constringo, ut dicere cum Apostolo audeam: quis me separabit à charitate Christi?

Benedic anima mea Domino, & omnia quæ intrâ me sunt, nomini sancto ejus. Benedic anima mea Domino; & noli oblivisci omnes retributiones ejus. Qui propitiatur omnibus iniquitatibus tuis: qui sanat omnes infirmitates tuas. Qui redimit de interitu vitam tuam, qui coronat te in misericordia, & in miserationibus.



bus. Qui replet in bonis desiderium tuum: renovabitur ut aquilæ juvenus tua. Faciens misericordias Dominus: & iudicium omnibus, injuriam patientibus. Notas fecit vias suas Moyfi; filiis Israël voluntates tuas. Miserator, & misericors Dominus. Longanimis, & multum misericors, non in perpetuum irascetur; neque in æternum comminabitur. Non secundum peccata nostra fecit nobis, neque secundum iniquitates nostras retribuit nobis. Quoniam secundum altitudinem cœli à terra corroboravit misericordiam suam super timentes se. Quantum distat ortus ab occidente: longè fecit à nobis iniquitates nostras. Quomodo miseretur Pater filiorum, misertus est Dominus timentibus se, quoniam ipse cognovit fignum nostrum. Recordatus est quoniam pulvis sumus, homo sicut fœnum, dies ejus, tanquam flos agri, sic efflorescit. Quo-



Quoniam spiritus pertransibit in illo, & non subsistet: & non cognoscat amplius locum suum. Misericordia autem Domini ab æterno, & usque in æternum, super timentes eum. Et justitia illius in filios filiorum, his qui servant testamentum ejus, & memores sunt mandatorum ejus, ad faciendū ea. Dominus in cœlo paravit sedem suam; & regnum ipsius omnibus dominabitur. Benedicite Domino omnes Angeli ejus, potentes virtute, facientes verbum illius, ad audiendam vocem sermonis ejus. Benedicite Domino omnes virtutes ejus, ministri ejus qui facitis voluntatem ejus. Benedicite Domino omnia opera ejus in omni loco dominationis ejus, benedic anima mea Domino. Gloria Patri, &c.

*Orationes ante S. Communionem.*

**A**D mensam dulcissimi convivii tui pie Domine Iesu Christe, ego peccator,



de propriis meritis nihil præsumens, sed de tua confidens misericordia accedere vereor, & contremisco, nam cor, & corpus habeo multis criminibus maculatum, mentem, & linguam non cautè custoditam. Ergo! ô pia Deitas, ô tremenda Majestas! ego miser inter angustias deprehensus, ad te fontem misericordiæ recurro, ad te festino sanandus, sub tuam protectionem fugio, & quem judicem sustinere nequeo, Salvatorem habere suspiro. Tibi Domine plagas meas ostendo, tibi verecundiam meam detego. Scio peccata mea multa, pro quibus timeo, spero tamen misericordias, quarum non est numerus. Respice in me oculis misericordiæ tuæ pie Domine Iesu Christe, Rex æterne, Deus, & homo, crucifixe propter hominem; Exaudi me sperantem in te, miserere mei pleni miseriis, & peccatis: tu qui fontem miserationis tuæ  
nun-



nunquam manare cessabis. Salve salutaris victima, pro me, & omni humano genere in patibulo crucis oblata. Salve nobilis, & pretiose sanguis, de vulneribus dulcissimi Domini Iesu Christi profluens, & peccata totius mundi abluens. Recordare Domine creaturæ tuæ, quam tuo sanguine redemisti, pœnitet me peccasse, cupio emendare quod feci; aufer ergò à me clementissime Pater, omnes iniquitates, & peccata, ut purificatus mente, & corpore, dignè degustare merear sancta sanctorum, & concede, ut sancta prælibatio corporis, & sanguinis tui, quam ego indignus summere intendo, sit peccatorum meorum remissio, sit delictorum perfecta purgatio, sit turpium cogitationum effugatio, bonorum sensuum regeneratio, operumque tibi placentium, salubris efficacia, animæ quoque, & corporis contra inimicorum meorum insidias, firmissima tuitio. Amen.

Om-



Omnipotens sempiterne Deus, ecce accedo ad Sacramentum unigeniti Filii tui Domini nostri Iesu Christi, accedo tanquam infirmus ad medicum vitæ, immundus ad fontem misericordiæ, cæcus ad lumen claritatis æternæ, pauper, & egenus ad Dominum cœli, & terræ; rogo ergo immensæ largitatis tuæ abundantiam, quatenus meam curare digneris infirmitatem, lavare fœditatem, illuminare cæcitatem, ditare paupertatem, vestire nuditatem, ut te panem Angelorum, Regem Regum, & Dominum dominantium, tantâ suscipiam reverentiâ, & humilitate, tantâ contritione, & devotione, tantâ puritate, & fide, tali proposito, & intentione, sicut expedit saluti animæ meæ; da mihi quæso Dominici corporis, & sanguinis non solum suscipere Sacramentum, sed etiam rem, & virtutem Sacramenti. Omitissime Deus! da mihi corpus unigeniti



niti Filii tui Domini nostri Iesu Christi, quod traxit de Virgine MARIA, sic suscipere, ut corpori suo mystico merear incorporari, & inter ejus membra connumerari. O amantissime Pater, concede mihi dilectum Filium tuum, quem nunc velatum in via suscipere propono, revelatâ tandem facie perpetuò contemplari.

Dignare dulcissime Iesu, ad hospitium indignissimi cordis mei, declinare, & desideratâ præsentiâ tuam animæ meæ ne tardaveris exhibere; Veni ad me, veni ô unica salus mea! totum, & solum bonum meum, adstringam te pectori meo, accipiam te inter ulnas animæ meæ, & ponam te sicut signaculum super cor meum, ô veni Salvator meus! veni totus desideratus animæ meæ, quem expectabam in tenebris: veni & novo lucis radio illustra cor meum, eligensque tibi sepulturam in me, sepeli me totum vicissim in te, ut omnibus aliis



mortuus, tibi soli vivam, in te novum spiritum colligam, novum fervorem consequar, novum hominem induam, & in fruitione mellifluæ tuæ præsentia, sit mihi perpetua in te requies.

O! dulcissima Virgo Mater MARIA, te deprecor, & exoro, ut mihi miserrimo peccatori assistere digneris in hac hora, in qua pretiosissimum Filii tui corpus, & sanguinem sum percepturus, sicut adstitisti eidem unigenito, pro nobis in cruce morienti. Loquere obsecro nunc apud Filium tuum pro me, ut tuo benigno auxilio, dignè perficiam hoc, quod intendo, mentèque purificatus, & corpore, ad meam æternam salutem, dignè manna illud absconditum merear degustare. O Maria flos Virginum, contege nunc pallio misericordiæ tuæ, maculas cordis, & animæ meæ, comitare me dulciter euntem in occursum Filio tuo: impetra mihi bene-



benedictionem ab ipso, ut illum cum divina sua virtute, decenter præparatus suscipere, eidemque reclinatorium gratum, & dulce, in anima mea præbere possim.

Veni ô bone Iesu, ut recipias me Filium prodigum, & exhilaras eum, qui te contristavit, coronâ gloriæ, corona eum, qui te spinis cruentavit, amplexare eum, qui te vitâ spoliavit, ama absque modo illum, qui tuam est legem odio persecutus; ô divine Agne! per delicias tui æterni Patris recipe hæc mea desideria. Ad te venio Domine, misereatur pietas tua operis manuum tuarum. recipiat me tua divina gratia, ut te videam in throno magnitudinis tuæ.

Anima Christi sanctifica me, corpus Christi salva me, sanguis Christi inebria me, aqua lateris Christi lava me, passio

L 1 2

Chri-



Christi conforta me; ô bone Iesu exaudi me, intrâ vulnera tua absconde me, & ne permittas me separari à te, ab hoste maligno defende me, in hora mortis meæ voca me, & jube me venire ad te, ut cum sanctis tuis laudem te, in sæcula sæculorum, Amen.

## Exercitium singularis devotionis.

### *Oratio præparatoria.*

**D**omine Iesu, qui carnem, & sanguinem tuum in cibum, potumque mihi præparare dignatus es, in ejusque sumptione, passionis, & mortis tuæ memoriam recoli voluisti: da gratiam ut huic tuæ sanctissimæ voluntati satisfacere, uberisque hujus Sacramenti fructus percipere valeam. Amen.

*Chri-*



*Christus ultimam cœnam instituit.*

**C**ùm tuos ô Iesu dilexiffes, verè in finem dilexifti eos, temetipsum enim ex hoc mundo abiens, sub speciebus panis, & vini in terris reliquisti, ut semper nobiscum esses, quid tibi vicissim, ô Iesu rependam? accipe corpus, & animam meam, meque totum posside, qui te totum mihi in cibum tradere voluisti.

*Lavat discipulorum pedes.*

**A**D discipulorum tuorum, ipsius etiam Judæ pedes, te ô Iesu prosternere, eosque manibus tuis abluere dignatus es; & ego pulvis, & cinis, ego terræ vermiculus, ego homo impius, persistam in subergia? fac Domine, ut vilior fiam, plus quàm factus sum, & sim humilis in oculis meis.



*Angitur in horto, & sanguinem  
sudat.*

**T**Uus in horto mœror, & angor sanguineum tibi ô Iesu sudorem exprefsit, & in hæc verba exclamare coegit; triftis eft anima mea usque ad mortem, væ mihi ob cuius peccata, tu Domine Iesu adeo contriftatus es! sanguinem sudâfti, & ego tam exiguum de illis dolorem sentio, quis dabit capiti meo aquam, & oculis fontem lachrymarum, ut fleam die, ac nocte.

*Ab Angelo confortatur.*

**U**T calicem amariffimæ paſſionis tibi ô Iesu à Patre tuo cœleſti oblatum acceptares, perſuaſit Angelus. Num ego eundem à te mihi propinatum recuſem? calicem ſalutaris accipiam, & nomen Domini invocabo.

*A Ju-*



*A Juda osculo traditur.*

**P**Erfidum ô Iesu! osculū, à Juda admit-  
tere, paternum verò proditori redde-  
re, dignatus es; ne permittas mi Iesu, ut e-  
go tam impio te osculo in hoc sanctissimo  
Sacramento excipiam, aufer proinde à  
me omnem inordinatum creaturarum af-  
fectum, ut te toto corde diligam, & since-  
ro affectu amplectar, tu enim vero es Deus  
cordis mei.

*Christus capitur.*

**S**Piritus oris nostri Christus Dominus  
captus est in peccatis nostris; & ego  
deinceps suavissimo tuorum, ô Iesu man-  
datorum jugo excusso, vivendi captem  
libertatem, trahe me oro, post te, trahe  
me inquam in funiculis Adæ, in vinculis  
charitatis, & curram in odorem unguen-  
torum tuorum.

*Ad*





*Ad Annam & Caipham ducitur.*

**A**D Annam & Caipham summos Pontifices, ô Iesu tanquam gravissimorum flagitiorum reus traheris, ad falsas accusationes, alapas, sputa, aliâque opprobria, non aperis os tuum; ubi est patientia mea! te mi Iesu supplex oro, ut mihi in hoc Sacramento tribuas patientiam, mansuetudinem,

*Præsidi Pontio Pilato sistitur.*

**P**Ontio Pilato Judici, te ô Iesu condemnandum fisti pateris, qui à Patre tuo constitutus es Judex vivorum, & mortuorum, nimirum: ut me à sententia æternæ damnationis absolveres; Væ mihi si indigna corporis, & sanguinis tui sumptione, aut ullo deinceps gravi peccato, me tui iudicii ô Iesu reum faciam.

*Ab*



*Ab Herode spernitur.*

**H**erodes cum universa Aula, te mi Iesu ob modestiã, & humilitatem tuam spernit, albãque indutum veste, cum ludibrio ad Pilatum remittit, ne unquam ô Iesu permittas, ut ego humilem tuam, sub candidis panis speciebus præsentiam, ullo unquam modo spernam, aut parvi faciam, tu enim verè es Deus, hic absconditus.

*Barabbæ latroni postponitur.*

**U**Nanimem mi Iesu, iniquissimæ Plebis Barabbam tibi præferentis vocem, demisso animo audivisti. Utinam ego nunquam hujus mundi bona, honores, voluptates tibi ô Iesu præferam, quid enim mihi est in cœlo, & à te quid volui super terram.

*M m*

*Fla-*



*Flagellatur.*

**A** Planta pedis usque ad verticem capitis, non fuit in te mi Iesu sanitas, quando virgineum corpus tuum ab impiis denudatum, diris modis est cæsum; supplex ad thronum gratiæ tuæ in hoc SS. Sacramento, mihi erectum procido: ne in me horum omnium authore, tantam immanitatem ulciscaris, cum Jobo in amaritudine animæ meæ exclamabo; noli me condemnare.

*Spinis coronatur.*

**E** Gredimini, & videte filiæ Sion Regem Salomonem, in diademate suo. ô speciose formâ præ filiis hominum, ô Rex gloriæ Christe Iesu! tene video spinis coronatum? & ego in vultu, aut ulla corporis parte vanam affectem gloriam? Deus meus confundor, & erubescō levare faciem meam.

*Ecce*



*Ecce Homo.*

**Q**uis est iste, qui venit de Edon, tinctis vestibus de Bosra? iste formosus in stola sua; Itane mi Iesu attrita, laceraque purpura, regium est paludamentum? tuum arundo sceptrum? spinæ corona? parce ah parce mihi peccatori! cum veneris in nube cum potestate magna.

*Condemnatur.*

**A**B iniquis ô Iesu! te innocentem condemnari permisisti, ut à me nocente, sententiam æternæ damnationis avertas, fac ut denique audiam cum electis tuis in illa die, venite benedicti.

*Crucem bajulat.*

**P**osuit in te mi Iesu, Pater tuus coelestis, iniquitatem omnium nostrum; pondus hoc in cruce lubens suscepisti, montemq; Calvariæ conscendisti, utinam,



& ego sic post te venire contendam, ut tol-  
lam crucem meam, & sequar te.

*Crucifigitur.*

**S**OL obscuratus est, te Iesu in cruce  
pendente: terra mota est, petræ scissæ  
sunt; & ego pudore non suffundor? non  
moveor, non conteror, largi è sanctissimis  
manibus, pedibûsque fontes scaturiunt,  
& ego non accurro, etiânum surdis, &  
torpentibus auribus, excipiam voces Pro-  
phetæ? in illa die, quæ nunc per gratiam  
mihi illuxit, haurietis aquas in gaudio, de  
fontibus Salvatoris, verè mi Iesu apud te  
est fons vitæ.

*Ultima morientis verba.*

**P**Rima tibi ô Iesu morienti cura fuit, ut  
peccatores, ij etiam, qui te cruci af-  
fixerunt, Patri tuo reconciliarentur, Pater  
inquebas: dimitte illis, non enim sciunt,  
quid



quid faciunt, & ego ulli qui me unquam offerndit, ignoscere detrectem? dum ad te mihi Iesu in amoris Sacramento sumendum accedo, absit ô Iesu! omnibus amore tui ex animo condono, quidquid in me unquam peccârunt, præsertim illis NN. fac me obsecro in hora mortis meæ cum latrone, illa audire verba: Hodie mecum eris in paradiso: & patere, ut te fratrem meum in hoc Sacramento amplectar, qui dulcissimam Genitricem tuam, in Matrem dædisti, teque à Patre tuo in extremo mortis agone derelinqui permisisti, ne is me æternum in peccatis meis derelinqueret; Ardentissime insuper salutem meam sitivisti, ut vicissim anima mea sitiret ad te, fontem vivum: donec consumato hujus vitæ cursu, in manus tuas commendem spiritum meum. Veni Domine Iesu.

*M m 3*

*Chri-*



*Christus moritur.*

**U**Tinam mihi licuisset, ô Iesu ore,, & corde meo, ultimum vitæ tuæ spiritum excipere! ut dicere possem: Vivit ego, jam non ego, vivit verò in me Christus. Quàm benignus es ô Iesu! quicquid enim tam ardentè desidero, id in gloriosissimo hoc Sacramento mihi conceditis, non modò spiritum tuum, verùm & corpus, ipsamque divinam tuam substantiam, ore, & corde sumendam, mihi tradis, si qui non amat Dominum nostrum Iesum Christum, sit anathema.

*Latus lanceâ aperitur.*

**T**unc mihi ô Iesu ad urbem, & domum refugii aditum patefecisti, quando lanceâ latus tuum aperiri voluisti. Hæc requies mea, hîc habitabo: quoniam elegi eam.

*Sepie-*



*Sepelitur.*

**V**irgineum corpus tuum ô Iesu! mundâ sindone involutum, sepulchro novo est conditum, amplius, amplius lava me ô Iesu! & à peccato meo munda me, cor mundum crea in me, quo sanctissimum tuum, nunc redivivum, & gloriosum corpus, tanquam mundâ sindone excipiam, eique ita amore conjungar, ut verè possim dicere, neque mors, neque vita, neque ulla creatura, me separabit à charitate Dei, quæ est in Christo Iesu Domino nostro.

*Terna amoris ad Iesum suspiria.*

1. **A**ccende ô Iesu igne amoris tui cor meum, quod tibi in holocaustum offero, omnesque terreni amoris flammæ extingue, ut nihil in mundo mihi placeat præter te, in amore tui vivere cupio, & mori exopto.

2. Vox



2. Vox tua mi Iesu est : venite ad me omnes qui laboratis, & onerati estis, & ego reficiam vos ; expansis in cruce brachiis me expectas, en venio ô Iesu ! admitte me obsecro, æternúmque in amoris tui complexu tibi conjunctus permaneam.

3. Præcipitur mihi ne appaream in conspectu tuo vacuus. Sed quid dabo tui Iesu ? accipe tuæ bonitatis dona, animæ meæ facultates, quas tibi in obsequium offero, memoriam, intellectum, voluntatem. Tui solius meminerim, nihil sciam extra te, nihil præter te amem, nec in ulla re mea, sed tua solius voluntas fiat, Amen.

*Septem diversi modi piè communicandi.*

Quibus Christus, & comunicans, in varia imagine constituuntur, congruáque petuntur, prout versus sequentes indicant.

*Septem*



*Septem imagines Christi.*

1. Rex. 2. Judex. 3. Medicus. 4. Spon-  
sus. 5. Dux. 6. Victimā. 7. Numen,

*Septem imagines communicantis.*

1. Mendicus. 2. Reus. 3. Æger. 4. A-  
mans. 5. Pugil. 6. Hostia. 7. Pulvis.

*Septem petitiones.*

1. Da. 2. Parce. 3. Et sana. 4. Satia. 5. Re-  
ge. 6. Suscipe. 7. Salva.

*Septem Correspondentia Mysteria passionis.*

1. Cæna. 2. Hortus. 3. Flagrum. 4. Spi-  
næ. 5. Crux. 6. In Cruce. 7. Funus.

*Praxis horum.*

1. Modus piè communicandi.

**C**hristum sedentem in cæna magna consi-  
dera, sub imagine Regis dicentis. Matth.  
13. Data est mihi omnis potestas in Cælo, &  
in terra. & Prov. 8. 1. Mecum sunt divitiæ,  
& gloria. &c. Ad quem tu velut egenus, &  
Mendicus accede, solamque ejus gratiam pete.

N n

Oratio.



*Oratio.*

**A**D te ô Rex Gloriæ Iesu Christe, in  
cœna tua regia, ego pauper, & for-  
didus accedo, qui coram te, nisi tua boni-  
tas me invitâisset, comparere non aude-  
rem; respice miseriam, ac necessitatem  
meam, cui sublevandæ sola mihi sufficit  
gratia tua, quam unicè per hujus SS. Sacra-  
menti sumptionem peto; hæc sola replet  
in bonis, desiderium meum. Ps. 102.

*2. Modus piè communicandi.*

**C**Hristum in horto Gethsemani (quem  
vallis Josaphat comprehendit) conside-  
ra ut Judicem, cui Pater omne iudicium de-  
dit. Joan. 5. 22. Tu ut reus accede, & veniam  
tuorum delictorum precare.

*Oratio.*

**Q**uid faciam ô Iesu, cùm in loco eo-  
dem, quo ad mortem propter scele-  
ra



ra mea angustiatuſ es, ſurrexeris ad iudicandum, de quavis cogitatione, verbo, & opere, rigidiffimam exacturus rationem; fateor me tuam Maieſtatem in multis offendiſſe, ſed parce, ô clementiſſime Ieſu, parce per SS. vulnera tua, amore mei ſuſcepta. Ad thronum clementiæ tuæ, in ſanctiſſimo hoc Eucharistiæ Sacramento, accedo, ſubmiſſæque confidentiâ te ſupplex oro. Cùm veneris iudicare, noli me condemnare.

### 3. *Modus piè communicandi.*

**C**hriftum in flagellatione conſidera ut Medicum, cujus livore ſanati ſumus. If. 53. tu ab illo velut ager, aut vulneratus à latronibus, medelam pete.

#### *Oratio.*

**O** Miſericors Samaritane Chriſte Ieſu, cujus virginea caro, diriffimis pro me flagellis cæſa, roſeûſque ſanguis pro



me copiosissimè fusus, unica meorum vulnerum est medicina. Utinam ejus virtutem in præsentī experiar, & cūm hora mortis meæ advenerit: eodem immortalitatis pharmaco refici merear; Est enim hoc pharmacum, quod redimit ab interitu vitam meam Ps. 102.

#### 4. *Modus piè communicandi.*

**C**hristum coronatum spinis considera, ut sponsum, qui sponsavit te sibi in sempiternum, Os. 2. 19. Tu illum vicissim ama, ut sponsa, tuæque cœlestium voluptatum desideria, ab eo postula experiri.

#### *Oratio.*

**Q**uis ego sum, ô Iesu, mea causâ spineo diademate redimite? in charitate perpetua dilexi te, sponsabo te mihi in misericordia, & in miserationibus. Quo majore potuisses me honore, & amore prosequi, lætare, & exultare anima mea



mea, qui speciosus formâ præ filiis hominum, in thalamum te suum extulit, tecumque æterno amoris vinculo, vult conjugî, & nunc quid tibi vis in via Ægypti, ut bibas aquam turbidam, fodiâsque tibi cisternas fallacium voluptatum; quid ad illum amore flagrans accuris, qui sponsus tuus esse dignatur, quique torrente voluptatis suæ potabit te, Ps. 35.

5. *Modus piè communicandi.*

**C**hristum crucem bajulantem, considera ut Ducem, omnibus inclamantem: confidite, ego vici mundum. Io. 10. ult. Tu ut timidus Pugil ad hunc accede, & roga, ut te dum à mundo, carne, & diabolo oppugnaris, dignetur regere, & confortare.

*Oratio.*

**O** Dux fortissime, ô Victor gloriosissime, Christe Iesu! in potentissimo crucis ligno mundum, carnem, & diabolum



vicisti, quomodo ego pavidus, & imbecillis, contra tam potentes inimicos subsistam, nisi tu me adjuves; ? blanditur caro, seducit mundus, impellit diabolus, sine tua ope mihi lesu, de salute mea, actum est, proinde ad te in SS. hoc Sacramento, confugio, tu me rege, defende, & conforta, sequar te quocunque ieris. Luc. 9. 5. 7.

### 6. *Modus pie communicandi.*

**C**hristum crucifixum considera ut victimam, propitiatoriam pro peccatis nostris, 1. Io. 2. 2. Te ut Hostiam eidem adjunge, eamque ut suscipere dignetur, supplex ora.

### *Oratio.*

**O** Christe Iesu! qui pro nobis in cruce perfectissimum Patri tuo factus es holocaustum, & propitiatio pro peccatis nostris, & ego me tecum in sanctissimo hoc Altaris Sacramento junctum, Pa-  
tri



tri tuo, quem & meum fecisti, in Hostiam offero, fac, ut tecum suscipiar in odorem suavitatis. Ezech. 20. 41.

7. *Modus piè communicandi.*

**C**hristum in funere, & sepulchro considera ut Numen, in quo abscondita est vita nostra. Col. 3. 3. Tu roga: ut postquam in pulvere dormieris, te resuscitet, & salvet.

*Oratio.*

**S**Cio, quod Redemptor meus vivit, & in novissimo die de terra surrecturus sum, & rursus circumdabor pelle meâ, & in carne mea videbo Deum meum, quem nunc sub speciebus panis, & vini absconditum summere intendo, funus tuum, & sepulchrum ô Iesu! mihi viam hanc ad immortalitatem aperuit. Quando veniam, & apparebo ante faciem Dei. Ps. 41.

*Dum jam ad Sacramentum accedere paras, in comitatum tuum invita B. Virginem, Ange-*



*Angelum tutelarem, S. Iosephum, aliosque sanctos Patronos tuos, in hunc, vel similem modum.*

*Oratio in accessu ad S. Communionem.*

**A** Deste ô beatissima Virgo, unâ cum conjuge tuo S. Iosepho, túque ô Angele Custos, & vos præ cæteris mihi dilecti Patroni, latus meum stipate, viámque ad mensam Domini mihi parate. *Plura ab iis petenda, suggeret devotio.*

*Orationes post S. Communionem.*

**Q**uid retribuam tibi ô dilecte mi Iesu, delitium omne meum, suavitas, & dulcedo mea, quid retribuam tibi? Cantabo semper misericordias tuas, & benedicam in æternum nomini sancto tuo, ne ingratitude mea deficcet torrentes tuæ clementiæ, qui superfluent ex fontibus bonitatis tuæ, repleatur ergò os meum laude, ut cantet, & dicat tibi. Tuos glo-

ria



ria mea. Ego ego cantabo bonitatem tuam, & exaltabo misericordiam tuam, venite, audite me omnes, qui timetis Dominum, quanta fecit animæ meæ

Gratias tibi ago Domine sancte Pater omnipotens æterne Deus, qui me peccatorem indignum famulum tuum, nullis meis meritis, sed solâ dignatione misericordiæ tuæ satiare dignatus es pretioso corpore, & sanguine Filii tui, Domini nostri Iesu Christi, & precor, ut hæc sancta communio, non sit mihi reatus ad pœnam, sed intercessio salutaris ad veniam; sit mihi armatura fidei, & scutum bonæ voluntatis, sit vitiorum meorum evacuatio, concupiscentiæ, & libidinis exterminatio, charitatis, & patientiæ, humilitatis, & obedientiæ augmentatio, contra insidias inimicorum omnium tam visibiliū, quàm invisibiliū, firma defensio, motuum meorum tam carnalium, quàm spiritualium



lium perfecta quietatio, in te uno, ac vero Deo firma adhæſio, atque finis mei, felix consummatio ; & precor ut ad illud ineffabile convivium , me peccatorem perducere digneris, ubi tu cum filio tuo, & spiritu ſancto, ſanctis tuis es lux vera, ſatietas plena , gaudium ſempiternum, jucunditas consummata , felicitas perfecta. Per Chriſtum Dominum noſtrum.

Benedico, & gratias ago, inexhauſtæ benignitati tuæ dulciſſime Jeſu, pro infinita ille tua miſericordia, quâ placuit ſuperfluenti pietati tuæ, iterum te ſuaviſſimâ declinatione demittere, & inclinare ad me peccatorum omnium peripſema, meque vitâ, & moribus deſpicabilem, à finibus extremæ vilitatis, ad aſſociationem regiæ, & divinæ menſæ, dignitatîſque tuæ participationem evocare non es deſignatus. Verè amor coëgit te, & naturalis tua bonitas, inflexit te, ut hodie placatus,



catus, & mellifluus totus ad me descenderes. O verè miserationes tuæ sunt super omnia opera tua, nec est qui abyssum pietatis tuæ exhaurire possit, siquidem mihi tam indigno peccatori, aditum ad supereffluentem bonitatis tuæ abyssum aperuisti. Laudent te Domine pro me spiritus Angelici, & omnes justorum animæ, quandoquidem labiis, & corde pollutus ego, conatu omni meo non sufficio; unum peto ô Deus cordis mei! ut in virtute Sacramenti hujus, quod suscepi, me vicissim suscipias in te, ut tu in me, & ego in te maneam, tibi que sponso, & amatori, perpetuò sim unitus, ut reviream, ac floream in te, sicut herba marcida refloret ad mundationem pluvix salutaris, nunc nunc ô Redemptor meus, spiritum meum, novæ lucis infusione ferenare digneris, mentemque meam ab inordinato amore creaturarum, & vanitatum hujus



sæculi, tuâ internâ unctiōe potenter ab-  
strahe, ita ut externa cuncta, quæ tanto-  
pere placebant, & omnia quæ tu ipse non  
es, mihi jam penitus vilescant, & tu solus  
animæ meæ sapere incipias.

Benedico te toto corde, & animo  
Maria terra fructifera, quia per te hodie  
fructum vitæ communicavi, qui in horto  
tuæ foecundissimæ virginitatis excrevit,  
& commendo me tibi, ut pro me apud Fi-  
lium tuum intercedas, & quacunque ra-  
tione in summi Sacramenti hujus, sum-  
ptione deliqui, hujus negligentia, & in-  
dignitatis meæ veniam impetres; tu sem-  
per casta, pura, innocens, permansisti,  
utinam, & ego tam divini Sacramenti  
sumptione ita sanctificer, ut deinceps,  
cor, & corpus meum ab omni lethalis pec-  
cati macula, tuear impollutum. Tu con-  
cepto Filio de Spiritu sancto magnificas  
laudes Deo decantasti, & in Deo salutari  
tuo



tuo mirabiliter exultâsti, ô si tuis efficacibus precibus id assequar Virgo Mater: ut cum hac sacra communione, novum, & ardentem spiritum jungam, ac semper in gratiarum actione pia verfer, tantôque Redemptori, & hospiti, me nunquam ingratum, sed fidum in omnibus ministrum ostendam.

Transfige dulcissime Domine Jesu medullas, & viscera animæ meæ, suavissimo ac saluberrimo amoris tui vulnere, verâ serenâque, & Apostolicâ sanctissimâ charitate, ut langueat, & liquefiat anima mea, solo semper amore, & desiderio tui; te concupiscat, & deficiat in atria tua: cupiat dissolvi, & esse tecum, da ut anima mea te esuriat Panem Angelorum, refectiorem animarum sanctarum, Panem nostrum quotidianum supersubstantialem, habentem omnem dulcedinem, & saporem, & omne delectamentum sua-



vitatis; te in quem desiderant Angeli prospicere semper esuriat, & comedat, cor meum, & dulcedine saporis tui repleantur viscera animæ meæ; te semper sitiat fontem vitæ, fontem sapientiæ, & scientiæ, fontem æterni luminis torrentem voluptatis, ubertatem Domûs Dei; te semper ambiat, te quærat, te inveniatur, ad te tendat, ad te perveniat, te meditetur, te loquatur, & omnia operetur in laudem, & gloriam, nominis tui; cum humilitate, & discretione, cum dilectione, & delectatione, cum facilitate, & affectu, cum perseverantia usque in finem, & tu sis solus semper spes mea, tota fiducia mea, divitiæ meæ, delectatio mea, jucunditas mea, gaudium meum, quies & tranquillitas mea, pax mea, suavitas mea, odor meus, dulcedo mea, cibus meus, refectio mea, refugium meum, auxilium meum, sapientia mea, portio mea, possessio



sio mea, thesaurus meus, in quo fixa, & firma, & immobiliter semper sit radicata mens mea, & cor meum.

Ineffabilem misericordiam tuam Domine Iesu Christe humiliter exoro, ut hoc Sacramentum corporis, & sanguinis tui, quod indignus suscepi, sit mihi purgatio scelerum, sit fortitudo fragilium, sit contra mundi pericula firmamentum, sit impetratio veniæ, sit stabilimentum gratiæ, sit medicina vitæ, memoria tuæ passionis, sit contra debilitatem fomentum, sit viaticum meæ peregrinationis, euntem me deducat, errantem me reducat, revertentem me suscipiat, titubantem me teneat, cadentem me erigat, perseverantem me, in gloriam introducat. O altissime Deus, beatissima præsentia corporis, & sanguinis tui, sic immutet palatum cordis mei, ut præter te, nullam unquam sentiat dulcedinem, nullam amet pulchritudinem,  
nullum



nullum quærat illicitum amorem, nullam desideret consolationem, nullam admittat unquam delectationem, nullum curet honorem, nullam timeat crudelitatem.

Eja amabilissime Iesu multitudo beneficiorum, immensumque incendium charitatis tuæ flectat, & emoliat duritiem cordis mei, mallei crebriores frangunt petras, ferrum ignis liquefacit, néque est vis ulla tanta, quam, vis major non domet, ego solus miser ille sum, ac miserabilis, cui molliendo non sufficit tuarum miserationum multitudo, ego ille sum durissimus, qui te contempsi, ego qui crucifixi, ego qui parricida factus sum Creatoris, fratris homicida, & proditor legitimi Domini, naturæ, atque gratiæ: ego te despectui habui, qui pro me sperni, flagellis cædi, spinis coronari, cruci affigi, & tandem mori voluisti. Ah! mi dulcis Iesu, non dum perfecisti universas miserationes  
tuas



tuas, ostende proinde mihi misericordiam  
tuam magnam, tu cor S. Catharinæ cor-  
de tuo permutâsti; tu S. Osannæ cor  
mundâsti; tu S. Mechtildi cor tuum do-  
nâsti, tu S. Theresiæ cor, amore tui vul-  
nerâsti; tu denique ipse verè Deus amo-  
ris, cor ferventis tui servi Antonii, in arcu  
& sagitta tibi comparâsti. O si meum  
quoque cor ita vulneres dulcis Iesu! Uti-  
nam amem te ô pulchritudo cœli, in qua,  
tanquam in speculo se intuentur Angeli;  
utinam amem te ô gaudium, & delictum  
patris! utinam amem te ô unice Libe-  
rator, & benefactor meus! utinam amem  
te ô amator animarum; utinam amem te  
Zelator gloriæ divinæ! utinam amem te  
qui sic amas Patrem, ut te amando, amem  
illum etiam amore constanti, ac perpe-  
tuo, qui occupet sensus meos, possi-  
deat facultates meas, captivet cor meum,  
atque hoc ipso momento incipiam quod

P p

face-



facere desidero in sæcula sæculorum,  
Amen.

# LITANIÆ,

## *De Venerabili Sacramento.*

**K**Yrie eleison. Christe eleison,  
Kyrie eleison.

Christe audi nos. Christe exaudi nos.

Pater de Cœlis DEUS. Miserere nobis.

Fili Redemptor Mundi DEUS. Miserere  
nobis.

Spiritus Sancte Deus. Miserere nobis

Sancta Trinitas unus Deus. Miserere  
nobis.

Panis vivus qui de cœlo descendisti.

Miserere nobis.

Iesus absconditus, & Salvator. Miser.

Frumentum electorum Miserere nobis.

Vinum germinans Virgines. Miserere.

Panis pinguis, & deliciæ Regum. Mis.

Juge sacrificium. Miserere nobis.

Obla-



Oblatio munda.  
 Agnus absque macula.  
 Mensa purissima  
 Angelorum esca.  
 Manna absconditum.  
 Memoria mirabilium Dei.  
 Panis supersubstantialis,  
 Verbum caro factum habitans in nobis.  
 Hostia sancta.  
 Calix benedictionis.  
 Mysterium fidei.  
 Præcelsum, & venerabile Sacramentū,  
 Sacrificium omnium sanctissimum.  
 Verè propitiatorium pro vivis, & de-  
 functis.  
 Coeleste antidotum quo à peccatis  
 præservamur.  
 Stupendum super omnia miraculum.  
 Sacratissima dominicæ passionis com-  
 memoratio.

Miserere nobis.



Donum transcendens omnem plenitudinem.

Memoriale præcipuum divini amoris.

Divinæ affluentiae largitatis.

Sacrofanctum, & augustissimum mysterium.

Pharmacum immortalitatis.

Tremendum, ac vivificum Sacramentum

Panis omnipotentiae verbi caro factus.

Incrumentum sacrificium.

Cibus, & Conviva.

Dulcissimum convivium cui assistunt

Angeli ministrantes.

Sacramentum pietatis.

Vinculum charitatis.

Offerens & oblatio.

Spiritualis dulcedo in proprio fonte degustata,

Refectio animarum sanctarum.

Viaticum in Domino morientium.

Pignus futuræ gloriæ.

Miserere nobis.

Pro-



Propitius esto. Parce nobis Domine.

Propitius esto. Exaudi nos Domine.

Ab indigna corporis, & sanguinis tui  
fufceptione.

A concupifcentia carnis.

A concupifcentia oculorum.

A fuperbia vitæ.

Ab omni peccandi occasione.

Per defiderium illud quo hoc Pascha  
cum Discipulis manducare defide-  
râfti.

Per fummam humilitatem, quâ Discipu-  
lorum pedes lavifti.

Per ardentiffimâ charitatem, quâ hoc  
divinum Sacramentum inftituifti.

Per fanguinem tuum pretiofum quem  
nobis in altari reliquifti.

Per quinque vulnera hujus tui corporis  
facratiffimi, quæ pro nobis fufce-  
pifti.

Peccatores. Te rogamus audinos.

Libera nos Domine.



Ut nobis fidem, reverentiam, & devotionem hujus admirabilis Sacramenti augere, & conservare digneris. Te rogamus audi nos.

Ut ad frequentem usum Eucharistiæ, per veram peccatorum confessionem, nos perducere digneris. Te rogamus audi nos.

Ut nos ab omni hæresi, perfidia, ac cordis cæcitate liberare digneris. Te rogamus audi nos.

Ut sanctissimi hujus Sacramenti pretiosos, & cœlestes fructus nobis impertiri digneris. Te rogamus audi nos.

Ut in hora mortis nostræ hoc cœlesti viatico, nos confortare, & munire digneris. Te rogamus audi nos.

Agnus Dei qui tollis peccata mundi. Parce nobis Domine.

Agnus Dei, qui tollis peccata mundi. Exaudi nos Domine.

Agnus



Agnus Dei, qui tollis peccata mundi. Mi-  
serere nobis.

Christe audi nos. Christe exaudi nos.

Pater &c.

**P**Ange lingua gloriosi, corporis myste-  
rium, sanguinisque pretiosi quem in  
mundi pretium, fructus ventris generosi,  
Rex effudit gentium. Nobis datus, no-  
bis natus, ex intacta Virgine, & in mun-  
do conversatus, sparso verbi semine, sui  
moras incolatus miro clausit ordine. In  
supremæ nocte cœnæ, recumbens cum  
fratribus, observatâ lege plenè cibis in le-  
galibus, cibum turbæ duodenæ se dat suis  
manibus. Verbum caro Panem verum  
verbo carnem efficit, fitque sanguis Chri-  
sti merum, & si sensus deficit, ad firman-  
dum cor sincerum, sola fides sufficit. Pa-  
nis Angelicus fit panis hominum, dat pa-  
nis cœlicus figuris terminum, ô res mira-  
bilis! manducat Dominum, pauper ser-  
vus,



vus, & humilis. Tantum ergo Sacramentum veneremur cernui, & antiquum documentum novo cedat ritui, præstet fides supplementum sensuum defectui. Genitori, Genitórique laus, & jubilatio, salus, honor, virtus quoque sit, & benedictio, procedenti ab utroque compar sit laudatio. Amen.

**L**auda Sion Salvatorem, lauda Dulem & pastorem, in hymnis, & canticis; Quantum potes, tantum aude, quia major omni laude, nec laudare sufficis; Laudis thema specialis, panis vivus, & vitalis, hodie proponitur; Quem in sacræ mensa cænæ, turbæ fratrum duodenæ, datum non ambigitur; Sit laus plena, sit sonora, sit jucunda, sit decora, mentis jubilatio; Dies enim solemnis agitur, in qua mensa prima recolitur, hujus institutio; In hac mensa novi Regis, novum Pascha novæ legis, phasæ vetus terminat; Vetu-



Vetustatem novitas, umbram fugat veritas, noctem lux eliminat; Quod in cæna Christus gessit, faciendum hoc expressit, in sui memoriam; Docti sacris institutis, Panem vinum, in salutis, consecramus hostiam; Dogma datur christianis, quod in carnem transit panis, & vinum in sanguinem; Quod non capis, quod non vides, animosa firmat fides, præter rerum ordinem; Sub diversis speciebus, signis tantum, & non rebus, latent res eximiæ; Caro cibus sanguis potus, manet tamen Christus totus, sub utraque specie; à Sumente non concisus, non confractus non divisus, integer accipitur; Sumit unus, sumunt mille, quantum isti, tantum ille, nec sumptus consumitur; Sumunt boni sumunt mali, forte tamen inæquali, vitæ vel interitûs; Mors est malis, vita bonis, vide paris sumptionis, quàm sit dispar exitus; Fracto demum Sacramento, ne

Q q

vacil-



vacilles, sed momento, quantum toto te-  
gitur; Nulla rei fit scissura, signi tantum  
fit factura, quâ nec status, nec statura, si-  
gnati minuitur. Ecce Panis Angelorum,  
factus cibus viatorum, verè panis filio-  
rum, non mittendus canibus. In figuris  
præsignatur, cum Isaac immolatur, A-  
gnus paschæ deputatur, datur manna Pa-  
tribus. Bone Pastor panis vere, Iesu no-  
stri miserere, tu nos pasce nos tuere, tu  
nos bona fac videre, in terra viventium.  
Tu qui cuncta scis, & vales, qui nos pa-  
scis hic mortales, tuos ibi commensales,  
cohæredes, & sodales, fac sanctorum ci-  
vium. Amen.

*Pia Suspiria.*

**N**Unquid non paucitas dierum meo-  
rum finietur brevi, dimitte me igitur,  
ut plangam paululum dolorem meum.  
Memoria mea comparabitur cineri, &  
redi-



redigentur in lutum cervices meæ. Quasi putredo consumendus sum, & quasi vestimentum, quod comeditur à tineâ. Parce mihi Domine, nihil enim sunt dies mei, Memento quæso, quod sicut lutum feceris me, & in pulverem reduces me. Paucitatem dierum meorum nuncia mihi, ne revoces me in dimidio dierum meorum.

Sana me Domine, quoniam conturbata sunt ossa mea, & anima mea turbata est valde. Aruit tanquam testa vita mea, & lingua mea adhæsit faucibus meis, & in pulverem mortis deduxit me. Defecit in dolore vita mea, & animi mei in gemitibus. Domine ante te omne desiderium meum, & gemitus meus à te non est absconditus. Velociter exaudi me Domine, deficit spiritus meus, non avertas faciem tuam à me, & similis ero descendentibus in lacum. Laboravi in ge-



mitu meo, & requiem non inveni. Domine multi gemitus mei, & cor meum mœrens. Citò anticipent nos misericordiæ tuæ. Educ de custodia animam meam ad confitendum nomini tuo. Et nunc Domine memor esto mei, & ne vindictam sumas de peccatis meis, neque reminiscaris delicta mea, vel parentum meorum. Lætifica animam servi tui, quoniam ad te Domine animam meam levavi. Confitebor adversum me injustitiam meam Domine.

Surgam, & ibo ad Patrem meum, & dicam ei. Pater peccavi in cœlum, & coram te jam non sum dignus vocari filius tuus; Peccavi, quid faciam tibi ô custos hominum, quare posuisti me contrarium tibi, & factus sum mihi metipso gravis. Dimittam adversum me eloquium meum, loquar in amaritudine animæ meæ, dicam Deo, noli me condemnare.

Vide



Vide humilitatem meam, & laborem meum, & dimitte universa delicta mea; Delicta juventutis meæ, & ignorantias meas ne memineris Domine. Respice in me, miserere mei. Miserere mei Domine sana me quia peccavi tibi. Miserere mei Deus secundum magnam misericordiam tuam. Ne proicias me à facie tua, & Spiritum sanctum tuum, ne auferas à me. Deus tu scis insipientiam meam, & delicta mea à te non sunt abscondita. Veniant mihi, miserationes tuæ, & vivam. Erravi sicut ovis quæ periit, quære servum tuum. Ne intres in iudicium cum servo tuo, quia non justificabitur in conspectu tuo, omnis vivens; Ne reputes mihi Domine iniquitatem; neque memineris injuriarum servi tui. Quare in perpetuum oblivisceris nostri, derelin-

Qq 3

quens



quens nos in longitudine dierum, converte nos Domine ad te, & convertemur.

Converte nos Deus salutaris noster, & averte iram tuam à nobis, Sitivit in te anima mea. Quemadmodum desiderat cervus ad fontem aquarum, ita desiderat anima mea ad te Deus, sitiivit anima mea ad Deum fontem vivum, quando veniam, & apparebo ante faciem Dei. Mihi adhærere Deo bonum est, ponere in Deo meo spem meam.

Quare tristis es anima mea, & quare conturbas me? spera in Deo. Cor contritum, & humilitatum Deus non despicias. Percutio Domine cum Publicano pectus meum, & dico: propitius esto mihi peccatori. Jesu Fili David miserere mei. Iniquitatem meam



am ego cognosco , peccavi Domino.  
Domine miserere mei. Amplius lava  
me ab iniquitate mea , & à peccato  
meo munda me. Averte faciem tuam  
à peccatis meis , & omnes iniquitates  
meas dele. Cor mundum crea in me  
Deus , & Spiritum rectum innova in vi-  
sceribus meis. Ne derelinquas me Do-  
mine Deus meus ne discefferis à me.  
Redde mihi lætitiā salutaris tui , no-  
tam fac mihi viam in qua ambulem.

Doce me facere voluntatem tuam,  
quia Deus meus es tu; Sicut fuerit vo-  
luntas in cœlo, sic hîc, non mea, sed tua  
voluntas fiat. Si bona suscepimus de  
manu Domini , mala quare non susci-  
piamus? Quoniam ego in flagella para-  
tus sum , & dolor meus in conspectu  
meo semper. Calicem salutaris accipiam,  
& nomen Domini invocabo. Deduc  
me



# I N D E X.

<b>P</b> reces Matutinæ.	fol.	1.
<b>P</b> reces Vespertinæ.		24.
Exercitium quotidianum.		42.
Orationes ad Beatam Virg.	59. &	213.
Hymnus de septem gaudiis B. M. V.		82.
Hymnus de Septem doloribus ejusdem.		84.
Exercitium singularis devotionis erga B. V.		96.
Hymni, & Orationes ad S. Josephum.		113.
Ad S. Stephanum Protomartyrem.		118.
Ad S. Franciscum Seraphicum.		120.
Ad S. Antonium de Padua.		122.
Ad S. Ignatium.		123.
Ad S. Xaverium.		124.
Ad S. Sebastianum.		126.
Ad S. Catharinam.		127.
Ad S. Barbaram.		130.
Ad S. Rosaliam.		138.
Ad S. Rochum.		140.
Ad S. Apolloniam.		141.
Ad S. Luciam.		142.
Ad S. Margaritam.		143.
Ad S. Elisabetham.		144.
Ad S. Stephanum Regem Hungariæ.		145.
	Ad	



Ad S. Ladislaum.	147.
Ad S. Emericum.	148.
Meditationes circa Missam.	42.
Oratio ante Missam, & sub sacrificio Missæ.	48.
Oratio tempore ægritudinis.	152.
Orationes ante Confessionem.	228.
Orationes post Confessionem.	254.
Orationes ante S. Communionem.	261.
Orationes post S. Communionem.	228.
Oratio pro remissione peccatorum.	237.
Oratio præparatoria erga Christum crucifixum, & quinque ejus vulnera.	193.
Oratio pro Patre, & Matre.	29.
Affectus animæ amantis.	235.
Actus contritionis.	232. & 253.
Pia Suspiria.	306.
Præparatio ad beatam mortem, & quinque pro- testationes pro eadem.	186. & 165.
Dies iræ, dies illa.	149.
Testamentum hominis Christiani.	169.
Exercitium singularis devotionis erga Christum patientem.	268.
Septem diversi modi piè communicandi.	280.
Litanix de Venerabili Sacramento.	298.
Litanix Vitæ, & Passionis D. N. I. C.	216.
Litanix Pœnitentiarum.	171.
Litanix pro infirmis.	155.

O. A. M. D. G.



147.	Abbas
148.	Abbas
149.	Abbas
150.	Abbas
151.	Abbas
152.	Abbas
153.	Abbas
154.	Abbas
155.	Abbas
156.	Abbas
157.	Abbas
158.	Abbas
159.	Abbas
160.	Abbas
161.	Abbas
162.	Abbas
163.	Abbas
164.	Abbas
165.	Abbas
166.	Abbas
167.	Abbas
168.	Abbas
169.	Abbas
170.	Abbas
171.	Abbas
172.	Abbas
173.	Abbas
174.	Abbas
175.	Abbas
176.	Abbas
177.	Abbas
178.	Abbas
179.	Abbas
180.	Abbas
181.	Abbas
182.	Abbas
183.	Abbas
184.	Abbas
185.	Abbas
186.	Abbas
187.	Abbas
188.	Abbas
189.	Abbas
190.	Abbas
191.	Abbas
192.	Abbas
193.	Abbas
194.	Abbas
195.	Abbas
196.	Abbas
197.	Abbas
198.	Abbas
199.	Abbas
200.	Abbas











